

**Ammasumik ataatsimiinnermi oqaluuserisassat:**

- Imm. 01** Oqaluuserisassat akuersissutigineri
- Imm. 02** Borgmesterip nalunaarutaa.
- Imm. 03** Ataatsimiititaliani siulittaasut nalunaarutaat.

**Paasissutissiissutit**

- Imm. 04** Kommunalbestyrelsip maajimi 2009-mi ataatsimiinnissaanut ilisimatitsissut.
- Imm. 05** 2009-mut missingersuutitut Ilanngussaq 23 pillugu paasissutissiissut - 50 Ulluunerani meeqqanut inuusuttunullu suliniutissanut 55.7 mio. koruuninik missingersuusortoqarnikuuvoq.
- Imm. 06** 2009-mut missingersuutitut Ilanngussaq 24 pillugu paasissutissiissut - Sisimiut Maniitsullu Kommuneni nerisaqarnermut akiliutit naapertuuttunngorsarneqarneri.
- Imm. 07** Illu Ilaqutariinnut Sullisivimmi atorfiup Coach-p Familieterapeutimut allanngortinneqarnera pillugu paasissutissiissut.
- Imm. 08** Meeqkerisutut atorfik Inunnik Isumaginnittutut siunnersortimut allanngortinnissaanut Ilaqutariinnut kiffartuussiviup qinnuteqaataa pillugu paasissutissiissut.
- Imm. 09** Piareersarfimmi ilinniartitsisut Minngortuunnguup Atuarfianilu ataqatigiisitsilluni atorfinitsitsinissamat 2009-mi missingersuutit pillugit nuussinissamik qinnuteqaat pillugu paasissutissiissut.
- Imm. 10** Inunnik isumaginnittoqarfiup iluani aningaasartuutininu nuussinissamat qinnuteqaat pillugu paasissutissiissut.
- Imm. 11** Kollegiet aammalu Piareersarfiup nutaamik biilitaarnissaanut aningaasartuutissat akuerisaareersut iluanni nuussinissamik qinnuteqaat pillugu paasissutissiissut.
- Imm. 12** Eqqagassat pillugit iliuusissatut pilersaarusiamut tusarniaaneq pillugu paasissutissiissut.
- Imm. 13** Utoqqarnik paaqqinniffiit, nakkutigineqarluni najugaqatigiiffiit utoqqaallu sammisassaqaarnissaannut neqeroorutit pillugit nalunaarusiatut siunnersuummut tunngatillugu tusarniaanermut paasissutissiissut.

**Aningaasaqarnermut tunngasut**

- Imm. 14** 2008-p naanerani aningaasaqarneq pillugu nalunaarusiaq.
- Imm. 15** 2010-mi missingersuusiornissamat 2011-miillu 2013-imut missiliuutissatigut pingaarnertut piffissaliussassat.
- Imm. 16** 2009-mi missingersuutitigut iluarsiiisutissat.
- Imm. 17** Sisimiuni inuusuttut ornittagaasa B-1355-ip Nutaraq-p allanngortiterneqarnera allilerneqarneralu.
- Imm. 18** Maniitsumi ikuallaavimmi kissarsuutip qammagartaanik taarsiineq.
- Imm. 19** 2010-mi aningaasanut inatsisissamat sanaartugassatut kissaatigisat qinnnutiginissaaat.
- Imm. 20** 2009-mi missingersuutini atuutilersussamik Piareersarfimmi akissarsiatigut missingersuutinit nuussinissamik qinnuteqaat.
- Imm. 21** Ilinniartitsisunik ukiunut aalajangersimasunut atorfinitsitsisarneq.

**Suliassat nalinginnaasut**

- Imm. 22 Ataatsimiititalianut siulersuisunullu ilaasortanik sinniisussanillu qinersineq pillugu paasissutissiissut.
- Imm. 23 Qeqqata Kommuniani qatserisartoqarnermut ataatsimiititaliamut ilaasortassanik toqqaaneq.
- Imm. 24 Qeqqata Kommuniani qinersinermik siulersuisunut ilaasortanik qinersineq.
- Imm. 25 Qeqqata Kommuniani atuisartunut pisisartunullu ataatsimiititaliamut ilaasortanik qinersineq.
- Imm. 26 Sisimiuni Inuussutissarsiuutigut Siunnersuisoqatigiinnut ilaasortanik qinersineq.
- Imm. 27 Sisimiuni Inuussutissarsiuutigut Piorsaanermik ataatsimiititaliamut ilaasortanik qinersineq.
- Imm. 28 Sisimiuni Kulturikkut illorsuup Taseraliup siulersuisuinut ilaasortanik qinersineq.
- Imm. 29 Sisimiuni Timersortarfiup siulersuisuinut ilaasortanik qinersineq.
- Imm. 30 Sisimiuni Katersugaasiviup siulersuisuinut ilaasortanik qinersineq.
- Imm. 31 Sisimiuni paaqqinnittarfinnut inissitsiterisartunut ilaasortanik qinersineq.
- Imm. 32 Maniitsup Timersortarfiata siulersuisuinut ilaasortanik qinersineq.
- Imm. 33 Maniitsup Katersortarfiata siulersuisuinut ilaasortanik qinersineq.
- Imm. 34 Maniitsup Katersugaasiviata siulersuisuinut ilaasortanik qinersineq.
- Imm. 35 "Sisorartarfik Sisimiut"-nut kommunalbestyrelsimut ilaasortamik qinersineq.
- Imm. 36 Sisimiuni Innuttaasut Illuata siulersuisuinut ilaasortamik qinersineq.
- Imm. 37 Sisimiuni Knud Rasmussenip Højskoleata siulersuisuinut ilaasortamik qinersineq.
- Imm. 38 Intersolar 2009-mut atatillugu Teknikkimut Avatangiisinullu Ataatsimiititaliap angalanissaanik siunnersuut.
- Imm. 39 Qeqqata Kommuniani illoqarfiit ikinngutigisat.
- Imm. 40 10-40-50 aqqutigalugu attartortitsisarnermi akuerinnikkallartarnerit pillugit tunngaviusumik isummerneq
- Imm. 41 Qeqqata Kommuniani ilaqtariinnut illut ataasiakkaat affarleriillu tuniniarneri, taamatullu kommunip ilaqtariinnut arlalinnut inissiaataasa namminerisamik inissiatut tiguneqartarneri.
- Imm. 42 Ataatsimiititaliat siulittaasuisa akissarsiaat.
- Imm. 43 Qeqqata Kommuniani ammasarfiit.
- Imm. 44 Qeqqata Kommuniani teknikkikkut siunnersorteqarneq.
- Imm. 45 I/S Mokana-mut suleqatigiinnissamik isumaqatigiissut.
- Imm. 46 Taxanut akigitat.
- Imm. 47 Oqaluuserisassatut siunnersuut – Atuakkanik atorniartarfiliortoqarnissaa.
- Imm. 48 Oqaluuserisassatut siunnersuut – Atuarfinni inunnik isumaginninnermi siunnersortinik atorfinitsitsinissaq.
- Imm. 49 Oqaluuserisassatut siunnersuut - Sisimiuni taxat amerlassusii
- Imm. 50 Apeqquteqaat - Qeqqata Kommuniani qatserisartoqarneq.
- Imm. 51 Sivadleq-mut siulersuisunut ilaasortassamik qinersineq.
- Imm. 51 Tamalaat.

Ataatsimiinneq aallartippoq nal. 8.30

Ataatsimiinneq videokonference atorlugu ingerlanneqarpoq.

*Peqataasut:*

***Atassut***

Søren Alaufesen, Sisimiut

Godmand Rasmussen, Sisimiut

Bitten Heilmann, Maniitsoq

***Demokraatit***

Palle Christiansen, Sisimiut

***Inuit Ataqaatigiit***

Katrine Larsen Lennert, Sisimiut

Agathe Fontain, Sisimiut

Mimi Karlsen, Maniitsoq

Beathe Poulsen, Atammik

***Siumut***

Hermann Berthelsen, Sisimiut

Karl Lyberth, Maniitsoq

Evelyn Frederiksen, Sisimiut

Alfred Olsen, Sisimiut

Efraim Olsen, Kangaamiut

Hans Frederik Olsen, Sisimiut

Morten Siegstad, Sisimiut

*Nalunaaruteqarlutik peqataanngitsut:*

*Nalunaaruteqaratik peqataanngitsut*

**Imm. 01 Oqaluuserisassat akuersissutigineri**

**Aalajangiineq**

Imm. 51: Sivdleq siulersuisunut ilaasortanik qinersineq

Imm. 26 aamma 27 kinguartinneqarput

IA: Inuttaasut illuat pillugu nassuiaasoqarnissaa kissaatigaat.

Godmand Rasmussen: Inatsisartunut ataatsimiigiarnermi angalanermi akiliisarnermut paasisaqarusuttoq.

Tamalaani nassuiaasoqassaaq

**Imm. 02 Borgmesterip nalunaarutaa**

**Aalajangiineq**

Oqaaserineqartut ilanngullugit tusaatissatut tiguneqarpoq.

**Imm. 03 Ataatsimiititaliani siulittaasut nalunaarutaat**

**Aalajangiineq**

Oqaaserineqartut ilanngullugit tusaatissatut tiguneqarput.

**Imm. 04 Kommunalbestyrelsip maajimi 2009-mi ataatsimiinnissaanut ilisimatitsissut**

Tunuliaqutaq

KANUKOKA-mut aallartitat Ilulissani maajip 26-iani 27-ianilu 2009-mi ataatsimiinnissaat peqqutigalugu kommunalbestyrelsip maajip 26-iani ataatsimiinnissaa, tallimangornermut maajip 29-anut 2009 nal. 8:30-mut kinguartinneqarpoq.

**Innersuussut**

Kommunalbestyrelsimut paasissutissiissutitut saqqummiunneqarpoq.

**Aalajangiineq**

Tusaatissatut tiguneqarpoq.

**Ilanngussaq**

Ilanngussaqanngilaq

**Imm. 05 2009-mut missingersuutitut ilanngussa 23 pillugu paasisutissiissut - 50 Ulluunerani meeqqanut inuusuttunullu suliniutissanut 55.7 mio. koruuninik missingersuusiortoqarnikuvoq**

*Journalnr.44.04*

Tunuliaqutaq

Kommuneni paaqqinnittarfinniititaqarnermi, matumani meeqqeriviit, meeraaqqeriviit sunngiffimmilu sammisassaqtitsivinniit, taamatullu ulluunerani angerlarsimaffimmi paaqqinniffinniititaqarnerit ilanngullugit, akiliutitigut kiffartuussinerit assigiinngissuteqarmata, Ikaarsaariarnermi ataatsimiititaliap Qeqqata Kommuniani kiffartuussinikkut assigiissaarinnissaq aalajangersaaffigissavaa.

Tamatumani pineqarput 0-imiit 6-imut ukiulinnut ulluunerani neqeroorutit kiisalu 7-imiit 12-inut ukiulinnut sunngiffimmi sammisassaqtitsiviit.

Maleruagassatigut tunngavissaq

Meeqqat kommunip ulluunerani paaqqinnittarfiutaaniinnerinut kommunillu aqqissugaanik ulluunerani angerlarsimaffimmi paaqqinniffinniinnerinut akiliuteqartarneq pillugu Namminersornerullutik Oqartussat nalunaarutaat nr. 18, 14. september 2006-imeersoq.

Sisimiut kommuneani MKI suliarineqareernerisigut januaarip 1-ani 2008-miit paaqqinnittarfiiniititsinermi, ulluunerani paaqqinniffimmiinnermi sunngiffimmilu sammisassaqtitsivinniinnermi akigititassatut siunnersuusiornikuvoq, taamaalilluni angajoqqaat ukiumi akileraaruteqarfiusumi 2006-imi isertitaat naapertorlugit akiliutissat inissinneqarlutik kiisalu januaari juulilu akiliuteqarfiunnginnissaat ilanngullugit.

Pissutsit atuuttut

Qatanngutiginnut akikillisaat Meeqqat kommunip ulluunerani paaqqinnittarfiutaaniinnerinut kommunillu aqqissugaanik ulluunerani angerlarsimaffimmi paaqqinniffinniinnerinut akiliuteqartarneq pillugu § 8-atigut iluarsiiiffigisaavoq:

*”Akiliisussaatitaasoq imaluunniit akiliisussaatitaasut meeqqap 15-it inorlugit ukiullip kommunip ulluunerani paaqqinnittarfiutaaniittartup kommunilluunniit aqqissugaanik ulluunerani angerlarsimaffimmi paaqqinniffimmiittartup ataatsip saniatigut meeqqanik allanik akiliisutassaqarpata, meeqqamut angajullermut tamakkiisumik akiliisoqartassaaq sinnerinullu meeqqamut ataatsimut affarmik akiliisoqartassalluni.”*

Tamatumalu kinguneralugu, sumiiffinni politikikkut soqutigisat tunngavigalugit qatanngutigiit eqqarsaatigalugit akikillisaqqittoqarsinnaannginnera.

Sisimiut Kommuneani katillugit: meeqqanut paaqqinnittarfiit 14-iupput, taamatullu 5-inik angerlarsimaffimmi paaqqinnittartoqarluni. Meeqqerivinni katillugit meeqqanut 524-nut inissaqarpoq, sunngiffimmi sammisassaqtitsivinni 131-nut kiisalu angerlarsimaffimmi paaqqinnittartuni meeqqanut 20-nut inissaqarluni. Maniitsup Kommuneani arfinilinnik meeqqeriveqarluni meeqqanut 245-nut inissalinnik kiisalu Napasumi angerlarsimaffimmi paaqqinnittartoq ataaseq meeqqanut 4-nut inissalik.

**Eqitsit 1.**

**2009-mi meeqqanik paaqqinnittarfinni missingersuutitigut killiliussat mio. koruuninngorlugit**

Kontop taaguutaa	Sisimiu t	Maniitso q	2009-mut miss. killiliussat
SIUNERTANUT ATAATIMORUSSANUT	-4.085	0	-4.085
MEEQQERIVIIT	6.401	0	6.401
MEERAAQQERIVIIT	5.454	0	5.454
SUNNGIFFIMMI SAMMISASSAQARTITSIVIIT	5.867	0	5.867
AKULERIISITSILLUNI MEEQQERIVIIT	25.114	15.188	40.302
ANGERLARSIMAFFIMMI ULLUUNERANI PAAQQINNITTARFIIT	1.507	261	1.768
<b>MEEQQANUT INUUSUTTUNULLU ULLUUNERANI SULINIUTIT</b>	<b>40.258</b>	<b>15.449</b>	<b>55.707</b>

Sisimiut Maniitsullu kommuniini meeqqanut inuusuttunullu suliniutitigut 2009-mut missingersuutitigut killiliussat mio. koruuninngorlugit matuma qulaani eqitsimmi takuneqarsinnaavoq. Ataatsimut katillugit 55.7 mio. koruuninik missingersuuteqartoqarpoq, tassa Sisimiut Kommuneani 40.258 mio. koruuninik Maniitsullu Kommuneani 15.449 mio. koruuninik.

**Meeqquerivinni angerlarsimaffinnilu meeqqanik paarsaqartarnerup naapertuuttunngorsarnera**

Allakkiami uani taamaallaat Sisimiut Kommuneani sunngiffimmi orinittakkani akitigut naleqqussaanissaq suliassaavoq.

Ikaarsaariarnermi ataatsimiititaliap Aningaasaqarnermut ataatsimiititaliaa novembarip 6-ini 2008-mi ataatsimiinnerani aalajangiunneqarpoq, meeqqat kommunip ulluunerani paaqqinnittarfiutaaniinnerinut, kommunillu aaqqissugaanik ulluunerani angerlarsimaffimmi paaqqinniffinniinnerinut akiliuteqartarneq pillugu Namminersornerullutik Oqartussat nalunaarutaat nr. 18, 14. september 2006-imeersoq tulliuttut tunngavigalugit aallaavigineqassasoq:

**Kommunimi sunngiffimmi ornittakkani**

- Ulluunerani neqeroorutit eqqarsaatigalugit, eqitsit 3 akuersissutigineqaluni. Tamatuma saniatigut 99.000 koruunit tikillugit isertitallit akiliuteqartassanngitsut, kiisalu 120.000 koruuniniit qummut isertitallit qaammammut akiliutissaat 1.000 koruuninut qaffasinnerpaaffilerlugu. Tamatuma kingunerissavaa, missingersuutitigut aningaasartuutissat 3.590.000 + 238.171 koruuninik qaffariarnissaat, ilanngussaq 20 takuuk.

2009-mut missingersuutit Qeqqata Kommuniani fritidshjemminut siunnersuut:

**Egistsit 2**

**Sunngiffimmi ornittakami akiliutissap 1.000 koruuninut qaffasinnerpaaffilerlugu naatsorsornera aningaasartuutiniit procentinngorlugit inissamut ataatsimut naatsorsornerat.**

Indkomst	Ingerlatsinermut aningaasar-tuut inissa-mut % ngorlugu	Qeqqata Kommuni-ani 420.000 koruuninut isertitalin-nut akiliutissat siunnersuut 1.000 koruuninut qaff.	Sisimiuni meeqqerivimmi agguaq-tigiisillugu qaammammut akiliut M2008	Qeqqata Kommuniani Sisimiunilu akit assi-giingissutaat M2008	Qeqqata qaammammut akiliut M2008	2009MS-ni akiliutitigut isertitassat naatsorsuutit
0 - 99.999	0	0	130	-130	17	0
100.000 - 104.999	6	263	261	2	1	2.627
105.000 - 109.999	7	306	304	2	1	3.065
110.000 - 114.999	8	350	348	2	13	45.530
115.000 - 119.999	9	394	391	3	1	3.940
120.000 - 149.999	10	438	434	4	6	26.267
150.000 - 179.999	11	482	521	-39	4	19.263
180.000 - 209.999	12	525	695	-170	12	63.042
210.000 - 249.999	13	569	869	-300	4	22.765
250.000 - 299.999	14	613	1.043	-430	8	49.032
300.000 - 359.999	15	657	1.217	-560	6	39.401
360.000 - 419.999	16	700	1.390	-690	36	252.167
420.000 ----->	23	1.000	1.564	-564	13	130.046
					122	657.145
2008-mut missingersuutit				2009MS Qeqqata Kommuniani mio.kr.		
Illoqarfik Inissat		Angajoqqaat akiliutissat				
Sisimiut	131	-1.102		-657		
Maniitsoq						
I alt		-1.102		-657		<b>-445</b>
)Ingerl. aningaas. mio.kr. Inissat		Ukiumut meeqqamut ataats. aningaasartuut				
Sisimiut	5.735	131				
Maniitsoq						
Katillugit mio.kr.	5.735	131	43.779	1000		
<b>Missingersuutitigut katillugit 445.000 koruuninik qaffaasoqassaaq</b>						

Matuma siuliani eqitsimmi 2-mi meeqqerivinniititaqarnermi akitigut naleqqussaarinermi sunngiffimmi ornittakkani akit 1.000 koruuninut qaffasinnerpaaffilerlugit ingerlatsinikkut aningaasartuutiniit procentinngorlugit inissamut ataatsimut naatsorsuineq ingerlanneqarpoq. Angajoqqaat 0—99.999 koruunit akornanni isertitalit akiliutissat 0 koruuniussaaq. 100.000 – 149.999 koruunit akornanni isertitaqarfimmi ingerlatsinikkut aningaasartuutit Namminersornerullutik Oqartussat nalunaarutaanni minnerpaaffissaannut atuuttumut naatsorsugaavoq. 150.000 – 419.999 koruunit akornanni isertitalit ingerlatsinikkut aningaasartuutit procentinngorlugit qaffaffinni tamani procentimik ataatsimik qaffariarput. 420.000 koruuniniit qummullu isertitalit aningaasartuutit procentinngorlugit ataatsimut katillugit 23 procentinik qaffariaateqarfiupput.

**Assersuutit:**

Angajoqqaanut 0-99.999 koruunit akornanni isertitalinnut akiliutissaq 0 koruuniussaaq, tamatumani appariaat qaammammut 130 koruuniussalluni ukiumulluunniit 1.300 koruuniussalluni.

100.000 – 149.999 koruunit akornanni isertitalit akiliutimikkut 2 koruunit 20 koruunillu, kiisalu 4 koruunit 40 koruunillu akornanni qaffariaateqarneq malugissavaat.

150.000 – 420.000 koruunit qummullu akornanni isertitalit akiliutimikkut 39 koruunit 390 koruunillu, kiisalu 690 koruunit 6.900 koruunillu akornanni appariaateqarneq malugissavaat.



Sunngiffimmi ornittakkani inissat ingerlatsinikkut aningaasartuutit procentiat inissamut 1.000 koruuninut qaffasinerpaaffik aallaavigaanni, tamanna aallaavittut missingersuutit 0,4 mio. koruuninik qaffariaateqartitsissaaq. Taama 0,4 mio. koruuninik qaffariateqarnermut angajoqqaat akiliutaatigut isertitassatut naatsorsuutigineqaraluit 1.1 mio. koruuniniit 0,7 mio. koruuninut appariarnissaat patsisaassaaq.

#### Allaffeqarfiup innersuussutaa

Sunngiffimmi ornitakkamiititsineranut naleqqussaanneranut atatillugu Ikaarsaariarnermi ataatsimiititaliamut akuereqqullugu innersuussutigineqassaaq:

Ingerlatsiviup Ikaarsaariarnermi ataatsimiititaliap Aningaasaqarnermut ataatsimiititaliaata sunngiffimmi ornittakkanut atatillugu tulliuttuni takuneqarsinnaasut innersuussutai akuereqqullugit Ikaarsaariarnermi ataatsimiititaliamut innersuussutigissavaa:

#### **Kommunip sunngiffimmi ornittagaatai eqitsit 2-tut. Sunngiffimmi Ornittakkani akit 1.000 koruuninut qaffasinnerpaaffilerlugit ingerlatsinikkut aningaasartuutiniit procentinngorlugit inissamut ataatsimut naatsorsornerat**

- Angajoqqaat 0 – 99.999 koruunit akornanni isertitallit 2009-mi meeqqerivimmiiitsinerminnut akiliuteqassanngillat.
- Angajoqqaat 100.000 – 149.999 koruunit akornanni isertitallit meeqqanik / meeqqaminnik kommunip meeqqeriviutaaniititsinerminnut akiliuteqartartut, Qeqqata Kommuniani tamani ingerlatsinikkut aningaasartuutit katillugit akit procentiat minnerpaaq 2009-mi akilertassavaat.
- Angajoqqaat 150.000 – 179.999 koruunit akornanni isertitallit meeqqanik / meeqqaminnik kommunip meeqqeriviutaaniititsinerminnut akiliuteqartartut, Qeqqata Kommuniani tamani ingerlatsinikkut aningaasartuutit katillugit akit 11 procentiat 2009-mi minnerpaaq akilertassavaat, 180.000 – 209.999 koruunit akornanni isertitallit ingerlatsinikkut aningaasartuutit katillugit akit 12 procentiat 2009-mi akilertassavaat, 210.000 – 249.999 koruunit akornanni isertitallit ingerlatsinikkut aningaasartuutit katillugit akit 13 procentiat 2009-mi akilertassavaat, 250.000 – 299.999 koruunit akornanni isertitallit ingerlatsinikkut aningaasartuutit katillugit akit 14 procentiat 2009-mi akilertassavaat, 300.000 – 359.999 koruunit akornanni isertitallit ingerlatsinikkut aningaasartuutit katillugit akit 15 procentiat, 360.000 – 419.999 koruunit akornanni isertitallit ingerlatsinikkut aningaasartuutit katillugit akit 16 procentiat 2009-mi akilertassavaat.
- Angajoqqaat 420.000 koruuniniit qummut isertitallit 2009-mi sunngiffimmi ornitakkamiititsinerminnut annerpaamik 1.000 koruunit akilertassavaat.

Siulittaasup aalajangiinera

Ikaarsaariarnermi ataatsimiititaliaq sinnerlugu Ikaarsaariarnermi ataatsimiititaliap siulittaasua decembarip 2-ani 2009-mi aalajangerpoq, allaffeqarfiup innersuussutaa akueriniarlugu.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaaris 10-ani 2009-mi ataatsimiinnerani ilisimatitsissut tusaatissatut tiguneqarpoq.

**Innersuussut**

Suliaq kommunalbestyrelsimut paasissutissiissutitut saqqummiunneqarpoq.

**Aalajangiineq**

Tusaatissatut tiguneqarpoq.

**Ilanngussaq**

Ilanngussaqanngilaq

**Imm. 06 2009-mut missingersuutitut Ilanggussaq 24 pillugu passissutissiissut - Sisimiut Maniitsullu Kommuneni nerisaqarnermut akiliutit naapertuuttungorsarneqarneri**

Journalnr. 44.05

Tunuliaqutaq

Pensionilinnut namminerisamik najugalinnut utoqqarnulluunniit angerlarsimaffinni najugalinnut nerisanut akiliutaasartut kiffartuussinitsigut assigiinngissuteqarmata, kiffartuussineq assigiinneri-sungorniarlugu Qeqqata Kommuniani atuuttussamik Ikaarsaariarnermi Ataatsimiititaliaq aalajangersaassaaq.

Maleruagassatigut tunngavissaq

Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq.

Pissutsit atuuttut

Qeqqata Kommunissaani pensionillit, Sisimiut Kommuneani 15-it Maniitsup Kommuneanilu 5-t ullumikkut katillugit 20-upput Utoqqaat Angerlarsimaffii aqutigalugit nerisassarsisarput. Sisimiut Kommuneani ukioq naallugu ullut tamaasa suliffeqarfik namminersortoq pensionillit nerisassaannik pajuttuisarpoq, Maniitsup Kommuneanili ukioq kaajallallugu pajuttuisarneq kommunimi sulisup isumagineqartarpoq.

Sisimiut Kommuneta Isumaginninnermi ataatsimiititaliaata akuersissutiginiukuusaatut nerisassat kissartut, kommunemit 23,54 koruunimik taperneqareernerata kingorna 33,00 koruuneqartinneqarput, nerisassat kissartut akivia tassaalluni 56,54 koruuni.

Maniitsup Kommuneani 25,00 koruuneqarput, kommunemit 14,29 koruunimik taperneqareernerata kingorna, nerisassat kissartut akivia tassaalluni 39,29 koruuni.

**Sisimiut Maniitsullu Kommuneni nerisaqarnermut akiliutit naatsorsorneri**

**Sisimiut Kommuneat**

Sisimiut Kommuneani nerisanut akiliutigittinneqartartunut naatsorsuinnermi tunngavissani uku apeqqutaassapput:

- utoqqaat angerlasimaffiisa ukiumut qaangiuttumut naatsorsuutai + assartuineq
- utoqqaat angerlarsimaffiani inissanik atuisimaneq + oqilisaassineq
- nerisassanik pajuttuisarnermi isertitat
- ullut najugaqarfiusut = 10.908 (SAF-ip naatsorsuinnera)

Tulliuttut najoqqutaralugit:

Igaffiummiut + nerisaqarnermut aningaasartuutit + assartuineq  
Ullut najugaqarfiusut + oqilisaassinerit – nerisassanik pajuttuisarnermi isertitat

Aningaasartuutit tamarmiusut	Kr. 2.017.000 (akissarsiat missiliutaapput)
Assartuineq (Huch Sulilu isumaqat. ull. 11/2 time)	Kr. 37.901
Nerisassanut aningaasartuutit	<u>Kr. - 204.740</u>
Aningaasartuutit ilanngaasereerlugit	Kr. 1.850.161

Nerisanut akiliut:  $1.850.161 : 10.908 = 169,62$  ullormut

Nerinermut ataasimut naatsorsuut:

$169,62 : 3$  nerinerit (ullaakkorsiorneq ualikkut unnukkullu kaffi ullup qeqqasiornerit / unnukkut kissartutornerit) =  $56,54$  ataasiarluni nerineq

**Maniitsup Kommunea**

Maniitsup Kommuneani nerisanut akiliutigittinneqartartunut naatsorsuinermit tunngavissani uku apeqqutaassapput:

- utoqqaat angerlarsimaffiata ukiup siuliini naatsorsuusiai akuerisaasut +assartuineq
- utoqqaat angerlarsimaffiani inissanik atuisimaneq + oqilisaassineq
- nersassanik pajuttuinermit isertitat
- ullut najugaqarfusut = 16.060

Tulliuttut najoqqutaralugit:

Igaffiummiut + nerisaqarnermut aningaasartuutit + assartuineq

Ullut ullut najugaqarfusut + oqilisaassinerit – nerisassanik pajuttuisarnermit isertitat

Aningaasartuutit tamarmiusut:

Igaffiummiunut akissarsiat (sulisut 6)	miss.	Kr. 1.400.000
Nerisassanut aningaasartuutit		Kr. 491.000
Assartuineq (SIK akiss ullormut 11/2 time)		Kr. 52.151
Nerisaqartitsinermit isertita		<u>Kr. - 50.000</u>

Aningaasartuutit ilanngaasereerlugit Kr. 1.893.151

Nerinermut akiliut:  $1.893.151 : 16.060 = 117,88$  ullormut

Nerinermut ataasimut naatsorsuut:

$117,88 : 3$  nerinerit (ullaakkorsiorneq ualikkut unnukkullu kaffi ullup qeqqasiornerit / unnukkut kissartutornerit) =  $39,29$  kr. ataasiarluni nerineq

Tulliuttut sisamat arlaar toqqarneqarsinnaavoq:

1. Aningaasartuutitut tunngatillugu taakkualu kommuneni marluusuni agguataarnissaannut tunngatillugu killiffigisap atuutsinnarnissaa periarfissaavoq.
2. Aningaasartuutit qaffasissusiata agguaqatigiisinneqarsinnaaneri periarfissaavoq, taamaalilluni pensionisialinnut maannakkut aningaasartuutaasartut katineri kommunitaassami agguataarneqarsinnaanngussammata. Tamatuma kingunerissavaa, pensionilinnut namminerisamik najugalinnut utoqqaalluunniit angerlasimaffiiniittunut ataasiarluni nerineq 29,00 koruuneqassalluni.

**Sisimiuni naatsorsuineq 33, 00 kr-niit 29,00 kr-nut**

15 pens x 33,00 kr. x 365 ullut	= 180.675,00 kr.
15 pens x 29,00 kr. x 365 ullut	= 158.775,00 kr.
<u>Missingersuutitigut qaffaaneq:</u>	<u>= 21.900,00 kr.</u>

Sisimiuni pensionilinnut nerisaqarnermit ukiumut akiliutikinnerulerneq: = 1.460,00 kr.

**Maniitsumi naatsorsuineq 25, 00 kr-niit 29,00 kr-nut**

5 pens x 25,00 kr. x 365 ullut	= 45.625,00 kr.
<u>5 pens x 29,00 kr. x 365 ullut</u>	<u>= 52.925,00 kr.</u>
Missingersuutitigut qaffaaneq:	= 7.300,00 kr.
Tamanna missingersuutitigut qaffaaffiussaaq 21.900,00 + 7.300,00	<u>= 29.200,00 kr.</u>

Maniitsumim pensionilimmut nerisaqarnermi ukiumut akiliinerulerneq: = 1.460,00 kr.

3. Kiffartuussinermi qaffasissutsimik allannguinnissaq kommunemut tamarmut periarfissaavoq, taamaalilluni Sisimiut Kommuneani ullumikkut atuuttoq naligitilerlugu, ataasiarluni nerineq 33, 00 koruuneqartillugu. Tamatuma kingunerissavaa, pensionilinnut namminerisaminnik najugalinnut utoqqaalluunniit angerlasimaffianiittunut ataasiarluni nerineq 33,00 koruuneqassalluni.

**Maniitsumi naatsorsuineq 25, 00 kr-niit 33,00 kr-nut.**

5 pens x 25,00 kr. x 365 ullut.	= 45.625,00 kr.
<u>5 pens x 33,00 kr. x 365 ullut.</u>	<u>= 60.225,00 kr.</u>
Missingersuutitigut qaffaaneq:	= 14.600,00 kr.

Misiingersuutitigut sipaarutaassalluni 21.900,00 – 7.300,00 = 14.600,00 kr.

Maniitsumim pensionilimmut nerisaqarnermi ukiumut akiliinerulerneq: = 2.920,00 kr.

4. Kiffartuussinermi qaffasissutsimik allannguinnissaq kommunemut tamarmut aamma periarfissaavoq, Maniitsumi Kommuneani ullumikkut atuuttoq naligitilerlugu, ataasiarluni nerineq 25, 00 koruuneqartillugu. Tamatuma kingunerissavaa pensionilinnut namminerisaminnik najugalinnut utoqqaalluunniit angerlasimaffianiittunut ataasiarluni nerineq 25,00 koruuneqassalluni.

**Sisimiuni naatsorsuineq 33, 00 kr-niit 25,00 kr-nut**

15 pens x 33,00 kr. x 365 ullut.	= 180.675,00 kr.
<u>15 pens x 25,00 kr. x 365 ullut.</u>	<u>= 136.875,00 kr.</u>
Missingersuutitigut qaffaaneq:	<u>= 43.800,00 kr.</u>

Sisimiuni pensionilinnut nerisaqarnermut akiliutikinnerulersitsineq ukiumut: = 2.920,00 kr.

Allaffeqarfiup naliliinera

Immikkut oqaaseqaatitassaqaanngilaq

Allaffeqarfiup innersuussutaa

Ikaarsaariarnermi ataatsimiititaliamut innersuussutigineqassaaq, Qeqqata Kommuniani kiffartuussinermi naapertuuttunngorsaanerme qaffasissusissaa aalajangiivigeqqullugu, matumunnga ilanngullugu kiffartuussinermi qaffasissuseq qanoq annertutigissanersoq, naatsorsuutit takuneqarsinnaasut tunngavigalugit naatsorsuineq 1, naatsorsuineq 2, naatsorsuineq 3 imaluunniit naatsorsuineq 4 atuutilersillugu.

Siulittaasup aalajangiinera

Ikaarsaariarnermi ataatsimiititaliap siulittaasua Ikaarsaariarnermi ataatsimiititaliaq sinnerlugu naat-sorsuusiap sisamaat decembarip 2-ani 2008-mi akuersissutigaa.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10.ani 2009-mi ataatsimiinnerani ilisimatitsissut tusaatissatut tiguneqarpoq.

**Innersuussut**

Suliaq kommunalbestyrelsimut paasissutissiissutitut saqqummiunneqarpoq.

**Aalajangiineq**

Tusaatissatut tiguneqarpoq.

**Ilanngussa**

Ilanngussaqaqangilaq

**Imm. 07 Illu Ilaqutariinnut Sullisivimmi atorfiup Coach-p Familieterapeutimut allangortinneqarnera pillugu paasisutissiissut**

*Journalnr. 44.18*

Tunuliaqutaq

Ilaqutariinnut kiffartuussiviliornissami Kommunalbestyrelsimi februaarip 26-ni 2008-mi aalajangiivigeqqaagaani immikkut suleqatigiisit arlaqartut ilaatinneqarput.

Ilaqutariinnut kiffartuussiviliornermut tassanilu atorfiit inuttarlorsorneqarnissaanut atatillugu inuup nammineq piginnaaneri atorlugit siunnersuisutut (coach) atorfiup ilaqutariinnut katsorsaasunngorlugu allangortinneqarnissaa pisariaqarlersimavoq. Siunnersuisutut atorfik pilersinneqaqqammerpoq, 2009-milu missingersuutini ilanngunneqartussatut akuersissutigineqarnikuulluni.

Maleruagassatigut tunngavissaq

Sisimiuni Ilaqutariinnut kiffartuussiviliornissamik Kommunalbestyrelsip aalajangiinera, Kommunalbestyrelsip nalinnginnasumik ataatsimiinnerat 01/2008 u. februaarip 26-at 2008-mi, oqaluuserisassani imm. 11-at.

Ilaqutariinnik katsorsaansamik/ilaqutariinnut siunnersuinissamik assigisaanilluunniit tapersersuinissamik maleruaqqusat/ Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersoq § 9 imm. 2 nr. 4 tunngavigalugu.

Pissutsit atuuttut

Ilaqutariinnut kiffartuussivimmi katsorsaanermi suliniutaasut nukittorsarneqarnissaat pisariaqarmat siunnersortitut atorfik ilaqutariinnut katsorsaasutut allangortinneqarnissaa kissaataavoq.

Atorfilik Ilaqutariinnik peqqissaanermik misilittagalik ilaqutariinnut katsorsaanermi aamma perorsaanikkut peqqissaanikkullu tunngasuni katsorsartittunut pitsaassutsimik qulakkeerinninnermi tapertaasinnaanera tamatumunnga patsisaavoq.

Aamma ilaqutariinnut katsorsaasoq suliamut paasisimasaqarnini iluaqutigalugu Ilaqutariinnut kiffartuussiviliornierup ingerlanerani ineriartortinneqarneranilu suliamigut tapertaasinnaammat.

Aningaasaqarnikkut allaffissornikkullu kingunerisinnaasai

Ilaqutariinnut kiffartuussivimmut 2009-mut missingersuutini katillugit 1.137.000 koruunit, Ilaqutariinnut kiffartuussivimmi atorfinnut sisamanut akissarsianut atugassatut immikkoortinneqarsimapput, taakkunannga 50 procentii Namminersornerullutik Oqartussanit aningaasaliiffiqineqarnissaat naatsorsuussaalluni. Atorfinnut sisamanut pilersinneqaqqammersunut akissarsianut Sisimiut Kommuneata 2009-mi ukiunilu missiliuteqarfiusuni aningaasartuutissai taamaalilluni 487.000 koruuniussapput, Kommunalbestyrelsip ulloq 27. aug. 2008 aalajangiinera takuuk.

Ilaqutariinnut kiffartuussiviliornissamut siullertut aalajangiussami siunnersortimut 250.127 koruunit ukiumut akissarsianut aningaasartuutissatut naatsorsuussatut aalajangersarneqarsimapput.

Ilaqutariinnut katsorsaasumut akissarsianut aningaasartuutissat ukiumut 286.586 koruuniussallutik, isumaginninnermi aqutsisumut akissarsiat naligalugit.

36.586 koruuninik nikingassutaasoq, Ilaqutariinnut kiffartuussivimmi akissarsianut killiliussat iluaniiginnartinneqarsinnaavoq, ilaatigut Ilaqutariinnut kiffartuussivimmi pisortamut akissarsiassat siunniassaasumiit 91.000 koruuninik appasinnerusussammata.

Allaffeqarfiup naliliinera

Allaffeqarfiup nalilerpaa, Sisimiuni Ilaqutariinnut kiffartuussivimmi siunnersortitut atorfik Ilaqutariinnut katsorsaasutut atorfinngorlugu allanngortinneqartariaqartoq, kiffartuussivimmi katsorsaariaaseq pisariaqartoq anguneqarsinnaaqullugu.

Allannguneq taanna Ilaqutariinnermut Peqqissutsimullu Naalakkersuisoqarfimmit Ilaqutariinnut kiffartuussivinni katsorsaansamut neqeroorutaasut pitsanngorsaavigineqarnissaanut kissaataasumut peqatigitillugu ilassutaassaaq, tamannalu anguneqassalluni Ilaqutariinnut kiffartuussivimmi suliatigut allannguinissamik nassuiaatigineqartoq akuersissutigineratigut.

Isumaginninnermi suliffissaqartitsiniarnermilu ingerlatsiviup innersuussutaa

Isumaginninnermi suliffissaqartitsiniarnermilu atatsimiititaliamut innersuussutigineqassaaq, allannguatissatut siunnersuut akuersissutigineqassasoq, Aningaasaqarnermullu ataatsimiititaliamut ingerlateqqinneqarlutik innersuussutitalerlugu siunnersuut Ikaarsariarnermi ataatsimiititaliamut aalajangiivigisassanngorlugu ingerlateqqinneqassasoq.

Isumaginninnermi suliffissaqartitsiniarnermilu atatsimiititaliami suliap sularinera

Isumaginninnermi suliffissaqartitsiniarnermilu atatsimiititaliap novembarip 5-ani 2008-mi ataatsimiinnermini ingerlatsiviup innersuussutaa akuersissutigivaa. Suliap saqqummiunneqarnera imatut iluarsineqassaaq:

Ilaqutariinnut kiffartuussiviup pisortata akissarsiasai kr. 91.000,00- nik ilimagisamiit appasinnerussammata.

(takuuk meeqqerisutut atorfiup inunnik isumaginnittutut allanngorneranut suliap)

Borgmesterip aalajangiinera

Borgmesteri aningaasaqarnermut ataatsimiititaliaq kommunalbestyrelsilu sinnerlugit decembarip 10-ani 2008-mi aalajangerpoq, Ilaqutariinnut kiffartuussivimmi Coach-p Familieterapeutimut aningaasartuutaanngitsumik allanngortinneqarnissaa akuersissutigineqassasoq

Aningaasaqarnermut ataatsimiititaliaq ataatsimiinnissaani siullermi aalajangiinermik ilisimatinneqassaaq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februarip 10-ani 2009-mi ataatsimiinnerani ilisimatitsissut tusaatissatut tiguneqarpoq.

**Innersuussut**

Suliap kommunalbestyrelsimut paasissutissiissutitut saqqummiunneqarpoq.

**Aalajangiineq**

Tusaatissatut tiguneqarpoq.

**Ilanngussat**

Ilanngussaqaqangilaq



**Imm. 08 Meeqqerisutut atorfik Inunnik Isumaginnittutut siunnersortimut allannngortinnissaanut Ilaqutariinnut kiffartuussiviup qinnuteqaataa pillugu paasissutissiissut**

*Journalnr. 44.18*

Tunuliaqutaq

Ilaqutariinnut kiffartuussiviliornissami Kommunalbestyrelsimi februaarip 26-ni 2008-mi aalajangiivigeqqaagaani immikkut suleqatigiissitat arlaqartut ilaatinneqarput.

Ilaqutariinnut kiffartuussiviliornermut tassanilu atorfiit inuttalersorneqarnissaanut atatillugu Meeqqerisutut atorfiup isumaginnittutut siunnersortimut allannngortinneqarnissaa pisariaqarlersimavoq. Meeqqerisutut atorfik pilersinneqaqqammerpoq, 2009-milu missingersuutini ilanngunneqartussatut akuersissutigineqarnikuulluni.

Maleruagassatigut tunngavissaq

Sisimiuni Ilaqutariinnut kiffartuussiviliornissamik Kommunalbestyrelsip aalajangiinera, Kommunalbestyrelsip nalinnginnasumik ataatsimiinnerat 01/2008 u. februaarip 26-at 2008-mi, oqaluuserisassani imm. 11-at.

Ilaqutariinnik katsorsaanissamik/ilaqutariinnut siunnersuinissamik assigisaanilluunniit tapersersuinissamik maleruqaqsat/ Meeqqanik inuusuttunillu ikiorsiisarneq pillugu Inatsisartut peqqussutaat nr. 1, 15. april 2003-meersoq § 9 imm. 2 nr. 4 tunngavigalugu.

Pissutsit atuuttut

Ilaqutariinnut kiffartuussivimmi katsorsaanermi suliniutaasut nukittorsarneqarnissaat pisariaqarmat meeqqerisutut atorfik inunnik isumaginninnermut siunnersortitit allannngortinneqarnissaa kissaataavoq.

Atorfilik Ilaqutariinnik peqqissaanermik misilittagalik ilaqutariinnut katsorsaanermi aamma perorsaanikkut peqqissaanikkullu tunngasuni katsorsartittunut pitsaassutsimik qulakkeerinninnermi tapertaasinnaanera tamatumunnga patsisaavoq.

Aamma inunnik isumaginninnermut siunnersorti suliamut paasisimasaqarnini iluaqutigalugu Ilaqutariinnut kiffartuussiviliornerup ingerlanerani ineriartortinneqarneranilu suliamigut tapertaasinnaammat.

Aningaasaqarnikkut allaffissornikkullu kingunerisinnaasai

Ilaqutariinnut kiffartuussivimmut 2009-mut missingersuutini katillugit 1.137.000 koruunit, Ilaqutariinnut kiffartuussivimmi atorfinnut sisamanut akissarsianut atugassatut immikkoortinneqarsimapput, taakkunanga 50 procentii Namminersornerullutik Oqartussanit aningaasaliiffigineqarnissaat naatsorsuussaalluni. Atorfinnut sisamanut pilersinneqaqqammersunut akissarsianut Sisimiut Kommuneata 2009-mi ukiunilu missiliuuteqarfiusuni aningaasartuutissai taamaalilluni 487.000 koruuniussapput, Kommunalbestyrelsip ulloq 27. august 2008 aalajangiinera takuuk.

Ilaqutariinnut kiffartuussiviliornissamut siullertut aalajangiussami meeqqerisumut 216.051, 36 koruunit ukiumut akissarsianut aningaasartuutissatut naatsorsuussatut aalajangersarneqarsimapput. Inunnik isumaginninnermut siunnersortimut akissarsianut aningaasartuutissat ukiumut 250.127,64 koruuniussallutik, isumaginninnermi siunnersortitit akissarsiat naligalugit.

34.076,28 koruuninik nikingassutaasoq, Ilaqutariinnut kifartuussivimmi akissarsianut killiliussat iluaniiginnartinneqarsinnaavoq.

Allaffeqarfiup naliliinera

Allaffeqarfiup nalilerpaa, Sisimiuni Ilaqutariinnut kiffartuussivimmi inunnik isumaginninnermi siunnersortitut atorfik Ilaqutariinnut katsorsaasutut atorfinngorlugu allanngortinneqartariaqartoq, kiffartuussivimmi katsorsaariaaseq pisariaqartoq anguneqarsinnaaqullugu.

Allannguneq taanna Ilaqutariinnermut Peqqissutsimullu Naalakkersuisoqarfimmit Ilaqutariinnut kiffartuussivinni katsorsaansamut neqeroorutaasut pitsanngorsaavigineqarnissaanut kissaataasumut peqatigitillugu ilassutaassaaq, tamannalu anguneqassalluni Ilaqutariinnut kiffartuussivimmi suliatigut allannguinissamik nassuiaatigineqartoq akuersissutigineratigut.

Isumaginninnermi suliffissaqartitsiniarnermilu ingerlatsiviup innersuussutaa

Isumaginninnermi suliffissaqartitsiniarnermilu atatsimiititaliamut innersuussutigineqassaaq, allannguatissatut siunnersuut akuersissutigineqassasoq, Aningaasaqarnermullu ataatsimiititaliamut ingerlateqqinneqarlutik innersuussutitalerlugu siunnersuut Ikaarsaariarnermi ataatsimiititaliamut aalajangiivigisassanngorlugu ingerlateqqinneqassasoq.

Isumaginninnermi suliffissaqartitsiniarnermilu atatsimiititaliami suliap sularinera

Isumaginninnermi suliffissaqartitsiniarnermilu atatsimiititaliap novembarip 5-ani 2008-mi ataatsimiinnermini ingerlatsiviup innersuussutaa akuersissutigivaa. Punkt 05 ataani eqqartorneqarpoq.

Borgmesterip aalajangiinera

Borgmesteri aningaasaqarnermut ataatsimiititaliaq kommunalbestyrelsilu sinnerlugit decembarip 10-ani 2008-mi aalajangerpoq, Ilaqutariinnut kiffartuussivimmi Meeqperisutut atorfiup Inunnik Isumaginnittutut siunnersortimut aningaasartuutaanngitsumik allanngortinneqarnissaa akuersissutigineqassasoq

Aningaasaqarnermut ataatsimiititaliaq ataatsimiinnissaani siullermi aalajangiinermik ilisimatinneqassaaq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10-ani 2009-mi ataatsimiinnerani ilisimatitsissut tusaatissatut tiguneqarpoq.

**Innersuussut**

Suliaq kommunalbestyrelsimut paasissutissiissutitut saqqummiunneqarpoq.

**Aalajangiineq**

Tusaatissatut tiguneqarpoq.

**Ilanngussat**

Ilanngussaqaanngilaq

**Imm. 09 Piareersarfimmi ilinniartitsisut Minngortuunnguup Atuarfianilu ataqatigiisitsilluni atorfinitsitsinissamat 2009-mi missingersuutit pillugit nuussinissamik qinnuteqaat pillugu paasissutissiissut**

Journalnr. 46.00

Tunuliaqutaq

Meeqqat atuarfiini ilinniartitsisutut ilinniagaqasimasunut pillugit maajip 14-iani 2008-mi aalajangi-ussat SAU-imi ØU-imilu akuersissutigineqarneri tungavigalugit, IMAK-imi akissarsianut isumaqatigiissutit naapertorlugit ataqatigiisitsilluni Meeqqanut kulturimullu tunngasuni atorfinitsinneqar-sinnaalerput, tamatumani piffissami tamakkiisumi **ilinniartitsisunullu piffissami suliffissami isumaqatigiissutit atuuttut naapertorlugit** Piareersarfimmit attartorneqarsinnaalerlutik.

Pissutsut atuuttut

Ilinniartitsisut Piareersarfimmi aalajangersimasumik atorfillit sisamat pineqarput, atorfinitsinneqar-nermikkut qitiusumik atuarfimmu Minngortuunnguup Atuarfianut nuunneqarlutik kingornalu ava-taanit attartorneqartartut inissisimasussatut Piareersarfimmi ukioq ataaseq atuuttussamik isuma-qatigiissusiortoqartassalluni. Tamanna isumaqarluni ukiut tamaasa isumaqatigiissusiortoqartassasoq. Kalaallit Nunaanni Naalakkersuisut IMAK-illu sept. 12-ini 2008-mi isumaqatigiissutaat atuuttoq naapertorlugu atorfimmik nuussineq pissaaq.

Aningaasaqarnikkut allaffissornikkullu kingunerisinnaasai

Ilinniartitsisunut sisamanut akissarsianik missingersuutitigut nuussinissaq qinnutigineqarpoq. Piareersarfiup akissarsianut kontoaniit qitiusumik atuarfiup Minngortuunnguup Atuarfiata akissar-sianut kontoanut nuussinerussammat missingersuutitigut nuussineq aningaasartuutaqassanngilaq. Tjenestemandit atorfimmut akissarsiat annertussilerneqarnerata kingullianni qaammammut 29 600,- koruuninik missingersuutitigut nuussinissap annertussusissaata naatsorsorneqarneranut tun-gavigineqarpoq.

Akissarsianut atugassat nuunneqartut qitiusumik atuarfiup akissarsianut missingersuutaanit immik-koortinneqarlutik inissinneqassasut isumaqatigiissutaavoq, taamaalilluni ataqatigiisitsilluni atorfe-qartinneqartunut akissarsiassat Piareersarfimmit nuunneqartut qitiusumik atuarfiup akissarsianut atugassaanit ersaarissumik immikkoortinneqarsinnaaqullugit. Immikkoortinneqarnerinut siuner-taavoq, qaqugukkulluunniit atuisoqarnerussagaluarpat atuisukinnerusoqassagaluarpuunniit ersa-rissuunissaa qulakkeerniarlugu. Kingullermut eqqaaneqartumut tunngatilugu ataqatigiisitsilluni atorfinitsitsineq qitiusumik atuarfimmu aningaasartuutaannginnerussammat Piareersarfimmit saq-qummiunneqassaaq.

**2009-mut aningaasaliinissamat siunnersuut:**

Konto Piareersarfik	Taaguutaa	Missingersuut kr.	Atugassatut naatsorsuutit kr.	Nuussinissa q kr.
38-01-00-01-09	Qammammusiat siumoortut	1.846.000,-	975.200,-	-870.800,-
38-01-00-01-10	Qammammusiat kingumoortut	1.495.000,-	1.045.000,-	-450.000,-
38-01-00-01-11	Akunermusiat	166.000,-	66.000,-	-100.000,-
				- 1.420.800,-

**2009-mi missingersuutitigut nuussinissamik siunnersuut:**

Konto Minngortuunnguup Atuarfia	Taaguutaa	Missingersuut kr.	Atugassatut naatsorsuutit kr.	Ataqatigii. atorf. akiss. nuussineq kr.
51-01-12-01-10	Qammammusiat siumoortut			
51-01-xx-xx-xx	Pia.-mi ataqatigiisit. atorfinits.		-1.420.800,-	+1.420.800,-

Ilinniartitsisup tjenestemanditut atorfillip ataqatigiisitsilluni atorfirmut akissarsiaanut assersuut.

Tunngaviusumik akissarsiat: 24.286	qaffasissusiliinermi isumaqatigiissut
Ulempeydeler § 16 takuuk 100	arbejdstidsaftalen
Aalajangersimasumik tapit § 7 666	ataqatigiisitsilluni atorfinitsitsinermi isumaqatigiissut
Akunnermut tapit § 7	2.406 ataqatigiisitsilluni atorfinitsitsinermi
isumaqatigiissut	
Katillugit Qammammut 27.459	

Allatseqarfiup aningaasaqarnermullu allatseqarfiup oqaaseqaatai

Allaffeqarfiup naliliinera

Meeqqanut Kulturimullu kiisalu Isumaginninnermut ingerlatsiviit atuarfiup piareersarfiullu pisortai peqatigalugit arlaleriarlutik ataatsimiinnikuupput, ataqatigiisitsilluni atorfinitsitsinerit qanorpiag ingerlanneqassanersut eqqartorneqarlutik. Ataatsimiinnerni taakkunanani inerniliunneqarpoq, Piareersarfimmi ilinniartitsisusut qitiusumik atuarfirmut Minngortuunnguup Atuarfiani atorfinitsinnersinnaanerit, avataanit ilinniartitsisutut inissillugit piffissami tamakkiisumi Piareersarfimmiitinnerarlutik. Malitsigisaanik aningaasaqarnermut pisortap tikkuarpaa ataqatigiisitsilluni atorfinitsitsinerit Piareersarfimmi akissarsianut missingersuutiniit atorfinitsitsivissamut nuussinissamik malitseqartariaqassasut.

Isumaginninnermi suliffissaqartitsiniarnermilu ingerlatsiviup innersuussutaa

Isumaginninnermi ingerlatsiviup SAU-imut innersuussutigivaa Ataqatigiisitsilluni atorfinitsitsinissanut missingersuutitigut nuussinissat siunnersuutaasut aningaasaqarnermut atatsimiititaliamut akuersissutigeqqullugit qinnutigineqassasut.

Isumaginninnermi suliffissaqartitsiniarnermilu ataatsimiititaliami suliap suliarinera

Isumaginninnermi suliffissaqartitsiniarnermilu ataatsimiititaliap novembarip 5-ani 2008-mi ataatsimiinnermini ingerlatsiviup innersuussutaa akuersissutigivaa.

Borgmesterip aalajangiinera

Borgmesteri aningaasaqarnermut ataatsimiititaliaq kommunalbestyrelsilu sinnerlugit decembarip 10-ani 2008-mi aalajangerpoq, aningaasartuutaanngitsumik missingersuutitigut nuussinissat akuersissutigineqassasut

Aningaasaqarnermut ataatsimiititaliaq ataatsimiinnissaani siullermi aalajangiinermik ilisimatinneqassaaq.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 10.ani 2009-mi ataatsimiinnerani ilisimatitsissut tusaatissatut tiguneqarpoq.

**Innersuussut**

Suliaq kommunalbestyrelsimut paasissutissiissutitut saqqummiunneqarpoq.

**Aalajangiineq**

Tusaatissatut tiguneqarpoq.

**Ilanngussat**

Ilanngussaqaanngilaq

**Imm. 10 Inunnik isumaginnittoqarfiup iluani aningaasartuutininik nuussinissamut qinnuteqaat pillugu passissutissiissut**

*Journalnr. 06.02.04*

Tunuliaqutaq

Inunnik isumaginninnermi ataatsimiisitap ulloq 03. December 2008 ataatsimiinnerani ingerlatsiviup oktoberip naaneranut 2008 aningaasartuutai suliarivai, aningaasaqarnermullu ataatsimiisitamut inassutingalugu ingerlatsiviup aningaasartuutininik nuussinissamut siunnersuutaata akuerineqarnissaa.

Pissutsit atuuttut

Immikkoortortaqarfiit tamarmik naatsorsuutit pillugit oqaaseqaatinik sanasarpit qaammatikkaartumik.

Allaffeqarfiup naliliinera

Immikkoortortat ataasiakkaat takussutissaqarput ukiup naaneranut aningaasaliissutinik atuinerujumaartut. Taamaattumik Inunnik isumaginnittoqarfimmiit inassutigineqassaaq, matumani oqaaseqaatini immikkut nassiunneqartut aqqutingalugit, aningaasaqarnermi ataatsimiisitaq qinnuteqarfigine-qassasoq aningaasanik nuussisoqarnissamut aningaasaliissutaareersut iluanni.

**Oktoberip naaneranut 2008 aningaasartuutit**

Aningaasartuutit / isertut toqqammavingalugit atukkat annertussuseqassapput 83,3% aningaasaliissutit agguaqatigiisillugit qaammatikkaartumik naatsorsuusiarineqarpata.

**Konto 3 – Suliffissaqartitsineq - Piareersarfillu:**

<i>Suliffissaqartitsineq / Piareersarfik</i>	<b>Aningaas aliissutit</b>	<b>Atukkat</b>	<b>2008-mi %</b>	<b>2007-mi %</b>
3402 Kommunip iluani suliniutit	2.189	1.613	73,68%	
3404 Suliffissuaq suleqatingalugu suliniutit	0	3		
3501 Piginnaangorsaqqiineq	1.014	821	80,93%	
3801 Piareersarfik	3.438	2.279	66,30%	
3802 Suliffissaarunnersiutit / napparsimanersiutit	4.554	3.147	69,11%	
<b>Katillugit</b>	<b>11.195</b>	<b>7.866</b>	<b>70,26%</b>	

Suliffissarsiuussisarfiup Piareersarfiullu aningaasartuutaat annertussuseqarput 70,26%, aningaasannorlugit 7.866.000 kr. aningaasaliissutini 11.195.000 kr.-usunit. Taamaalluni aningaasartuutit 13%-ip missaani atuinikiffiunerusimapput, ilimagisamit 83,3%-usumit.

Kommunimi suliniutit tassaanerupput ammerivik / mersortarfik Natseq, amiinnaanerusumik mersortarfiusoq. Taassumap saniatigut Sarfanguani Itillimilu suliffissaqartitsinermi aningaasaliissutit aamma amernik tunisineq ingerlanneqarput, amernik tunitsiveqartitsineq annerusumik ingerlanneqarlu-ni suliallu naammassineqartut Qaqortumut Great Greenlandimut Maniitsukkoortillugit nassiunneqartar-put. Kiisalu umimmannik assartuineq 72.000 kr.-nik aningaasaliiffigineqarsimasoq, kisianni ukioq manna atorineqarsimangitsut.

Natseq pillugu maannamut angusat tassa qaammatini 10-ni annertussuseqarpoq 75,38%, aningaasannngorlugit 888.000 kr. aningaasaliissutini 1.178.000 kr.-usunit, imatut agguataarsimapput:

Konto	Suunera	Aningaasalii.	Atukkat	Nikigassut
3402 / 0111	Akissarsiat	1.387	1.075	312
3402	Ingerlatsineq	345	169	176
3402	Atortussat	506	447	59
3402 / 7999	Isertitat	- 1.060	- 874	- 186
<b>Katillugit</b>		<b>1.178</b>	<b>817</b>	<b>361</b>

Natseq qaammammut aqquaqtigiisillugu aningaasartuuteqartarpoq 100.000 kr. missaani, akissarsiat isertitallu ilanngullugit. Qulaani takutinneqartumi maannamut aningaasartuutit innersuullugit, takussutissaqarpoq ukiup naanerani Natseq atuinikinnerujumaartoq, taakkualu 160.000 kr. missaani annertussuseqarsinnaapput. Allaanerusumik inerneqarsinnaavoq, apeqqutaalluni Natsermi sanaat inuit juullilernerani tunissutissaqqingalugit ornigarumaarneraat.

Nunaqarfinni suliffissaqartitsiniarneq eqqarsaatingalugu, kiisalu nunaqarfinni ammernik nioqquteqarneq, matumani Sarfannguit Itillerlu eqqarsaatingalugit, maannamut aningaasartuutigineqarsimapput 77,10% aningaasannngorlugit 724.000 kr., aningaasaliissutini 939.000 kr.-usunit, imatullu agguataarsimallutik:

Konto	Suunera	Aningaasalii.	Atukkat	Nikigassut
340281 / 91	Akissarsiat	973	470	503
3402	Ingerlatsineq	52	10	42
3402	Puisit amiinik pisiat	91	379	- 288
340281 / 91	Isertut	- 177	- 146	- 31
<b>Katillugit</b>		<b>939</b>	<b>713</b>	<b>226</b>

Aningaasarsianut atukkat millionit affaasa missaanik annikinnerupput, puisilli amiinik pisiortornermi konto 288.000 kr.-nik sipporneqarsimavoq. Itillimi amernik pisortornermut konto 280.000 kr.-nik sippuisimavoq, isertitallu eqqarsaatingalugit, taanna amernik pisiortornermut attuumassuteqarpoq, maannammut isertinneqarsimapput 146.000 kr. Itilliminngaaniit oqaatigineqarpoq novemberimi isertut annertusisimasut (katillugit 225.000 kr.) aammalu ballitsimik ataatsimik nassiuunneqartussamik peqarlu-tik, kiisalu ballitsi alla maannakkut immerneqartoq ulikkaariarpallu Qaqortumut nassiuunneqartussaa-soq.

Nunaqarfinni suliffissaqartitsiniarneq eqqarsaatingalugu Sarfannguani atorneqarpiarsimangilaq, aalisa-kkanut tunitsiviup ingerlalluarnera pissutingalugu, saarulleqarluarsimagami. Itillimi suliffissaqartitsini-arnermi suliniuteqarneq aatsaat novemberip aallartinnerani pimoorullugu ingerlanneqalerpoq.

Piareersarfiup maannamut aningaasartuutigisimasai annertusseqarput 66,30%, aningaasannngorlugit 2.279.000 kr., aningaasaliissutini 3.438.000 kr.-usunit, kisianni aningaasartuutit kontot tamaasa saqqummersillugit takussutissiami inernerusoq allatut isikkoqarpoq, tassani aningaasartuutit 8%-p missaani qaffasinnerusutut isikkoqarmata. Taamaattumik takussutissiat taakkua marluk imminnut assigniippallaanngitsut pillugit, itinerusumik misissoqqaartariaqarparput tamatumunnga suna pissutaa-nersoq, eqqornerusumik takussutissiuunnginnatsinni. Naatsorsuutigivara takussutissiaq eqqornerusoq saqqummiukkumaarlugu tulliani ataatsimiisitap ataatsimiinnerani.



Suliffissaarunnermi napparsimanermilu ullormusiani maannamut atorneqarsimapput 69,11% aningaasanngorlugit 3.147.000 kr. aningaasaliissutini 4.554.000 kr.-usunit Aningaasaliissutaasuni maannakkut sinnerupput 1.407.000 kr. taakkunannga 1.2 mill. kr. suliffissaarunnermi ullormusiassat. Kingullertigut suliffissaarunnersiutinik tunniussuisimanermi agguaqatigiisillugu qaammammut 70.000 kr. missaani atorneqarsimapput, tamannalu pillugu ilimanangilaq kontop imarisai tamarmik atorneqarumaartut imaluunniit konto sippuumaartoq. Rejenik suliffissuup nalunaarutigisimavaa, suliffissuaq tunisassior-lluni ukioq manna unissasoq 23. december 2008.

**Konto 4 – Inunnik isumaginnittoqarfik:**

<i>Inunnik isumaginnittoqarfik</i>	<b>Aningaas aliissutit</b>	<b>Atukkat</b>	<b>2008-mi %</b>	<b>2007-mi %</b>
40 Akiliuteqanngitsumik paaqqinnittarfimmiititsinerit	250	194	77,44%	
41 Meeqqanik- inuusuttua-qqanik isumaginninneq	6.945	5.016	72,23%	
43 Siusinaartumik pensionit	4.648	4.472	96,22%	
44 Meeqqanut akilersuutit	192	62	32,36%	
45 Pisortanit ikiorsiissutit	7.665	4.130	53,88%	
46 Meerartaarnermut tunng. Sulinngiff. ullormusiat	345	495	143,59%	
46 Ineqarnermut tapiissutit	5.640	4.398	77,99%	
47 Utoqqarnik isumaginninneq	23.984	19.322	80,56%	
48 Innarluutilinnut immikkoortoqarfik	2.958	3.174	107,30%	
49 Isumaginninnikkut ani-ngaasartuutit allat	286	- 495	- 173,01%	
<b>Total</b>	<b>52.913</b>	<b>40.769</b>	<b>77,05%</b>	

Aningaasartuutissatut ilimagisat ulloq 31. oktober 2008, 83,3%-ip missaaniittussaapput aningaasaliissutinit 52.913.000 kr.-usunit. Kisianni maannamut aningaasartuutigineqarsimasut annertussuseqarput 77,05%, taamatullu atuisimaneq innersuullugu 6%-ip missaani atuinikinnerusoqarpoq, aningaasanngor-lugu 3.174.000 kr. Taamaattorli immikkoortoqarfiit ataasiakkaat akissarsianut aningaasaliissutaat eqqarsaatingalugit, aningaasarsiat ilai suli nakkartinneqanngillat, ilaatigut piffissani kipungasuni aningaasarsiat tunniunneqartarnerat pissutingalugu. Suliffeqarfiit makkua pineqarput Utoqqaat Angerlarsimaffiat, Angerlarsimaffimmi ikiorteqartitsivik kiisalu Pisoq. Matumani oktoberip qaamma-taani sapaatip akunnerata ataatsip nalingi ilaangillat.

**Inunnik isumaginninnermi aningaasartuutit misissornerini makkua nalunaarutigineqassapput:**

Immikkoortoqarfiit ataasiakkaat aningaasaliissutitigut takussutissaqarput ukiup naanerani amigartooru-teqartussatut. Maannakkumiit takusinnaalereerparput immikkoortut pingasut aningaasaliissutaasunik atuinerujumaartut.

Immikkoortut pineqartut ukuupput:

- Konto 41 – meeqqanik inissiigallarnermut konto – ilimagineqarpoq 150.000 kr. missaani atuinerujumaartoq.
- Konto 41 – ulloq unnuarlu paaqqinniffinniititaqarnermi akiliutit, 100.000 kr.-it missaani.
- Konto 43 – siusinaartumik pensionit 300.000 kr. missaani.

Konto 41 – meeqqanik inissiigallarnermut konto pillugu, ukiarmi aningaasanik nussuinermit konto taanna iluamik maluginiarsimangilarput.

Konto 41 – ulloq unnuarlu paaqqinniffinnut akiliutit pillugit, soorlu qulaani takutinneqartutut 100.000 kr. – nik atuiffiunerussaaq. Tamatumunnga pissutaavoq piffissap ilaani Sisimiut Kommuneat meeqqanik ulloq unnuarlu paaqqinnittarfimmiititaqarsimammat naatsorsuutigisamit amerlanerusunit.

Konto 43 – siusinaartumik pensionit, maannamut takussutissaqalereerpoq konto 300.000 kr.-nik ukiup naanerani sippuissasoq. Aningaasartuutit taakkua tassaanerupput inummut tapeq. Aningaasaliissutinik ukiarmi iluarsartuussisoqarmat isumalluarfigivallaarsimavarput naatsorsuutingalugu, inummut tapermut aningaasartuutit millisissinnaallugit, tamannali piviusunngortinneqarsimanngilaq.

Immikkoortut arlaqarput ukiup naanerani aningaasartuutissaminnik atuinikinnerujumaartunik, soorlu konto 45 – pisortanit ikiorsiissutit, konto 41 – meeqqanik inuusuttuaqqanillu isumaginninneq, konto 34 – suliffissaqartitsineq. Immikkoortortat aningaasaliissutaasunik sippuisussat taamaalluni periarfissa-qarput sippuisimaneq qulaani pineqartunit matussusersinnaallugu. Taamaattumik inassutigerusunnaar-poq aningaasaqarnermut ataatsimiisitamat nuussinissamik qinnuteqartoqassasoq immikkoortortani ataasiakkaani amigartooruteqanninnissaq anguniarlugu.

Aningaasat Namminersornerullutik Oqartussanik utertinneqartartut pillugit oktoberip naanerani nikingassut 800.000 kr.-uvoq, kisianni novemberip ingerlanerani appartinneqarpoq 216.000 kr.-nut.

Isumaginninnermi suliffissaqartitsiniarnermilu ataatsimiititaliap innersuussutaa

Nuussinissamut siunnersuut akuereqqullugu innersuussutigineqarpoq

Kontop aqqa	Suunera	Aningaasa- liissutit	Atugassatut ilimagisat	Pisariaqar- titat
4102013000	Meeqqanik inissiigallarneq	120	270	+ 150
4103104200	Ulloq unnuarlu paaqq. Akiliutit	1.770	1.879	+ 100
4301103102	Inummut tapeq	800	1.300	+ 300
4101700111	Kangerlussuarmi tapersersorteqarneq	160	0	- 160
4101900111	Itillimi tapersersorteqarneq	50	0	- 50
4501103136	Ineqarnermut akiliutit	1.810	1.610	- 200
4501104800	Utertittassanut isumakkeerinninneq	230	130	- 100
4715001599	Inunnut atortorissaarutit	188	148	- 40
	<b>Katillugit</b>	<b>5.128</b>	<b>5.128</b>	<b>0</b>

Borgmesterip aalajangiinera

Borgmesteri aningaasaqarnermut ataatsimiititaliaq kommunalbestyrelsilu sinnerlugit decembarip 10-ani 2008-mi aalajangerpoq, aningaasartuutaanngitsumik missingersuutitigut nuussinissat akuersissutigineqassasut

Aningaasaqarnermut ataatsimiititaliaq ataatsimiinnissaani siullermi aalajangiinermik ilisimatinnegassaaq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10.ani 2009-mi ataatsimiinnerani ilisimatitsissut tusaatissatut tiguneqarpoq.

**Innersuussut**

Suliaq kommunalbestyrelsimut paasissutissiissutitut saqqummiunneqarpoq.

**Aalajangiineq**

Tusaatissatut tiguneqarpoq.

**Ilanngussat**

Ilanngussaqaanngilaq

**Imm. 11 Kollegiet aammalu Piareersarfiup nutaamik biilitaarnissaanut aningaasartuutissat akuerisaareersut iluanni nuussinissamik qinnuteqaat pillugu paasissutissiissut**

*Journalnr. 46.00*

Tunuliaqutaq

**Ilinniartut inaat**

Ilinniartut inaanni pequtit atortullu ilaatigut amigaateqangaatsiarput imaluunniit nungullarsimanermik igittariaannaallutik. Pequtinik arlalinnik pisisoqarnikuuvoq, ilinniartut inaanni atugassatut naatsorsuutaanngitsunik, pequtit taanna maanna ima aserorsimatigaat, maanakkut iginneqareerlutik imaluunniit iginneqangajalerlutik. Kisianni aamma atortoqarpoq assut amigaataasunik, soorlu saagut qulliillu. Nutaamik initaartoqartillugu, najugaqartut namminneerlutik saagulersortarnissaat qullilersortarnissaallu tulluartuunngilaq, igalasserfinni, iikkani qilaamilu putunik amerlasuunik peqalissammat. Aningaasaliinissap siunnersuutaasoq ilinniartut inaanni atortunik pequtinillu taarsersuinissap immikkoortua siulliussaaq. Inissiat 48-suni tamani pequtinik taarsersuinissamut aningaasartuutissat inimut ataatsimut 10-12.000,- koruuninik aningaasartuutitaqassasoq eqqoriarneqarpoq.

**Piareersarfik**

Suliffinnik misiliivissanik ataqatigiissaarisarnermik ilitsersuinermillu, ilinniartut inaannik nakkutilliineq kiisalu piginnaanngorsaqquineramik suliaaqqartoqartarnera, suleqataasut illoqarfimmi suliffeqarfinnut alakkarerisarnissaannik pisariaqartitisisoq patsisigalugu, Piareersarfik biilimik atoriaannarmik peqarnissaa pisariaqarpoq.

Biilip pigeriikkap taarserneqarnissaanut aningaasartuutissanut 2007-imi missingersuutini 15.000,- koruuninik immikkoortitisisoqarnikuuvoq, kisianni piffissami matumani 31.000,- koruunit atorneqareerput. Biili (ukiuni 12-15 pisoqaatigaaq 211.000 km. Ingerlanikuulluni) pisoqaassuseqarpoq, aammalu ima inissisimavoq, iluarsartuunnissaanut aserfallatsaalinissaanullu aningaasartuutit qaffakkaluttuinnarlutik. Taamaattumik innersuussutigineqassaaq, biili nutaamik imaluunniit annikitsumik atornikumik taarserneqassasoq.

Maleruagassatigut tunngavissaq

Inuussutissarsiutinut ilinniartitaanerit inuussutissarsiutinulu pikkorissartitsisarnerit pillugit Inatsisartut peqqussutaat nr. 2, 31. maj 1999-imeersoq.

Piareersarfiit pilersinneqarnissaannut ingerlanneqarnissaanullu Namminersornerullutik Oqartussat Sisimiut Kommuneatalu akornanni ingerlatsinermut isumaqatigiissut 2006-imi aprilip 1-aneersoq.

Pissutsit atuuttut

Piareersarfik annikinnerusumik atuiffiulluni ukioq naassagaa naatsorsuutigineqarpoq. Tamanna ilaatigut piffissap ilaani atorfiit inuttaqarsimannginnerinik patsiseqarpoq. Taakku saniatigut atorfinnik katiterillu atuinnisaq suli atuutilersinneqanngilaq, tamannalu isumaqarpoq, ukiumi missingersuusiorfiusumi akissarsianut qaffariaatissanut immikkoortitat suli tunniunneqannginnerinik. Ilutigitillugu ilinniartitsisut pikkorissarnerminni akunnermusiassaat namminersornerullutik oqartussaniit utertinneqarnissaat naatsorsuutigineqarpoq. Akissarsianut kontomi tamakkiisumi 350.000,- koruuninik atuinikinnerunissaq naatsorsuutigineqarpoq.

Piareersarfiit suliffeqarfik nutaajulaartukasiummat ingerlatsinermit aningaasartuutit qaffasissusissaat aalajaatsuusimangilaq. Missingersuut ilaatigut namminersornerullutik oqartussaniit tapiissutinik, 2008-mi isumaqatigiissutit ilanngssami takuneqarsinnaasutut 1.685.782 koruuninik annertutigivoq, kommunip 2008-mut missingersuutaa 1.637.000 annertutigaluguni. Tamanna immikkut tapiissutinik 50.000 koruunit missaani annertutigisunik pissarsiviussaaq. Piareersarfiup ingerlatsinermit aningaasaataani imermit, innaallagissamut, uuliamut il.il. aammattaaq 50.000 koruunit missaani atuinikinnerunissaq naatsorsuutigineqarpoq.

Katillugit 450.000 koruuninik atuinikinnerusoqassaaq missingersuutitigut nuutsinissamut aningaasaliissutaasinnaasunik.

**2008-mi missingersuutit aningaasalersornissaanut siunnersuut**

Konto	Taaguutaa	2008-mi aningaasaliissutit	Atuinissamut/ta piissutit naatsorsutigisat	Aningaasaliiniss atut pisariaqartitat
38	Piareersarfik			
38-01-00-01-10	Qaammammusiat	953.343	603.343	- 350.000
38-01-00-21-20	Innaallagiaq	85.000	33.000	- 52.000
38-01-00-79-01	Nam.Oqartussaniit tapiissutit	1.637.000	1.685.000	- 48.000
	Aningaasaliinissaq katillugu			- 450.000

**2008-mi missingersuutitigut nuutsinissamut siunnersuut**

Konto	Taaguutaa	2008-mi aningaasaliissutit	Atuinissatut natsorsutigisat	Aningaasaliiniss atut pisariaqartitat
38	Piareersarfik			
38-01-10-22-03	Ilinniartut inaanni atortut, pequtit	5.000	205.000	+ 200.000
38-01-00-22-02	Biili	28.000	268.000	+ 250.000
	Aningaasaliissutissat katillugit			+ 450.000

Aningaasaqarnikkut allaffissornikkullu kingunerisinnaasai

Nuutsinissatut siunnersuutaasut kommunemut aningaasartuutaassanngillat, uani aningaasat atornerqanngitsut pineqarmata, nutaamik pisaarnissatut siunnersuutaasunut aningaasaliissutaasinnaasut.

Allatseqarfiup aningaasaqarnikkullu allatseqarfiup oqaaseqaataat

Isumaginninnermi suliffissaqartitsiniarnermilu ingerlatsiviup innersuussutaa

Isumaginninnermit ingerlatsiviup SAU-imut innersuussutigaa suliaq aningaasaqarnermit ataatsimiititaliamut ingerlateqqinneqassasoq qinnutigigalugu nuutsinissatut siunnersuutaasut akuersissugineqassasut

Isumaginninnermi suliffissaqartitsiniarnermilu ataatsimiititaliami suliap suliarinera

Isumaginninnermi suliffissaqartitsiniarnermilu ataatsimiititaliap decembarip 3-ani 2008-mi ataatsimiinnermini ingerlatsiviup innersuussutaa akuersissutigivaa.

Borgmesterip aalajangiinera

Borgmesteri aningaasaqarnermut ataatsimiititaliaq kommunalbestyrelsilu sinnerlugit decembarip 12-ani 2008-mi aalajangerpoq, aningaasartuutaanngitsumik missingersuutitigut nuussinissat akuersissutigineqassasut

Aningaasaqarnermut ataatsimiititaliaq ataatsimiinnissaani siullermi aalajangiinermik ilisimatinnegassaaq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10.ani 2009-mi ataatsimiinnerani ilisimatitsissut tusaatissatut tiguneqarpoq.

**Innersuussut**

Suliaq kommunalbestyrelsimut paasissutissiissutitut saqqummiunneqarpoq.

**Aalajangiineq**

Tusaatissatut tiguneqarpoq.

**Ilanngussaq**

Ilanngussaqanngilaq

**Imm. 12 Eqqagassat pillugit iliuusissatut pilersaarusicamut tusarniaaneq pillugu paasissutissiissut**

*Journalnr. 27.00*

Tunualiquataq

Eqqagassat pillugit iliuusissatut pilersaarut annertooq, piffissami sivisuumi Pinngortitamik Avatangiisinullu Aqutsisoqarfimmit suliarineqarsimavoq. Maanna pilersaarut aappassaaneerlugu tusarniutigineqarpoq. Nuna tamakkerlugu eqqagassalerinermi siunissami iliuuseqarnissakkut aningaasaqarnerlu eqqarsaatigalugit qanoq tulleriaarisooqarnissaanik aalajangersagaqarmat, kommuni pilersaarummut isummersornissaa pingaaruteqarpoq.

Maleruagassatigut tunngavissaq

Landstingip Ileqqoreqqusaa nr. 12, 22. december 1988-meersoq allannguutini ilalik "Nunap assiliorneq pilersaarusicarnerlu"

Pissutsit atuuttut

***Pinngortitamut Avatangiisinullu Aqutsisoqarfiup piimasaraa, apeqqutinut tulliuuttunut kommuunit isummissasut:***

- Eqqagassalerinermi immikkoortut ilaat allanit pingartinneqarnissaannik kommuni eqqarsaatersuuteqarpa?

Eqqagassat pillugit iliuusissatut pilersaarummi anguniakkat assigiinngitsut eqqarsaatigalugit qanoq tulleriaarissagaluarpisi?

- Eqqagassalerinermi illoqarfissinni suut ajornartorsiutaanerpaappat?

Eqqagassat pillugit 2010-mit 2013 tikillugu iliuusissatut pilersaarutip kalaallisoortaani qupp. 14-imi 15-imi aamma qallunaatuani qupp. 13-imi pingaarnertut anguniagassat takuneqarsinnaapput. (Ataaniittoq ilanngussaq 2), qulequttallu ukuupput:

1. Pilersaarusicarnerneq aamma allaffissorneq
2. Paasissutissiinerit
3. Tigooaaveqarfiit aamma pilerfii aallaavigalugit eqqakkanik navianartunik immikkoortiterineq
4. Inissiisarfiit aamma eqqaavissuatoqqat
5. Ikuallaasarnermik aqqissuussinerit
6. Maangaannaq eqqakkat / inissitat ukkatarineri
7. Suliffeqarfiit, umiarsualiviit amma umiarsuit
8. Eqqakkat minnerpaangortinnissaat aamma atoqqiineq

Tamatuma saniatigut eqqagassalerinermut siunissami aningaasalersuinissamut kommunit siunnersuutaat, Pinngortitamut Avatangiisinullu Aqutsisoqarfiup tusassallugit kissaatigaa. Eqqagassalerineq qanoq pitsaanerpaamik aningaasalersorneqarsinnaaneranut kommunit qanoq isumaqarpat, matumani ilaatigut kommunini sanaartornermi aningaasaliissutit, ilaatigullu ingerlatsinikkut allaffissornikkullu aningaasartuutit eqqarsaatigalugit?

Maannakkut akiliutit 50 %-iisa missaat kommunimullu akileraarutit 50 %-it missaat aqutigalugit kommunit ingerlatsinermut allaffissornikkullu aningaasartuutit maannakkut aningaasalersortarpaat. Illoqarfinni ikuallaaviit tigooraaviillu Namminersornerullutik Oqartussanit 50 %-inik sanaartornermut tapiiffigineqartarpat.

Eqqagassalerinermi iliuitsit/aaqqiinerit nutaat kingunerisaannik aningaasartuutit annertusiartortut tullinnguuttutigit aningaasalersorneqarnissaat eqqarsaatigineqarsinnaavoq:

- A. Mingutitsisup aningaasartuutit akivia akilerniassammagu, eqqagassalerinermi akiliuteqartitsinikkut.
- B. Aningaasat annersaat kommunimi akileraarutinit aningaasalersorneqassasut
- C. Aningaasat annersaat nuna tamakkerlugu akileraarutinit aningaasalersorneqassasut
- D. akiliutit ”qorsuit” atuutsilersinneqarnerisigut, ukiumullu iluanaarutit eqqagassalerinermut atorpeqartassallutik.

Aningaasaqarnikkut allaffissornikkullu kingunerisinnaasai

Kommuninut aningaasaqarnikkut kingunerisinnaasai eqitsimmi tullinnguuttumi takuneqarsinnaapput (nassuiaatitaviani eqitsit 20-mi takuneqarsinnapput).

	Illut amerlassusaat	Aningaasaliinerit katillugit	Illumut ataatsimut aningaasaliinerit	2021-mi ingerlatsinermi aningaasartuutit	2021-mi illumut ataatsimut ingerlatsinermi aningaasartuutit
Qaasuitsup k.	6.641	121.505.000	18.296	29.402.250	4.427
Qeqqata	3.726	12.152.000	3.261	5.206.250	1.397
Sermersooq	8.147	201.625.000	24.748	27.029.250	3.318
Kujalleq	3.232	51.228.000	15.850	11.687.250	3.616
<b>Katillugit</b>	<b>21.746</b>	<b>386.510.000</b>	<b>17.774</b>	<b>73.325.000</b>	<b>3.372</b>

Kommuninut allanut sanilliullugu Qeqqata Kommuniani inerniliussat illumullu ataatsimut kisitsisit eqqarsaatigalugit, aningaasaliissutit siunissamilu ukiumut ingerlatsinermi aningaasartuutissat minnerungaatsiarnerat erseqqippoq.

Kangerlussuaq eqqarsaatigalugu allaffeqarfik isumaqarpoq, amerikkarmiut eqqarsaatigalugit nunaminertat mingutsinneqarsimasut, eqqaavissuit il.il. salinneqarnissaannut atatillugu aningaasatigit akisussaaffik qallunaat naalagaaffiata tigunikuugaa. Assersuutigalugu suliani assingusuni tusarniutinut akissuteqaatitigit, tamassuma suli erseqqissaatigineqarnissaa pisariaqarpoq.

Sisimiuni innuttaasut amerliartornerat eqqarsaatigalugu eqqagassat pillugit iliuusissatut pilersaarutit ukiuni aqqaneq-marlunnik piffiussalissaata iluani Sisimiuni ikuallaavik annertusineqartariaqassaaq. Pilersaarummi aningaasaliinissamik takussutissartaani, ikuallaavimmik annertusiliinissami aningaasat 20-40 mio. kr.-it atorfissaqartinneqartut amigaataapput.

Allaffeqarfiup naliliinera

Qeqqata Kommuniani illoqarfiit angisuut marluk, Kangerlussuarlu minillugu nunaqarfiit tamarmik ikuallaaveqarput. Illoqarfinni avatangiisinut mingutsitsisinnaasunut tigooraaveqarpoq. Taamasilluni anguniakkat arlaqartut Qeqqata Kommuniata angoreerpai.

Tamanna tunuluaqutaralugu allaffeqarfik isumaqarpoq, anguniagassatut saqqummiunneqartuni tullinnguuttut eqqarsaatigalugit tulleriiaarisooqassasoq:

- Suliffeqarfiit, umiarsualiviit, umiarsuit (biilit aamma qamuteralaat kiisalu suliffeqarfissuit eqqagaat) pillugit imm. 7
- Pingaarnertut aaqqissuusaanermut il.il. tunngasut iluarsiviginiarlugit imm. 1, 2, 6 aamma 8.
- Suliffeqarfiit pioreersut ingerlalluarnerulersinniarlugit imm. 3, 4 aamma 5



Aningaasaliinissamut tunngatillugu allaffeqarfik pingaarnertut isumaqarpoq, atuisut aningaasartuutivinnit akiliisarnissaannit tunngaviusumik isuma ataatsimut isiginnilluni tunngavissaalluortoq. Tamatuma saniatigut assersuutigalugu umiatsiarsinikkut, qamuterlassinikkut biilisinikkullu il.il. akiliuteqartitsisalernissakkut akigititit "qorsuit" atorneqarnissaat pissusissamisuussagalarpoq. Aningaasaleeriaatsit taakku marluullutik pitsaasumik aqqissuussinermi kinguneqartitsissapput. Tamatuma saniatigut pisortanut toqqaannartumik akileraarutitigut isertitat sulissanut allanut atorneqarsinnaalissapput, tamannalu Qeqqata Kommuniata soqutigisaralugu. Kingullertut minnerunngitsumillu aqqissuussaanerup allanngortinneqarnera namminersulernissallu akuersissutigineqanera eqqarsaatigalugit kommunit annertunerusumik nammineernerulernissaq sulissutigisariaqarpaat. Taamaattumik kommunip karsiatigut/kommumimut akileraarutitigut allanik periarfissaqartillugu, kommunit ataatsimut tapiissutissanik utaqqiinnarsinnaanngillat.

Taamaattumik allaffeqarfik isumaqarpoq, aningaasalersuinissaq eqqarsaatigalugu qulaanisut siunnersuutigineqartut sisamat naapertorlugit ima tulleriiaarisooqassasoq: A, D, C aamma B.

#### Teknikkimut Avatangiisinullu immikkoortortap innersuussutaa

Teknikkimut avatangiisinullu immikkoortortap Teknikkimut Avatangiisinullu Ataatsimiititaliamit akuersissannorlugit innersuussutigai,

- Immikkoortup oqallisigineqareerneratigut, tulleriiaarinerit tullinnguuttut tunuliaqutaralugit tusarniummut akissuteqarnissamik allaffeqarfik suliakkerneqassasoq:
- Immikkoortut 7, 2, 6, 8, 1, 4, 3 aamma 5 tulleriinneralugit anguniakkat tulleriiaarneqassasut.
- Immikkoortut A, D, C, aamma B tulleriinneralugit aningaasalersuisooqassasoq.

#### Teknikkimut Avatangiisinullu ataatsimiititaliap suliamik sularinninnera

Teknikkimut Avatangiisinullu ataatsimiititaliap 2009-mi februaarip pingajuani ataatsimiinnermini, immikkoortortap innersuussutai akuersissutigai.

#### Teknikkimut Avatangiisinullu ataatsimiititaliap innersuussutaa

Teknikkimut Avatangiisinullu ataatsimiititaliap Aningaasaqarnermut ataatsimiititaliamit akuereqqullugu innersuussutigissavaa,

- Immikkoortup oqallisigineqareerneratigut, tulleriiaarinerit tullinnguuttut tunuliaqutaralugit tusarniummut akissuteqarnissamik allaffeqarfik suliakkerneqassasoq:
- Immikkoortut 7, 2, 6, 8, 1, 4, 3 aamma 5 tulleriinneralugit anguniakkat tulleriiaarneqassasut.
- Immikkoortut A, D, C, aamma B tulleriinneralugit aningaasalersuisooqassasoq.

#### Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10-ni 2009-mi ataatsimiinnermini Teknikkimut Avatangiisinullu ataatsimiititaliap innersuussutai akuersissutigivai.

#### **Innersuussut**

Suliaq kommunalbestyrelsimut paasissutissiissutitut saqqummiunneqarpoq.

#### **Aalajangiineq**

Tusaatissatut tiguneqarpoq.

#### **Ilanngussa**

Ilanngussaqaanngilaq

**Imm. 13 Utoqqarnik paaqqinniffiit, nakkutigineqarluni najugaqatigiiffiit utoqqaallu sammi-sassaqaarnissaannut neqeroorutit pillugit nalunaarusiatut siunnersuummut tunngatillugu tusarniaanermut paasissutissiisut**

*Journalnr. 44.08*

Tunuliaqutaq

Utoqqarnik paaqqinniffiit, nakkutigineqarluni najugaqatigiiffiit utoqqaallu sammisassaqaarnissaannut neqeroorutit pillugit nalunaarusiatut siunnersuummut tunngatillugu tusarniut Qeqqata Kommuniata decembarip 29-ani 2008-mi tiguaa.

Maleruagassatigut tunngavissaq

Inatsisartut peqqussutaannut siunnersuut Utoqqarnik paaqqinniffiit il.il. pillugit Inatsisartut peqqusutaat nr. 11 ulloq 30. oktober 1998-imeersumut iluarsissutaallunilu ilassutaavoq.

Pissutsit atuuttut

Borgmesteri januaarip 26-ni 2009-mi Qeqqata Kommuniata oqaaseqaatigiumasai KANUKOKA-mut nalunaarutigivai.

Aningaasaqarnikkut allaffissornikkullu kingunerisinnaasai

Immikkut oqaaseqaatitassaqaanngilaq

Allaffeqarfiup naliliinera

Immikkut oqaaseqaatitassaqaanngilaq

Borgmesterip suliamik suliaqarnera

Allaffeqarfiup innersuussineratigut Borgmesteri januaarip 26-ni 2009-mi Qeqqata Kommuniata oqaaseqaatigiumasai KANUKOKA-mut nalunaarutigivai.

**Innersuussut**

Innersuussutigineqassaaq, Kommunalbestyrelsimit suliaq tusaatissatut tiguneqassasoq.

**Aalajangiineq**

Tusaatissatut tiguneqarpoq.

**Ilanngussat**

1. KANUKOKA-mit tusarniut
2. Qeqqata Kommunianit tusarniaanermi akissuteqaat

**Imm. 14 2008-p naanerani aningaasaqarneq pillugu nalunaarussiaq**

*Journalnr. 06.00*

Nassuiaateqartoqassaaq.

**Aalajangiineq**

Tusaatissatut tiguneqarpoq.

**Ilanngussaq**

1. Sisimiut
2. Maniitsoq

**Imm. 15 2010-mi missingersuusiornissamut 2011-miillu 2013-imut missiliuutissatigut pingaarnertut piffissaliussassat**

*Journalnr. 06.01.01/2010*

Tunuliaqutaq

Pisortaqtigiit februaarip 5-ini 2009-mi ataatsimiinnerminni 2010-mut missingersuusiornissamut 2011-miillu 2013-imut pingaarnertut piffissaliussassat pillugit siunnersuut oqallisigivaat.

Maleruagassatigut tunngavissat

Aqutsinermi inatsit naapertorlugu tulliuttuni takuneqarsinnaavoq:

§ 25. imm. 4 aamma 5 naapertorlugit, Aningaasaqarnermut ataatsimiititaliap suliaasarivai:

- 4) Aningaasatigut ingerlatsinermut atatillugu tunngaviusussanik maleruagassiorneq, ataatsimiititaliap ataavartut kommunalbestyrelsimut inassuteqartarneranni pituttuisumik maleruagartussaasunik.
- 5) Aningaasaqarnermut ataatsimiititaliap isumagissavaa ataqtigiissaassalluguluunniit kommunip immikkoortunut pilersaarusiornera, ataatsimut atorneqartussanik pilersaarusiornermut maleruagassiornermigut paasissutissallu qanoq annertussuseqarnissaannut aalajangersaanermigut.

§ 40. imm. 1, 2 aamma 3 naapertorlugit Aningaasaqarnermut ataatsimiititaliap kommunip ukiumoortumik aningaasartuutissanut missingersuutai kommunalbestyrelsimut ingerlatinneqartussat suliarissavai. Siunnersuutit ukiumut tulliuttunut minnerpaamik pingasunut missingersuusianik imaqassapput.

*Imm. 2.* Ukiumoortumik aningaasartuutissanut missingersuusiani ilaatinneqassapput kommunip isertitassai aningaasartuutissaalu tamarmiusut aammalu aningaasani tigoriaannarni nikerarnerit aamma aningaasaatit nikerarneri.

*Imm. 3.* Ukiumoortumik aningaasartuutissanut missingersuusiat tamatigut takussutissaassaaq aningaasartuutissatut isertitassatullu aammalu allatigut nikeriaatissatut ilimagineqartunut.

Pissutsit atuuttut

Quillersaqarfiup paasisimavaa, 2010-mut missingersuusiornissaq 2011-miillu 2013-imut missiliuuteqarnissaq pitinnagit missingersuutitigut arlalitsigut iluarsisooqartariaqartoq. Taama iluarsisuteqarnissat ilagivaat:

- allaffissornikkut suliffeqarfinnilu kommunitoqqani marluusuni assigiinngitsumik kontunik atuinerit amigaateqarneraluunniit
- annertuutigut aningaasartuuteqarfissani pingaartumik teknikkimut tunngasutigut aningaasaliissuteqarnissaq, iluarsiiiffiusariaqaraluit – taama pisoqarsimalluni 2008-mi kommunitoqqat marluusut aallaavittut missingersuutaat pisariaqartutigut iluarsiiiffineqarsimannngimmata
- konto 1 aamma konto 51 eqqarsaatigissannngikkaanni sulisussat qanoq amerlatiginissaannut takussutissiat suliarineqarsimannngillat
- pingaarnertut tunngasutigut aningaasartuutitigut kiffartuussinertigullu assigiinngissutit annertupput

Taamaamat pissusissamisuussaaq, 2009-mut missingersuutit iluarsiiiffiginissaat taamatullu 2010-mut missingersuutitigut killiliussaqarfinni kiffartuusinerup qaffasissusissaatigut naleqqussaanissaq pisariaqarluni, killiliussassat nalunaarutiginninnerini.

Taaaammat pisortaqatigiit aalajangiuppaat, aningaasaqarnermut immikkoortorta qarfiup missingersuutitigut kontot aningaasaliissute qarfiunerusut (konto 47, 50 aamma 51) 2009-mi marsip 15-ata tungaanut misissuiffigneri isumagissagai, tassa missingersuutit 'ilumoortut' ator neqarnissaat siunertaralugu.

Peqatigitillugu immikkoortorta qarfiit kiffartuussinertigut allatigut 'atuilluarnissaq' nassaariniassavaat, taamaalilluni kommunitoqqani taakkunani marluusuni ingerlatsinikkut akikinnerpaaq kommuunerujussuarmi ingerlatassatut innersuussutigineqarniassammat.

Taamaammat 2010-mi missingersuutitigut ukiunullu 2011-miit 2013-imut missiliute qarfiusunut killiliussassat aatsaat apriliimi nalunaarutigineqarsinnaassapput.

#### Aningaasaqarnikkut allaffissornikkullu kingunerisinnaasai

Piffissaliussassat namminneq aningaasartuute qarfiunatillu allaffissornikkut sunniuteqassanngillat, kisiannili eqqortumik missingersuutitigut suliaqarnissaq annertuujullunilu ajornakuusoortuuvoq, matumanilu allaffissornikkut nukippaaluit ator neqassallutik.

Oqaatigineqartariaqarpoq, politikkikkut partiit ataatsimiititaliallu 2010-mut missingersuutitigut ukiunullu 2011-miit 2013-imut missiliute qarfiusunut siunnersuuteqarnissaat 2009-mi juunip 19-ianut killiligaammat.

#### Allaffeqarfiup naliliinera

Allaffeqarfiup 2010-mut missingersuutitigut ukiunullu 2011-miit 2013-imut missiliute qarfiusunut aningaasaqarnikkut eqqortunik killiliussinissaq pingaaruteqartutut isigivaa. Taamaattumik piffissaliussassat massakkut saqqumiunneqarput, killiliussassalli qaammatinik marlunnik kingulliullutik nalunaarutigineqarumaarlutik.

#### Allaffeqarfiup innersuussutaa

Aningaasaqarnermut ataatsimiititaliamut akuereqqullugu innersuussutigineqassaaq, 2010-mut missingersuutitigut ukiunullu 2011-miit 2013-imut missiliute qarfiusunut pingaarnertut piffissaliussassat akuereqassat

#### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 10-ani 2009-mi ataatsimiinnermini innersuussutigineqartoq akuersissutigivaa.

Aappaagumut missinngersuutinut kissaatigineqarsinnaasut imatut nassuiaatigineqarput: partiit qulinik kissaateqarsinnaapput ataatsimiititaliallu tallimanik.

#### **Innersuussut**

Kommunalbestyrelsimut akuereqqullugu innersuussutigineqassaaq, 2010-mut missingersuutitigut ukiunullu 2011-miit 2013-imut missiliute qarfiusunut pingaarnertut piffissaliussassat akuereqassat

#### **Aalajangiineq**

Innersuussutigineqartoq akuersissutigineqarpoq.

#### **Ilanngussaq**

1. 2010-mut missingersuutitigut ukiunullu 2011-miit 2013-imut missiliute qarfiusunut pingaarnertut piffissaliussassat.

## **Imm. 16 2009-mi missingersuutitigut iluarsissutissat**

*Journalnr. 06.01.01*

### Tunuliaqutaq

Kattunneq pilertortoq qarasaasiatigullu iluarsiiufigiuminaatsoq taamatullu 2009-mi missingersuusi-ornikkut ataatsimiititaliat/immikkoortortaqrarfiit peqataatinneqannginnerata kingunerivaa, 2009-mi missingersuutini naleqqutinngitsumik arlalissuit ilanngunneqarsimallutik.

Ukiup aallartinnerani naleqqutinngitsut tamakku immikkoortortani takussaalersimapput, taamaat-tumillu 2009-mi missingersuutitigut iluarsissuteqarnissaq pisariaqalerluni.

### Maleruagassatigut tunngavissaq

Qeqqata Kommuniani karseqarnermut naatsorsuuserinermullu malittarisassat nutaat akuerineqarnis-saata tungaanut, pisup nalaani karseqarikkut naatsorsuuserinikkullu Sisimiut Kommuneata malitta-risassai atorlugit ingerlasoqassaaq.

### Pissutsit atuuttut

Ataatsimoortumik pilertortumillu pisoqarnera pissutigalugu iluarsissuteqarnissat aningaasaqarnermut ataatsimiititaliap kommunalbestyrelsillu toqqaannartumik suliarissavaat. Tamaattumik ataatsi-miititaliat tamarmik iluarsissutissat suliarinissat angumerisinnaanngilaat, tamakku aningaasaqar-nermut ataatsimiititaliami kommunalbestyrelsimilu 2009-mi februaarimi akuerineqarnissat angu-mersissappat.

Iluarsissutissat ima immikkortinneqarsinnaapput:

1. akissarsiatigut iluarsissuteqarsimanninneq
2. akissarsiat marloriaammik missingersuusiukkat
3. 2008-mi missingersuutitigut immikkut akuersissutit iluarsineqarsimannngitsut
4. kommunitoqqat akornanni ingerlatsinikkut sanaartukkatigullu kontot assigiimmik atorneqar-simanninneri
5. kontot ataatsimoorussat ataatsimoortinnissaat, illoqarfinnut (nunaqarfinnullu) killormulluun-niit agguataagassaraluit

**Imm. 1-mut** kommunitoqqat 2008-mi missingersuutaaniit Qeqqata Kommuniatut kattunnermi 2009-mut missingersuusiordermi akissarsiatigut akitigulluunniit iluarsissuteqartoqarsimannngilaq.

Kommunilli allaffeqarfiani (konto 10-18) atuarfinnilu (konto 51) akissarsiatigut iluarsiiisoqarsimalluni.

Akissarsiat aqunneqarneri assigiissaarniarlugit allaffeqarfik isumaqarpoq, akissarsiat tamarmik ilu-arsiiffisariaqartut. Illuatungaaticut Ikaarsaariarnermi ataatsimiititaliap aalajangiineratuut kontot allat iluarsiiffinnginnissaat pitsaaquteqarsinnaavoq. Aallaavittut allaffeqarfik nalilivoq, 2008-miit 2009-mut akissarsiat 3 procentimik iluarsiiffinnginnissaat pissusissamisuussasoq.

Akissarsiat suli iluarsiiiffiusimangitsut 3 procentinik iluarsiiiffiginerat ingerlatsinikkut tulliuuttut qaffariaataassapput:

Konto	Ullumikkut missi- ngersuutit	Iluarsiiiffigineqareersut	Iluarsiiiffigineqanngitsut	3 procentimik iluar- siissuteqarneq
1	59.735.000	59.735.000	0	0
2	16.159.000		16.159.000	485.000
3	13.859.000		13.859.000	416.000
4	49.898.000		49.898.000	1.497.000
5	167.361.000	100.783.000	66.578.000	1.997.000
6	6.068.000		6.068.000	182.000
<b>Katillugit</b>	<b>313.080.000</b>	<b>160.518.000</b>	<b>152.562.000</b>	<b>4.577.000</b>

Akissarsiat tulliuuttunut tunngasuupput:

- konto 1 aningaasaqarnermut ataatsimiititaliap kisimi akisussaaffii
- konto 2 teknikkimut avatangiisinullu ataatsimiititaliap kisimi akisussaaffii
- konto 3 inuutissarsitutit suliffissaqartitsiniarnermullu ataatsimiititaliap kisimi akisussaaffii
- konto 4 ilaqutariinnermut ataatsimiititaliap kisimi akisussaaffii
- konto 5 ilinniartitaanermut, kulturimut sunngiffimmullu ataatsimiititaliap kisimi akisussaaffii
- konto 6 teknikkimut avatangiisinullu ataatsimiititaliap kisimi akisussaaffii

**Imm. 2-mut** sulisut akissarsiaasa kontot allattorsimaffiat naapertorlugu suliaanissaat naleqqussarniarneqarsimavoq, taamaalilluni suliat assigiit Qeqqata Kommuniani kontomut pingaarnermut assigiimmik inissillugit. Ajoraluartumillu Maniitsumi aalisarnermut piniarnermullu siunnersortip taamaatullu Maniitsumi ilinniartitaanermut atuarfeqarfinnut tunngasutigut sulisut arfineq-marluusut akissarsiaat marloriaammik missingersuusiugaasimallutik. Taamaalillutik taakku konto 11-mi kiisalu 18-mi aammalu konto 51-mi inissinneqarsimallutik. Iluarsinerit tamakku tulliuuttut sipaarutaas-sapput:

Konto	Sipaarut
11-00-25-01-10	- 1.148.000
18-06-20-01-10	- 322.000
51-01-20-01-10	- 1.704.000
<b>Katillugit</b>	<b>- 3.174.000</b>

Illuatungaaticullu 2009-mi missingersuutitigut (konto 11-00-00-01-10) missiliuutitigullu allaffissornikkut 4.445.000 koruuninik sipaaruteqarnissaq anguniagaalluni. Taama anguniagaqarneq 2009-mi tamakkiisumik piviusunngortikkuminaassaaq. Aatsaallu pisusissamisut allaffeqarfimmi soraarnerit aqutigalugit 2010-mi anguniagaq kingusinnerusukkulluunniit tamakkiisumik piviusunngorsinnaasalluni. Allaffeqarfik isumaqarpoq, sipaaruteqarnissamik anguniakkap 50 procentia taamaallaat ukioq manna piviusunngortinneqarsinnaassasoq. Taamaattumik ukioq manna sipaaruteqarnissamik anguniakkamut atatillugu 2.222.000 koruuninik aningaasartuuteqarnerunissaq naatsorsuutigisariaqarluni, taamaattumillu akissarsiatigut katillugit sipartaasussat 952.000 koruuniussallutik.

Sulili sulinerit tamarmik akissarsiatigut assigiimmik kontonut ikkunneqartalersimangillat, aningaasaqarnermullu ataatsimiititaliap marsimi ataatsimiinnissaanut allaffeqarfiup akissarsianut kontoiniit suliffeqarfinnut pingaartumik Maniitsumi aningaasartuutitaqanngitsumik nuutsinissarpaaluit saq-qummiunneqarnissaat naatsorsuutigineqassaaq.

**Kommunalbestyrelsip februaarip 25-ani 2008-mi ileqquusumik ataatsimiinnera 01/2009**

**Imm. 3-mut** 2008-mi ataasiartumik aningaasartuutissatut immikkut akuersissutit iluarsiiiffineqar-simannigillat. Taakku Maniitsup Kommunitoqaanut tunnganerupput, tassa Sisimiut Kommunitoqaanni immikkut taama aningaasaliisutaasartut sanaartornermut kontotigut ingerlanneqartarmata. Taamaattorli Sisimiuni Kangerlussuarmilu inuutissarsiuteqarnikkut attartukkanut tunngasut allan-guuteqangaatsiarnikuupput. Iluarsissutissat suli aaqqinneqanngitsut makkuupput:

Konto	Taaguutaa	2009-mi miss.	2009-mi miss. iluasiissutit	2010-mut miss.
11-00-60-22-00	Napasumi allaf. iluars. aserfall.	103.000	3.000	3.000
11-01-20-71-00	Attartortitsinikkut isertitat	-600.000	-390.000	-390.000
18-04-00-12-00	Illoqarfimmi pilersaarut, siunn.	400.000	400.000	25.000
20-10-20-22-00	Kuuff., iluars. aserfallatsaaliinerlu	1.989.000	1.772.000	1.077.000
23-02-20-20-00	Suliffeqarfimmi krani	30.000	0	0
23-10-20-22-00	Illuaqqat pinia., iluars. aserfall.	75.000	15.000	15.000
23-20-60-20-00	Silliviit ataatsimoorussat, Ka-ngaamiut	60.000	0	0
23-21-10-22-00	Sannavik, iluars. aserfallatsaal.	115.000	15.000	15.000
25-01-20-20-00	Qatserisartut, atortussarsiat	1.949.000	880.000	80.000
27-01-21-20-00	Ill. qeqqata kusassarnera	100.000	0	0
27-30-10-20-03	Majuartaateqarfik, atort. pequtill.	2.312.000	582.000	282.000
34-04-10-82-01	Pilersaarutit, aalisakkerivik, taa-rtisiat	-100.000	0	0
36-00-11-71-01	Oqaatsinik Pikk., attar. Isertitat	-640.000	-677.000	-677.000
36-00-12-71-01	Taseralik, attartornermi isertitat	0	-126.000	-126.000
36-00-13-22-99	Seafood, iluasartuussinerit	68.000	0	0
36-00-13-71-01	Seafood, attartornermi isertitat	-175.000	0	0
36-00-15-71-01	Jeremiassen, attartorn. isertitat	-21.000	-13.000	-13.000
36-00-30-71-01	B-1624 atuarfitoqaq, attartorn. is.	-290.000	-235.000	-235.000
36-01-12-71-01	Naqiterivik, attartorn. Isertitat	-247.000	-142.000	-142.000
36-00-14-71-01	ACR, attartorn. Isertitat	-53.000	0	0
36-00-11-71-01	Tamalaat, attartorn. Isertitat	0	-42.000	-42.000
36-03-30-71-01	DMI-illuaraa, attartorn. Isertitat	0	-16.000	-16.000
50-04-11-22-01	Naasoq, Illutaa	218.000	118.000	118.000
50-04-11-90-01	Naasoq, sinneqartoorutit nuun.	32.000	0	0
51-01-30-79-03	Kangerlussuaq, katinnerini kukk.	172.000	0	0
53-06-18-22-01	Illut allat, illutai	564.000	21.000	21.000
56-02-10-xx-xx	Katersugaasivik, sinneqart. nuun.	2.695.000	1.915.000	1.915.000
59-01-20-35-00	Maniitsoq kulturimut tapiissutit	200.000	80.000	80.000
66-04-20-22-00	Anartarfeqarfik, iluars. aserfall.	220.000	30.000	30.000
66-05-20-22-00	Eqqaavissuaq, iluars. aserfall.	190.000	190.000	40.000
<b>Katillugit</b>		<b>9.366.000</b>	<b>4.380.000</b>	<b>2.060.000</b>

Ataatsimut isigalugit pineqartutigit aningaasaliissutissatut akuersissutissat annikitsuinnaapput, tassa 9.366.000 koruuniniit 4.380.000 koruuninut, ukioq manna ingerlatsinikkut pitsanngoriaatit 4.984.000 koruunit naligalugit.



Kontonit kontot tallimat 2009-mi missingersuutitigut iluarsisamiit 2010-mut allanngoriassapput, tamatumani patsisaalluni, tamakku ataasiartumik pisiat /-suliat sulii ingerlanneqanngimmata, pisiaana-tik iluarsaanneqaratilluunniit. Makkuuppullu:

- 375.000 koruunit illoqarfiup pilersaarusioneranut alumiiniumik pilersaarummut (18-04-00-12-00)
- 695.000 koruunit Maniitsumi kuuffissuit iluarsartuunnissaanut (20-10-20-22-00)
- 800.000 koruunit Maniitsumi qatserisartoqarfimmi nutaanik qalerrisaarutitaanissaq (25-01-20-20-00)
- 300.000 koruunit Sisimiuni sisorartarfimmi qamussuarnut atortussarsinissaq iluarsartuussinissarluni (27-30-10-20-03)
- 150.000 koruunit Maniitsumi saviminernut eqqaaviup torersarnissaanut (66-05-20-22-00)

Kontot taakku ilaat ilaatigut kontunut marlunnut avinneqassapput imaluunniit sanaartornermut kontomut nuunneqassallutik, tassa eqqortumik assigiimmillu kontonik atuinissaq siunertaralugu.

Taamaalilluni 797.000 koruunit, Maniitsumi kuuffissuit iluarsartuunnerini 2008-miit 2009-mut 695.000 koruuninik nuutsineq ilanngullugu (katillugit 1.492.000 koruunit), ingerlatsinikkut kontomiit (20-10-20-22-00) sanaartornermut kontomut (72-XX-20-50-61) nuunneqassapput, taamaalillunilu 280.000 koruunit ingerlatsinermi kontomi aserfallatsaaliinermut sinnerutissallutik.

Taamatuttaaq 170.000 koruunit ukiumut marlunnik qamuterallasinissamut atugassat, Sisimiuni majuartateqarfimmiit (27-30-10-20-03) ataatsimoorluni kontomut (27-40-10-20-03) nuunneqassapput, taamaalillunilu 112.000 koruunit majuartateqarfimmi arlaatigut pisinissamut sinnerutissallutik.

Tamakku saniatigut 150.000 koruunit Maniitsumi saviminernik eqqaaviup torersarnissaanut (66-05-20-22-00) atugassat sanaartornermut kontomut (76-XX-20-50-61) nuunneqassapput, taamaalillunilu 40.000 koruunit iluarsartuussinermut aserfallatsaaliinermullu sinnerutissallutik.

**Imm. 4-mut** kuuffissuarnik saviminernullu eqqaavimmik iluarsaassinissamut nuutsinissat matuma qulaani taasat saniatigut, Maniitsumi ingerlatsinermiit sanaartornermut nuutsinissat marluk tullit-tut pisussaapput, 2008-mi angumerineqanngitsut. Matumali siuliani imm. 3-mi kontotut taaneqartu-tuulli 2009-mi missingersuutinut ilanngutaasimanatik:

Massakkut konto	Taaguutaa	Akia	Sanaartornikkut konto nutaaq
20-01-20-15-00	Kangaamiuni majuartarfiit	41.000	72-XX-60-50-61
23-22-10-22-00	Kalaalimineerniarfimmi perususer-sartarfik	300.000	72-XX-20-50-61
<b>Katillugit</b>		<b>341.000</b>	

**Imm. 5** inuutissarsiutitigut attartornermut (36-01-0X) ataatsimoortumik kontot missingersuutiniittut, pisortanit ikiorsiissutit (45-01-00), utoqqalinerimi pensioninut inuttut tapit (47-01-00), utoqqarnut suliniutit (47-15-00), sumiiffimmi perorsaasunngorniartut akissarsiaat (50-01-00), eqqaavilerineq (66-02-00), anartarfilerineq (66-03-00), kommunip umiarsualiveqarnera (68-01-00) kiisalu paaviaaneq (68-03-00) pineqarput, Sisimiuni Maniitsumilu pineqartunut agguataarneqarsimasut. Tamakku sumiiffinni aqunneqarsinnaapput immikkortortanilu pisortanit malinnaaffigineqarsinnaassallutik.

Illuatungaartigulli Sisimiuni Maniitsumilu kommunimi allaffissornikkut kontorpaaloqarpoq, tamakkulu ataatsimoortumik kontomut ilineqarlutik. Makkuuppullu aningaasaqarnermut tunngasut (11-00-16), qullersaqarfiup allatseqarfianut tunngasut (konto 11-00-17), siusinnerusukkut taasatut sipaarniutaasut (11-00-18), kommunip pilersaarusiornera (konto 18-04) kiisalu ilaasortaanermi akiliutit (konto 18-06).

Tamakku saniatigut kommunimi ingerlatsinikkut (konto 11) arlalitsigut nuutsisoqarnikuuvoq, missingersuutitigut eqqortumik takussutissaqarnissaq pitsaasumillu aqutsinissaq siunertaralugu.

Allannguutit tamakku piaartumik pinissaat pisariaqarmat nuutsisoqareerpoq, tamakkuli missingersuutitigut sunniuteqartussaananatik. Missingersuutitigut sunniuteqanngillat.

Allaffeqarfiup nalornisoqannginnissaa siunertaralugu maluginiaqqussavaa, Qeqqata Kommuniata kontonut nalunaarsuutaani qulinik kisitsisitalimmi (xx-xx-Yx-xx-xx) kisitsisit tallimaani sumiiffik pineqarmat:

Ill./nun.	Ataats	Sisimiut	Maniit-soq	Kanger-lussuaq	Sarfann-guit	Itilleq	Kangaa-miut	Napasoaq	Atammik
Konto	Y=0	Y=1	Y=2	Y=3	Y=4	Y=5	Y=6	Y=7	Y=8

Immikkoortut matuma qulaani pineqartut allaffeqarfimmi ilisimaneqartut tamarmik ingerlatsiner-mi kontuuppup. Sanaartornermi kontot massakkut misissorneqarput, sanaartornermilu missingersuutitigut iluarsissutaasinnaasut aningaasaqarnermut ataatsimiititaliamut kommunalbestyrelsimullu saqqummiunneqassappup, 2008-mi sanaartornermi aningaasaliissutit atunngitsuukkat 2009-mut nuunnissaannik qinnuteqarnermut atatillugu. Tamanna aprilimi pissaaq.

Allaffeqarfiulli maluginiaqqussavaa, sanaartornermut missingersuutit aappassaaneernerisa aningaasaqarnikkullu atortorissaarummut ikkussuutat kiisalu missingersuutitigut nalunaarusiap nassiunneqartup akornanni assigiinngissuteqartoqarumaarmat. Assigiinngissummut pissutaavoq, 10-40-50-imi attartukkatigut kisitsimmik 1.000-mik agguataakkani nikingasoqassammat. Taamaammatt aappasaanerinermi takuneqarsinnaalluni, Sisimiuni 10-40-50 aqutugalugu attartukkani kisitsit miki-vallaarujussuuartoq. Tassa immikkoortit 14.252 koruuniunatik immikkoortit 14.252.000 koruuniussagaamik. Iluarsineq ikkunneqareerpoq 2009-milu missingersuutitigut aningaasaliissuteqarfiulluni, tassami innuttaasunut suliffeqarfinnullu piussaaffiliisumik 6 mio. koruuninik annerusut neriorsuutigineremata.

Aningaasaqarnikkut allaffissornikkullu kingunerisinnaasai

Imm. 5-ip missingersuutitigut sunniuteqannginnissaa aallaavigalugu, imm. 1-miit imm. 4-mut missingersuutitigut iluarsissutit missingersuutitigut tulluuttutigut sunniuteqassappup:

Imm. / Allaaserinera	2009-mut miss.	Ukiut miss.
1. akissarsiatigut iluarsissuteqarsimannginneq	4.577.000	4.577.000
2. akissarsiat marloriaammik missingersuusiukkat	- 952.000	- 3.174.000
3. 2008-mi missingersuutitigut immikkut akuersissutit iluarsineqarsimanngitsut	- 4.984.000	- 7.306.000
4. kommunitoqqat akornanni ingerlatsinikkut sanaartukkatigullu kontot assigiimmik atorneqarsimannginneri	341.000	0
<b>Katillugit</b>	<b>-1.018.000</b>	<b>-5.903.000</b>

Allaffeqarfiup naliliinera

Iluarsiissutit aqqiinerillu taagorneqartut 2009-mi missingersuutitigut ukiunilu missiliuuteqarfiusuni eqqortumik takussutissartaqarnissaat pisariaqarput, taamatullu 2010-mi missingersuusiornissamut missiliuusiornissamullu atatillugu eqqortumik killiussaqaarnissaq periarfissaqaarniassammat.

Aningaasaqarnermut ataatsimiititaliami suliaq suliarinera

Aningaasaqarnermut ataatsimiititaliap februaaris 10-ani 2009-mi ataatsimiinnermini suliaq suliarivaa.

**Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

2009-mut matuma siuliani eqitsit naapertorlugu ataatsimoortumik isertitassatigut 1.018.000 koruuninik ukiunullu missiliuuteqarfiusunut 5.903.000 koruuninik aningaasaliissuteqartoqarnissaa akuereqqullugu.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

Ilanngussaqanngilaq

**Imm. 17 Sisimiuni inuusuttut ornittagaasa B-1355-ip Nutaraq-p allangortiterneqarnera allilerneqarneralu**

*Journalnr. 06.02.02*

Tunuliaqutaq

Sanaartornermik nakkutilliisut suliamik suliaqarneranni, Kalaallit Nunaanni sanaartornermi maleru-agassaq BR2006-ikkut innarluutilinnut atugassarititaasunik malinninnissaat piumasaqaataavoq. Innarluutilinnut perusuersartarfeqarnissaa, isaariaqarnissaa kiisalu kørrestolinik atuisunut rampeqarnissaa piumasaqaatigineqarpoq.

Maleruagassatigut tunngavissat

Sanaartornermi maleruagssaq 2006

Kapitali 4. imm. 1.

- Annertuumik innarluutillit ikiorserneqartarnerat pillugu Inatsisartut peqqussutaat naapertorlugu pisortat illuutaat atortussaallu tamarmik sapinngisamik innarluutillinnit atorneqarsinnaanngorlugit sanaartorneqassapput/iluarsineqassapput.

Pissutsit atuuttut

2008-mi aggustip 14-inai suliariumannittussarsiuussineq ingerlanneqarpoq, tamatumalu kingorna entreprenørnit akikinneraat isumaqatigiissutigineqarluni.

Siunnersuisup sanaartornermi suliamik suliaqarnerani paasinarsivoq, innarluutilinnut naleqqussaanissaq eqqarsaatigalugu amigaateqartoq.

Innarluutilinnut tunngatillugu piumasaqaataasooq pillugu pilersaarutip iluarsineqarnissaa / nutarterneqarnissaa siunertaralugu, 2008-mi septembarip 12-iani Sisimiuni Kitaa Arkitektini siunnersuisooq ataatsimeeqatigineqarpoq. Immikkut aningaasartuutaanngitsumik pilersaarut siunnersuisumit iluarsineqarpoq / nutarterneqarpoq, 2008-milu oktobarip 17-iani tiguneqarluni.

Sanaartornermi entreprenørninit tallimaasunit suliassaqarfiuvoq, innarluutilinnullu naleqqussaasoqarnissaanut atatillugu innarluutilinnut naleqqussaanissamik entreprenørnit qinnuvigineqarsimapput.

Allatseqarfiup aningaasaqarnikkullu allatseqarfiup oqaaseqaataat

Ajunngilaq.

Aningaasaqarnikkut allaffissornikkullu kingunerisinnaasai

Suliassaq assigiinngitsunik suliassaqarfittut suliariumannittussarsiuunneqarpoq, tullinnguuttullu pissarsiarineqarsimallutit:

Missiliut A

<u>Suliassaq B: Sanasut</u>	kr. 233.610,00
<u>Suliassaq C: Qalipaasut</u>	kr. 31.750,00
<u>Suliassaq D: Ruujorilerisut</u>	kr. 31.000,00
<u>Suliassaq E: Innaallagissiortunut</u>	kr. 8.990,00

Assassortunut aningaasartuutit katillugit	kr. 305.350,00
Naatsorsuutiginnngisamik aningaasartuutissanut 5 %-ip miss.	kr. 15.000,00

**Katillugit** **kr. 320.350,00**

<b>Missiliut A-mut katillugit (afrundet)</b>	<b>kr. 320.000,00</b>
--	-----------------------

Kontop normua	Kontop taaguutaa	Aningaasat
74-26-00-50-00	Heliportikumi innarl. Ulluunera ornittagakoq Nutaraq.	320.000,00 kr.
89-00-00-90-01	Karsimi uninngasuutit	- 320.000,00 kr.

Allaffeqarfiup naliliinera

Innarluutillit atuisut eqqarsaatigalugit BR2006-ip piumasaqaataa naammassineqassasoq.

Teknikimut avatangiisinullu ingerlatsiviup innersuussutaa

Teknikkimut avatangiisinullu ingerlatsiviup Teknikkimut avatangiisinullu ataatsimiititaliamut innersuussutigaa, Pilersaarummut 320.000,00 kr.-inik immikkut aningaasaliissuteqartoqassasoq, siunnersuullu ikaarsaariarnermi ataatsimiititaliamit suliarineqarnissaanut ingerlateqqinneqassasoq.

Teknikimut avatangiisinullu ataatsimiititaliami suliap suliarinera

Teknikimut avatangiisinullu ataatsimiititaliap decembarip 2-ani 2008-mi ataatsimiinnermini ingerlatsiviup innersuussutaa akuersissutigivaa. Siunnersuut Ikaarsaariarnermi ataatsimiititaliamit suliasanngorlugu nassiunneqassaaq.

Borgmesterip aalajangiinera

Aningaasaqarnermut ataatsimiititaliaq Kommunalbestyrelsilu sinnerlugit borgmesteri decembarip 15-ani 2008-mi aalajangiivoq, Sisimiuni inuusuttut ornittagaatta B1355-ip Nutaqqap allanngortiterneqarneranut allilerneqarneranullu 320.000,00 kr.-inik immikkut aningaasaliissuteqartoqassasoq.

Aalajangiineq pillugu Aningaasaqarnermut ataatsimiititaliaq tullissaanik ataatsimiileruni ilisimatinneqassaaq, tassanngaanniillu suliap inaarutaasumik aalajangiiffineqarnissaanut Kommunalbestyrelsimut ingerlateqqinneqassalluni.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 10.ani 2009-mi ataatsimiinnerani ilisimatitsissut tusaatissatut tiguneqarpoq.

**Innersuussut**

Suliap inaarutaasumik aalajangiiffineqarnissaanut Kommunalbestyrelsimut saqqummiunneqarpoq.

**Aalajangiineq**

Oqaaseqaatigineqartut ilanngullugit innersuussutigineqartoq akuersissutigineqarpoq.

**Ilanngussaq**

Ilanngussaqanngilaq

## **Imm. 18 Maniitsumi ikuallaavimmi kissarsuutip qammagartaanik taarsiineq**

*Journalnr. 27.05*

### Tunuliaqutaq

Maniitsumi ikuallaavik ukiut 5½ miss. ingerlareerpoq. Ingerlatsinermi pisortap qanittumi misissuinermi paasivaa, ikuallaaviup kissarsuutaani qammakkat ikuallajaatsut naammaginarunnaarsimasut. Taamaattumik Teknikkimut Avatangiisimullu immikkoortoqarfiup kissarsuummik pilersuisoq Weiss A/S piumaffigaa iluarsarnissaanut pisariaqartitsineq nalileqqullugu. Weiss-ip tamakkiisumik iluarsaanermi akit nassiussisimavai.

Weiss ilisimatitsivoq, kissarsuutit taamatut ittut atorsinnaanerisa sivilissusaat ukiut pingasut arfinillilu akornanniinnissaat ilimagineqartartoq.

### Maleruagassatigut tunngavissat

Suliffeqarfiit mingutsitsinerusut pillugit Avatangiisit illersorneqarnissaat pillugu Inatsisartut peqqussutaat nr. 12, 22. December 1988-imeersoq, kap. 5 (§§16-29).

Nalunaarusiaq nr. 28, 17. September 1993-meersoq § 5, imm. 2 igitassat peerneqarnissaat.

### Pissutsit atuuttut

Weiss-imit kiffartuussilluni maskiinanik katiterisartup qammagaq ataasinngorneq 02.02.2009 misissoreermagu Teknikkimut Avatangiisimullu immikkoortoqarfik Weiss-imit ilisimatinneqarpoq, kissarsuummi sullumilu qammakkat qajannarsilluinnarsimasut. Taamaattumik Weiss-ip siunnersuutigaa ikuallaavik unitsinneqarallassoq qammakkat taarsersorneqareernissaanut imaluunniit ikuallaaviup ingerlannera annikillineqarallarsinnaasoq.

Qammakkap qajannaalliarnerani tassangaannaq qammaanik nakkaasoqarsinnaaneranut atatillugu ingerlannerani sulisunut ataavartumik kissarsuummik saligineq ulorianartorsiortitsin-naammat, Teknikkimut Avatangiisinullu immikkoortoqarfiup aalajangerpaa ikuallaaviup ingerlanneqarnera sap. ak. uani (sap. ak. 6) unitsinniarlugu, iluarsareernissaata tungaanut. Taamaattumik igitat immikkut ittumik eqqaavissuarmukaanqartarallassapput. Eqqaavissuaq igitanut toqqorsivittut avatangiisinik atuinermik akuerineqarsinnaanngimmat aammalu igitanik silami ikuallaavittut akuersissuteqanngimmat, igitat amerlassusaat minnerpaaffimmiittariaqarput. Taamaattumik qammakkap iluarsarnissaa nukinginnarpoq.

Ingerlatsineramik unitsitsinermut atatillugu ikuallaavik isertitassanik annaasaqassaaq, Nukissiorfimmu ungasianik kiassarnermik tunisisoqarsinnaanngimmat. Ikuallaaviup uninnganerani qammammut kr. 100.000,-it isertitassat annaaneqassangatinneqarput.

Tamakkiisumik iluarsaanermi akit tulliuttut Weiss A/S-ip ilimatitsissutissatut nassiuppai:

Atortussat katillugit nassiunnerat ilanngutereerlugu neqeroorut:	kr. 425.473,-
Iluarsaasumut aningaasartuutissat missingersorlugit:	
Iluarsaasumut akissarsiarititassat	- 289.440,-
Angalanermi uninnganermilu aningaasartuutit:	- 114.800,-
Iluarsaasumut missingersorlugu aningaasartuutissat katillugit	- <u>404.240,-</u>
Suliassaq katillugu akit missingersuutaat	kr. 829.713,-

Iluarsaaneq ilimagineqarpoq sap. ak. sisamat ingerlaneranni Weiss-imit iluarsaajartortunik marlunnik suliarineqarsinnaasoq.

Aningaasaqarnikkut allaffissornikkullu kingunerisinnaasai

Konto 6805202200-mi, Maniitsumi ikuallaavik, iluarsaaneq aserfallatsaaliuinerlu, kr. 350.000,-it 2009-mut missingersuutigineqarput. Taanna iluarsaanernut aserfallatsaaliuinernullu aningaasartuutit nalinginnaasumik ingerlaavartunut naammapput, kissarsuutip qammaata iluarsarnissaa matusinnaanngilaat. Taamaattumik ersarippoq iluarsaaneq missingersuutip pioreersup iluaniittunik akilernerqarsinnaanngitsoq.

Teknikkimut Avatangiisinullu immikkoortoqarfik ilisimatinneqarsimavoq, Sisimiuni ikuallaavimmi illoqarfimmiut sulisillugit kissarsuutip qammaa tamakkiisumik taarsersortissimagaat Weiss-imit akit missingersuutaasunit akikinnerungaatsiartumik. Kisiannili Sisimiuni ikuallaaviup qammaa Maniitsumiittumiit allaanerusumik sananeqarsimavoq, tassa ujaqqat peertartut taarseruminartut atornerqarsimapput. Maniitsumi ikuallaaviup qammaa kuillugu sananeqarsimavoq, tamassuma taarsiinissaq piunaatsippaa, qammakkat pisoqqat ikuttarlugit piiqqartussaammata taavalu tassani nutaamik qammaalluni. Taamatut suliarinissaanut Maniitsumi illoqarfimmiutumik sulisus-saqanngilaq, aamma toqqissisimanarnerussaaq Weiss-iit suliarineqarpat, taakku kissarsuut sanammasuk. Aaammattaq paasissutissiissutit malillugit Sisimiuni qammat ukiut sisamakkaarlugit taarserneqartarput, Maniitsumili maannamut ukiut tallimat affarlu atasut.

Konto 6805202200-mi, Maniitsumi ikuallaavik, iluarsaaneq aserfallatsaaliuinerlu, kr. 350.000,-it 2009-mut missingersuutigineqarput. Taanna iluarsaanernut aserfallatsaaliuinernullu aningaasartuutit nalinginnaasumik ingerlaavartunut naammapput, kissarsuutip qammaata iluarsarnissaa matusinnaanngilaat. Taamaattumik ersarippoq iluarsaaneq missingersuutip pioreersup iluaniittunik akilernerqarsinnaanngitsoq.

Teknikkimut Avatangiisinullu immikkoortoqarfik ilisimatinneqarsimavoq, Sisimiuni ikuallaavimmi illoqarfimmiut sulisillugit kissarsuutip qammaa tamakkiisumik taarsersortissimagaat Weiss-imit akit missingersuutaasunit akikinnerungaatsiartumik. Kisiannili Sisimiuni ikuallaaviup qammaa Maniitsumiittumiit allaanerusumik sananeqarsimavoq, tassa ujaqqat peertartut taarseruminartut atornerqarsimapput. Maniitsumi ikuallaaviup qammaa kuillugu sananeqarsimavoq, tamassuma taarsiinissaq piunaatsippaa, qammakkat pisoqqat ikuttarlugit piiqqartussaammata taavalu tassani nutaamik qammaalluni. Taamatut suliarinissaanut Maniitsumi illoqarfimmiutumik sulisus-saqanngilaq, aamma toqqissisimanarnerussaaq Weiss-iit suliarineqarpat, taakku kissarsuut sanammasuk. Aaammattaq paasissutissiissutit malillugit Sisimiuni qammat ukiut sisamakkaarlugit taarserneqartarput, Maniitsumili maannamut ukiut tallimat affarlu atasut.

Allaffeqarfiup naliliinera

Pisariaqavippoq kissarsuutip qammaata taarserneqarnissaa. Iluarsarnissaanik kinguartitsinerup kingunerissavaa isertitassanik annaasaqarneq kiassarnermik tunisisinnannginneq aammalu eqqaavissuarmi igitanik annertungaatsiartunik amerliartortitsineq peqqutigalugit. Kissarsuutip akuttunngitsunik pisariaqartumik salittarnerata nalaani sulisut ajoqusersinnaanerat peqqutigalugu, ikuallaaviup maannakkutut itsillugu ingerlatiinnarneqarnissaa illersorneqarsinnaanngilaq. Ilimanangilaq suliffeqarfinnik allanik neqeroortitsinikkut sipaarutaasinnaasunik angusaqarnissaaq, aammalu kinguarsaangaatsiartussaassaaq. Weiss-ip atortussat nassiuteraannaat piareeqqavai sapaatillu akunneri marluk ingerlanerani sulisussanik piareersereersinnaalluni.

Teknikkimut Avatangiisinullu immikkoortortap innersuussutaa

Teknikkimut Avatangiisinullu immikkoortoqarfiup Aningaasaqarnermut Ataatsimiititaliamut siunnersuutigaa, ikuallaaviup kissarsuutaata qammai tamakkiisumik taarserneqarnissaanut kr. 830.000,-nik immikkut aningasaliisoqassasoq. Suliap nukingernarnera peqqutigalugu siunnersuutigineqarpoq, suliaq Weiss A/S-imit tunniunneqassasoq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10-ani 2009-mi ataatsimiinnermini Teknikkimut Avatangiisinullu immikkoortortap innersuussutaa akuersissutigivaa.

**Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa, ikuallaaviup kissarsuutaata qammai tamakkiisumik taarserneqarnissaanut kr. 830.000,-nik immikkut aningasaliisoqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussat**

1. Weiss A/S-imit allakkat 15.01.09-minngaanneersut: igitanut kissarsuutip qammaasa iluarsarnissaanut neqeroorut (atortussanut aningaasartuutit)
2. Kiffartuussinermi naalagaq Torben Christensen, Weiss A/S-imeersumit E-mail-eq 15.01.09-meersoq, kissarsuutip iluarsarnerani ikiorteqarnerup akii missiliuutaannaagallartumik naatsorsukkat
3. Kiffartuussinermi naalagaq Torben Christensen-imit E-mail-eq 03.02.09-meersoq qammat misissornerat pillugu
4. Weiss A/S-imit allakkat 04.02.2009-meersut. Qammat misissornerani nalunaarusiaq.



**Imm. 19 2010-mi aningaasanut inatsisissamut sanaartugassatut kissaatigisat qinnnutiginissaat**

*Journalnr. 06.01.03*

Tunuliaqutaq

Namminersornerullutik Oqartussat januaarip 2-ani 2009-mi allakkatigut Qeqqata Kommuniata 2010-mi Aningaasaqarnermut inatsisikkut kissaatai ujartorpai. Qeqqata Kommunია kingsinnerpaamik marsip 1-ani 2009-mi ataatsimoortumik tullerīiaakkamillu Qeqqata Kommuniani sanaartugassatigut kissaatigisaminik nassiussissaaq.

Maleruagassatigut tunngavissaq

Aningaasanut inatsit Namminersornerullutik Oqartussat kisimik susasaqarfigivaat, taamaattorli kommunit tamatumani sanaartortinniakkatigut kissaatigisatik tullerīiaakkat tusartissallugit periarfissaqartitaapput.

Pissutsit atuuttut

Namminersornerullutik Oqartussat maluginiaqqaat, ”Inatsisartut 2009-mut Aningaasanut inatsisip akuersissutigineratigut, 2004-mi Aningaasanut inatsisip suliarineratigut siunniunneqartoq suli siunniusimagaat, tamannalu ima paasineqassalluni, salliutitat tullerīiaarinermi imaassasut atuarfiliortiterneq, illulortiterneq pilersuinerlu. Tamatuma kingunerssavaa, assersuutigalugu sanaartorfigissanerit, illunik kiffartuussiviliortiternerit il.il. taamaallaat killilimmik aningaasaliiffiqineqarnissaat.”

Missingersuutissatut akuerisat, politikikkut kissaatigisat saqqummiunneqartut ukiumilu kingullermi siusinnerusukkut kommunit marluusut Namminersornerullutik Oqartussanut sanaartugassatigut kissaatigisaminik tullerīiaarineri tunuliaqutaralugit matuma kingulianiittut Qeqqata Kommuniani missingersuusiorfusumi 2010-mi ukiunullu missiliuuteqarfiusunut tullerīiaakkatut siunnersuutit pisortaqatigiit suliarivaat.

Tus. Kr.	Illoqarnikkut/ inissaqar-nikkut ineriartortitsinissami pilersaarutit	2009 Katinneri		2010		2011		2012		2013	
		Komm	GHS	Komm	GHS	Komm	GHS	Komm	GHS	Komm	GHS
Prior	Pilersaarutip suussusia										
1	10 + 10 + 10 Sisimiuni utoqqarnut inissiat			8.186	4.292	8.186	4.292	8.186	4.292	8.186	4.292
2	Kangerlussuarmi kommunip inissiat/ attartortittakkat 4-t			1.200	1.000	2.575	2.075				
3	75-125 Maniitsumi inissiat taartissat		??		35.000		35.000		35.000		35.000
4	10-40-50 inissiat/ illut			15.000	15.000	15.000	15.000	15.000	15.000	15.000	15.000
5	Inissiatileqatigiiffit			7.500	7.500	7.500	7.500	7.500	7.500	7.500	7.500

Tus. Kr.	Teknikkikkut ineriartortitsinissami pilersaarutit	2009 Katinneri		2010		2011		2012		2013	
		Komm	GHS	Komm	GHS	Komm	GHS	Komm	GHS	Komm	GHS
Prior	Pilersaarutip suussusia										
1	Maniitsumi illoqarfiup nutaartassaanut aqqusnissaaq				15.000		15.000				
2	Sisimiuni umiarsualivik				60.000						
3	Sisimiut Kangerlussuullu akornanni aqqusinissaaq			30.000		20.000	30.000	20.000	30.000	20.000	30.000
4	Illoqarfinni nunaqarfinnilu kuuffisualersuineq		5.504		5.000		5.000		5.000		5.000
5	Maniitsup umiarsualiviani atortunik iluarsaassineq				??		??		??		??

Tus. Kr.	Ilaqatariinnuut tunngasutigt ineriartortitsinissami pilersaarutit	2009 Katinneri		2010		2011		2012		2013	
		Komm	GHS	Komm	GHS	Komm	GHS	Komm	GHS	Komm	GHS
Prior	Pilersaarutip suussusia										
1	Najugaqarfeqatigiiffissaq nutaaq Pisoq			11.000	11.000	11.000	11.000				
2	Sisimiuni meeqqerivissaq			3.750	3.750	3.750	3.750				
3											
4											
5											

Tus. Kr.	Ilinniartitaanikkut-, kulturikkut sunngiffimmilu sussaqaqtitaanikkut pilersaarutit	2009 Katinneri		2010		2011		2012		2013	
		Komm	GHS	Komm	GHS	Komm	GHS	Komm	GHS	Komm	GHS
Prior	Pilersaarutip suussusia										
1	Illoqarfinni nunaqarfinnilu atuarfeqarfiit iluarsartuuneri				??		??		??		??
2	Maniitsumi aamma/iml. Kangerlussuarmi efterskoli				??		??		??		??
3	Nunaqarfinni timersortarfeqqat tamatigoortut			3.000	3.000	3.000	3.000	3.000	3.000	3.000	3.000
4	Maniitsumi atuakkanik atorniararfissaq			3.400	3.400						
5											

Illut / inissiat eqqarsaatigalugit kommunip attartortittagai Namminersornerullutik Oqartussanit tapiiffigineqarsinnaasussat salliutinneqarput Namminersornerullutik Oqartussanit taartissatut pilersaarutaanut sanilliullugit. Peqatigitillugulu illoqarfinni/nunaqarfinni annerusuni pingasuni pilersaarutit siammarnernissaat salliutinneqarluni.

Teknikkimut tunngasut eqqarsaatigalugit Maniitsumi illoqarfiup nutaartassaanut aqqusinissaq salliutinneqarpoq attaveqarnikkut pilersaarutinit ataasiakkaanit salliutillugu. Illoqarfiup nutaartassaanut aqqusinissaq alumiiniumik aatsiteriveqarlinnissami pisariaqartitaavoq, taamatulli aamma Maniitsumi nalinginnaasumik ineriartortitsinissami.

Ilaqtariinnut ineriartortitsinissami pilersaarutit eqqarsaatigalugit najugaqatigiiffissaq nutaaq Pisoq meeqqerivittaasamit salliutinneqarpoq, namminersornerullutik oqartussat tulleriarinerinut naaper-tuuttunngorlugu.

Ilinniartitaaneq, kulturi sunngiffillu eqqarsaatigalugit ilinniartitaaneq kulturimut sunngiffimmilu susassanut sanilliullugu salliutinneqarpoq, namminersornerullutik oqartussat tulleriarinerinut naapertuuttunngorlugu.

#### Aningaasaqarnikkut allaffissornikkullu kingunerisinnaasai

Aningaasaqarnikkut allaffissornikkullu kingunerisinaasat eqqarsaatigalugit, sanaartugassatigit sutigit Namminersornerullutik Oqartussat aningaasaleeqataaanissaat apeqqutaajumaarpoq.

#### Allaffeqarfiup naliliinera

Namminersornerullutik Oqartussat sanaartugassatigit namminneq qanoq aningaasaliissuteqarnisaminnik aningaasaleeqataassuteqarnissaminnilluunniit pilersaaruteqarnerat aningaasatigit anner-tuumik kinguneqartussaammat, allaffeqarfik naliliivoq, tulleriarinikkut nalunaarusiami salliutitasatut pilersaarutit sukumiisumik paasissutissartalerlugit allaaseralugillu suliarineqartariaqartut.

Tamatuma saniatigut kommunip Naminersornerullutik Oqartussanut tulleriiaarinerani Namminersornerullutik Oqartussat tulleriiaarinerat sapinngisamik isiginiartariaqarpoq. Namminersornerullutik Oqartussat illuliortiterneq illunik kiffartuussivinniit salliutippassuk, kommunip kissaatigisai tamatumunnga naapertuuttariaqarput.

#### Pesortaqatigiit innersuussutaat

Pisortaqatigiit innersuussutigissavaat, aningaasaqarnermut ataatsimiititaliap sanaartugassatut kissaatinik tulleriiaarinerit kommunalbestyrelsimut akuereqqullugit innersuussutigissagai.

#### Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februarip 10-ani 2009-mi ataatsimiinnermini pisortaqatigiit innersuussutaat akuersissutigivaa.

Maniitsumi meeqqerivik sanaartugassatut kissaatinut ilanngunneqassaaq aammalu innarluutilinnut ulloq naallugu atuarfiusinnaasoq.

Illuliornissamut pilersaarummut nr. 5-imut, andelsboliger-imik allaqqasoq allanngortissaaq erstatningsbolig-inngorlugu.

#### **Innersuussut**

Aningaasaqarnermut ataatsimiititaliap sanaartugassatut kissaatinik tulleriiaarinerit kommunalbestyrelsimut akuereqqullugit innersuussutigissavai.

#### **Aalajangiineq**

Innersuussutigineqartut saniatigut aningaasaqarnermut ataatsimiititaliamit: ” *Maniitsumi meeqqerivik sanaartugassatut kissaatinut ilanngunneqassaaq aammalu innarluutilinnut ulloq naallugu atuarfiusinnaasoq.*

*Illuliornissamut pilersaarummut nr. 5-imut, andelsboliger-imik allaqqasoq allanngortissaaq erstatningsbolig-inngorlugu.*” akuersissutigineqarput, Sisimiunilu heldagskoleqalernissaa utoqqaallu illuata allineqarnissaa ilanngullugu. Allakkat assilinera Inatsisartut Ineqarnermut Ataatsimiititaliaanut nassiuunneqassaaq.

Siunnersuutigineqarpoq Qeqqata Kommunian Inatsisartut Aningaasaqarnermut Ataatsimiititaliaanut sanaartugassat pillugit ataatsimeeqatiserineqassasoq.

#### **Ilanngussat**

1. Sisimiut Kommuneata 2009-mi Aningaasanut inatsimmut sanaartugassatut kissaatitut siunnersuutai
2. Maniitsup Kommuneata 2009-mi Aningaasanut inatsimmut sanaartugassatut kissaatitut siunnersuutai

**Imm. 20 2009-mi missingersuutini atuutilersussamik Piareersarfimmi akissarsiatigut missingersuutinit nuussinissamik qinnuteqaat**

*Journalnr. 06.02.04*

Tunuliaqutaq

Piareersarfik 2006-imi apriliimi pilersinneqarpoq, suliffeqarfimmi tassani piarersarfittut atuartitsineq, ilinniartunut suliffimmillu misiliisunut siunnersuisarnejq isumagineqassapput. Piareersarfik pilersinneqarmalli sulisunik amerlassusiliineq iluarsiivigineqartariaqarsimavoq. Tassunga ilaatigut tunngavilersuutalluni kommunemi ilinniartut inaataata ilanni ilinniartut inaannik nakkutilliisutitaqarnermik akisussaaffik Piareersarfimmut tunniunneqarsimanera, peqatigitillugulu Piareersarfimmi ilinniartullu inaanni pedeleqarneq sulisunik amerlassusiliineri aallaqqaammut ilaatinneqannginnera.

Maleruagassaut tunngavissaq

Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut peqqussutaat nr. 2, ulloq 31. maj 1999-imeersoq. Piareersarfiup pilersinneqarneranut ingeranneqarneranullu tunngatillugu Kalaallit Nunaanni Namminersornerullutik Oqartussat Sisimiut Kommuneatalu akornanni kiffartuussinermik isumaqatigiissutaat 1. april 2006-imeersoq.

Pissutsit atuuttut

Sisimiut illoqarfiani Piareersarfiup pilersinneqarneranut atatillugu piffissamik tamakkiisumik aalajangersimasumik atorfiit 10-nik amerlassusilerneqarput. Atorfimmut inuttaliunneqartut tamakkerlutik atuartitsinermi ilitersuinermilu suliassaqarput.

Piareersarfiup pilersinneqareernerata kingorna ilinniartut inaannik nakkutilliineq, tamatumunnga ilanngullugu perorsaanermut tunngasuni nakkutilliineq Meeqqanut kulturimullu ingerlatsivimmiit kissaatigineqarnerat tunngavigalugu akisussaaffik Piareersarfimmut tunngiunneqarput. Ilinniartullu inaannik nakkutilliinerup nuunneqarnerani perorsaanermut tunngatillugu ingerlatsinermi aningaasaliissutinik ilanngullugu nuussisoqanngilaq.

Pedelilli akissarsiaqartinneqarnissaa atorfinnut inuttaqartinneqanngitsunut akissarsianut atugassaa-galuanik atorneqanngitsoortunik mattusiinermigut Piareersarfiup aaqiivigigallarsimavaa. Perorsaanermut tunngasuni nakkutilliineq – sapaatip akunnerata naanerani unnuakkullu nakkutilliinerit ilanngullugit – mannamut pingaarnerusumik Piareersarfiup pisortaanit isumagineqarput.

Taamaatut aaqiinerit piffissaq ungasinnerusoq eqqarsaatigalugu nammanneqarsinnaanngillat, ataavartumillu aaqiissuteqarnissaq pisariaqartinneqaleriartuinnaarluni. Piareersarfiup allilerneqarnissaanut eqqarsaammut tunngatillugu taamaatut ajornartorsiorneq suli annerulertussaavoq.

Kiffartuussinermi suliassanut nalinginnaasunut peqatigitillugu ilinniartut inaannik nakkutilliisussamik atorfirmik pilersitsinissaq taamaalilluni aamma pisariaqartinneqalissaaq.

Piareersarfimmi atuartitsinerup piukkunnarsaanermilu suliniutit nukittorsarneqarnissaat siunertaralugu sulisut ilinniarsimasut amerlineqarnissaat Sisimiut Kommuneani Aningaasaqarnermut ataatsiitiititaliap juunip 18-i 2008-mi akuersissutigimmagu oqaatigineqartariaqarpoq. Atorfik Suliffisaqartitsiniarnermi atugassanit kontomit 35-04-00-mit ilinniaqqinneq-mit nuussinikkut aningaasalerneqarpoq.

Aningaasaqarnikkut allaffissornikkullu kingunerisinnaasai

Kiffartuussinermi suleqataasussamik sulinerup avataatigut suliartoqquneqaratarsinnaanermut tapilimmik, ima paasillugu sapaatip akunnerata naanerani unnuakkullu sillimasussamik atorfinitsitsinissamut aningaasartuutit ilinniarsimasut ilinniarsimannngitsullu qaammammut akissarsiaannut isumaqatigiissutit naapertorlugit pisinnaavoq. Ukiumut akissarsianut suliartoqquneqaratarsinnaanermut tapit pensionillu ilanngullugit atugassatut naatsorsuutit katillugit kr. 17.709,10 x 12 = 212 509,2 koruuniussapput, kiisalu suliartoqquneqaratarsinnaanermut tapit 3000 kr. x 120 = 36 000,- koruunit, ilinniagaqaqqinnermi tapit 520,00 kr. x 12 = 6 240,- koruunit. sapaatip akunnerata naanerani pigaartuunermit tapit 2 x 13 timer x 20 kr. x 52 = 27 040,- koruunit. Tamaasa katillugit ukiumut akissarsiasaallutik 281 789,20 koruunit.

Sisimiut oqaluttuarisaanerani suliffissaaleqisut aatsaat taama ikitsigimmata inatsisit malillugit suliffissaaliqisunut annertussusilikkanik suliffissaqartitsiniarnermi ikiorsiissutinik 2007-imi 2008-milu atuineq annikinneruvoq. Taamaattumik siunnersuutigineqarpoq, Piareersarfimmi kiffartuussinermik suleqataasussamik atorfinitsitsinissami akissarsianut aningaasartuutit kontomit 38-02-10-30-12-mit (2008-mi kontot pilersarusiorneqarneri malillugit) Suliffissaqartitsiniarnermi ikiorsiissutinut konto 38-01-00-01-10 Qaammammusiiallit-nut nuussinikkut aningaasalerneqassasut.

**2009-mi aningaasaliinissamut siunnersuut**

Konto	Taaguut	2009-mi aningaasaliissutit	Atugassatut naatsorsuutit	Aningaasaliissutit pisariaqartinneqartut
38	Piareersarfik			
38-02-10-30-12	Suliffissaqartitsiniarnermi ikiorsiissutit	3 100 000	2 818 210	- 281 789
	Aningaasalersuutissat katillugit			- 281 789

**2009-mi missingersuutitigut aningaasalersuinissami siunnersuut**

Konto	Taaguut	2009-mi aningaasaliissutit	Atugassatut/tapiissutissatut naatsorsuutit	Aningaasaliissutit pisariaqartinneqartut
38	Piareersarfik			
38-01-00-01-10	Qaammammusiat	3 341 000	3 622 789	+ 281 789
	Aningaasalersuutissat katillugit			+ 281 789

Aningaasatigut allaffissornikkullu kingunerisassai

Nuussinissamut siunnersuutigineqartut Kommunimut aningaasartuutaasussaannngitsut, taamaasilluni siunnersuut aningaasalersorneqarsinnaalluni.

Allaffeqarfiup innersuussutaa

Inuussutissarsiutinut Suliffissaqartitsiniarnermullu ataatsimiititaliap Kommunalbestyrelsimut innersuussutigalugu ingerlatissagaa

- Ukiumut aningaasarsiat 281.789 kr. kiffartuussinermi sullissisumut akissasiassat naatsorsuiffimmi 2009-mut ilanngunneqassasut.

Inuussutissarsiutinut Suliffissaqartitsiniarnermullu ataatsimiititaliami suliap sularinera  
Inuussutissarsiutinut Suliffissaqartitsiniarnermullu ataatsimiititaliap januaarip 20-ani 2009-mi  
ataatsimiinnermini suliaq sularivaa.

Oqaaserineqartut ilanngullugit aammalu ikinnerussuteqarluni innersuussutigineqartut  
akuersissutigineqarput.

4 akuersipput

1 akuersinngilaq (EF)

Evelyn Frederiksenip ikinnerussuteqarluni oqaaseqaatigaa nunarsuarmi aningaasarsiornikkut  
ajornartorsiernerup suliffissaaleqinerup annertuseriarsinnaanera sillimaffigineqartariaqarmat  
aningaasaliissutit kontomi tassaniittut ikilisinneqassanngitsut.

Aningaasaqarnermut Ataatsimiititaliamut ingerlateqqinneqassasoq akuersissutigineqarpoq.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10-ani 2009-mi ataatsimiinnermini suliaq sularivaa.

### **Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa

- Ukiumut aningaasarsiat 281.789 kr. kiffartuussinermi sullissisumut akissarsiassat naatsorsuiffimmi  
2009-mut ilanngunneqassasut

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

Ilanngussaqanngilaq

## **Imm. 21 Ilinniartitsisunik ukiunut aalajangersimasunut atorfinitsitsisarneq**

*Journalnr. 03.03*

### Tunuliaqutaq

Ukiunut aalajangersimasunut atorfinitsitseriaaseq Maniitsumi Sisimiunilu assigiinngitsumik atugaa-voq. Ukiunut aalajangersimasunut atorfinitsitsineq ilaatigut sulisussaqaarniarnermut sulisunillu tigumminiinnarniarnermut atatillugu atorneqartarpoq, kommunillu inissisimaneri apeqqutaallutik siunissami atuarfeqarfiit eqqarsaatigalugit atorfinitsitsinerni qanoq politikkeqarnissaq isummerfigisariaqarluni, tamatumani ukiunut aalajangersimasunut atorfinitsitsisarneq suli periarfissaassanersoq ilanngullugu.

### Maleruagassatigut tunngavissat

- IMAK eqqarsaatigalugu NAL C-1, imm. 6, imm. 2, lb. nr. 1 ”Aftale om ansættelse på særlige åremålsvilkår” 16.02.2007-imi Kalaallit Nunaanni Naalakkersuisut IMAK-ilu isumaqatigiissuteqarput.
- ASG eqqarsaatigalugu NAL C-1 ”Aftale om løn- og ansættelsesvilkår under åremålsansættelse i de grønlandske kommuner” 11.12.2006-mi Kalaallit Nunaanni Naalakkersuisut ASG-lu isumaqatigiissuteqarput.

### Pissutsit atuuttut

Ukiunut aalajangersimasunut atorfininnissaq isumaqatigiissuteqarfiusarpoq, tamatumuuna atorfeqarneq ukiunut aalajangersimasunut isumaqatigiissutaasarluni, sivikinnerpaamik ukiut pingasut, tamatumalu kingorna ukioq ataasikkaarlugu sivitsorneqarsinnaasarluni. Atorfinitsiteriaaseq taanna sulisumut killiliisutut isigineqartarpoq, tassa ataavartumik atorfeqarnissaq isumaqatigiissutaasanningimmat, taamaammallu ukiunut aalajangersimasunut atorfinitsitseriaaseq immikkut tapeqartitsi-nikkut allatigulluunniit ajunngitsorsiaqartitsinikkut sulisumut iluaqutissartaqartarluni.

Kalaallit Nunaanni ilinniartitsisut sulinerminni atugassarisaasa atorfininniamut ajunngitsumik aaqqitaanerinit atatillugu uani ilannguttariaqarpoq, ukiunut aalajangersimasunut atorfinitsitaasarneq tunngaviusumik patajaatsuummat, immikkummi atugassarisat naammatsinnerisigut tamatigorluinangajak atuarfimmi suliffigisami ataavartumik atorfininneq anguneqarsinnaasarmat. Taamaammatt ukiunut aalajangersimasunut atorfeqartitaasarneq annikinnerusutiguinnaq killiliisuusarpoq, Kalaallillu Nunaanni atorfinitsitsiniarnermi amerlanertigut iluaqutaalluni.

Maniitsumi, Atammimmi taamatullu Kangaamiuni atuarfeqarfinni inuit 18-t ukiunut aalajangersimasunut atorfeqartitseriaaseq atorlugu atorfeqarput. Aaqqissuussineq ukiuni arfineq-marlunni atugaasimalluni.

Pisortaq, atuarfimmi pisortaaneq, ASG-p isumaqatigiissutaa naapertorlugu ukiunut aalajangersimasunut qaammammusiaasa qaavisigut procentinngorlugu immikkut ajunngitsorsiasartalimmik atorfeqartitaavoq, tamatumalu saniatigut ukiumut qaammammik ataatsimik akissarsiami qaavisigut tapisiaqartinneqarluni.

Ilinniartitsisut 17-it, taakkuninnga atuarfimmi pisortap tullia, IMAK-ip isumaqatigiissutaa naapertorlugu qaammammut tapisiaqarlutik ukiukkaartumillu akiliunneqarlutik feriarsinnaatitaallutik atorfeqartitaallutik.

Ilinniartitsisut sinneri isumaqatigiissutit nalinginnaasut naapertorlugit imaluunniit tjenestemanditut tiimilæreritulluunniit atorfeqarput.

*Maniitsumi, Atammimmi Kangaamiunilu ukiunut aalajangersimasunut atorfeqartitseriaaseq naapertorlugu aaqqiinnermut Atuarfinni pisortaasut nammineq naliliinerat*

Maniitsumi atuarfinni pisortaasut allaaserinninnerat naapertorlugu immikkoortumi matumani Maniitsup illoqarfiani kiisalu Atammimmi Kangaamiunilu IMAK-ip isumaqatigiissutaa naapertorlugu ukiunut aalajangersimasunut atorfinitsitseriaatsimi misilittakkat eqqartorneqassapput. Tamatuma saniatigut atorfinitsitseriaatsimi Maniitsumi ilinniartitsisunik ukiunut aalajangersimasunut atorfinitsitseriaatsip iluaqutissartaanik naliliinerat nassuiarneqassalluni.

IMAK-imik isumaqatigiissut naapertorlugu, ilaatigut ilinniartitsisutut ilinniarsimasunik ukiunut aalajangersimasunut atorfinitsitseriaaseq naapertorlugu sulisitsisut *atorfinitsitsisinnaapput*, atuarfimmi ilinniartitsisutut ilinniarsimasut sulisut 80 procenti angusimangippassuk.

Aaqqissuussineq taanna Maniitsoq kommuuniusimasumi ukiuni kingullerni arfineq-marlunni atorneqarsimavoq, tassa kommuuniusimasup ilinniartitsisutut ilinniarsimasunik pissarsiuminaatsitsisimanera tigumminiinnarsinnaasimannginneralu anigorniarlugit. Atuarfinni pisortaasut naliliipput, taama iliuuseqarnerup ajunngitsumik kingunerisimasai ilaatigut makkuusut:

- ilinniartitsisut taarseraannerat millisimavoq, tamatumuunalu ilinniagassatigut ilinniartitsineq pataajaannerulersimalluni
- angajoqqaat iluarisimaarinnittut, ilinniartitsisunik piffissami sivilunerusumi suleqateqarsinnaalersimasut
- Ilinniarfissuarmit ilinniartitsisutut naammassisunik pissarsinnaaneq periarfissaalerluni
- Oqaatsinik allanik ilinniarnermi ilinniartitsisut pitsaanerit pigineqalerlutik, soorlu Qallunaa-tut
- atuarfinni sulineq ingerlaavarnerulerluni
- atuartut akornanni toqqissisimanerulerneq, ilinniartitsisut taarseraatinnginnerusut misigalugit.

Maniitsumi, Atammimmi Kangaamiunilu ukiunut aalajangersimasunut ilinniartitsisunik isumaqatigiissuteqarnerup pitsaasumik kinguneqarsi-manera Maniitsumi atuarfinni pisortat pingaarnertut nalilerpaat.

Taama naliliinikkut iliuusaasimasooq ajunngitsumik kinguneqarsimasutut oqimaalutarneqarpoq, tassa ukiunut aalajangersimasunut aningaasartuutitaqarnerusumik atorfeqartitsinerup kommunemut sunniteqarsimanera. Matuma ataani takuuk ”Allaffeqarfiup naliliinera”, kiffartuussinikkut sulisunullu tunngasutigut aningaasartuuteqarnermut oqimaqatigiissitsiniarnermut tunngatillugu.

*Atuarfinni ilinniartitsisut amerlassusii procentinngorlugit*

Ukiuni kingullerni arfineq-marlunni Sisimiuni Maniitsumilu ilinniartitsisut amerlassusii procentinngorlugit, tamatumani Maniitsup kommuneani ukiunut aalajangersimasunut atorfeqartitsineq ingerlaterisimallugu [Allerfik: Statistisk Årbog 2008, s. 384]:

Sumiiffik	2001/02	2002/03	2003/04	2004/05	2005/06	2006/07	2007/08
<b>Sisimiut katillugit</b>	<b>65,2</b>	<b>72,3</b>	<b>76,3</b>	<b>75,2</b>	<b>71,6</b>	<b>68,8</b>	<b>79,3</b>
Sisimiut	67,3	73,8	78,6	75,4	73,9	70,8	78,1
Nunaqarfiit	37,5	62,5	60,0	73,3	57,9	59,1	85,7
<b>Maniitsoq katillugit</b>	<b>65,1</b>	<b>60,5</b>	<b>63,4</b>	<b>56,8</b>	<b>54,9</b>	<b>54,9</b>	<b>54,4</b>
Maniitsoq	71,4	67,9	66,1	61,9	61,9	59,4	57,1
Nunaqarfiit	45,0	40,0	55,0	38,9	31,6	40,9	45,0



Maniitsumi misilittagaalersimasut matuma siuliani allaaserineqartut isiginiaraanni, taava takuneqarsinnaavoq, ukiuni aalajangersimasuni atorfeqartitsisarnikkut ilinniartitsisut procentiinut qaffiartitsisuusimannigitsut. Illuatungaaticullu taamaallaat ukiut aalajangersimasut aallaavigalugit atorfilik ataaseq isumaqatigiissummik atuiunnaarsimalluni, tamatumuunalu takuneqarsinnaalluni, taama ukiuni aalajangersimasuni atorfeqartitsisarneq sulisuuinnarnissamut iluaqutaasimasoq, sulisullu taakkuu akornanniunngitsoq Maniitsumi ilinniartitsisut procentiisa taarserarnikkut appariartornerinut patsisaanatik.

*Atuarfinni atorfinitsitsinissamik pisariaqartitsineq*

Ikaarsaariarnermi ataatsimiititaliap 19.11.2008-mi ataatsimiineranut ilanngussaq 11-mi, oqaluuseri-sassani imm. 03-mi ilinniartitsisut atorfillit amerlassusiat takuneqarsinnaavoq, taamatullu tiimimusi-allit amerlassusissaat inuttaqartinnerilu. Maluginiaqquneqassaaq, ilanngussami siullermi sulisut amerlassusissaat atuarfeqarfanni tiimit tamarmik qaangiuttoornertaqqanngitsumik inuttaqartinnis-saannut atugaammat.

Taanna sulisut piviusumik amerlassusissaasa amerlanerunerannut patsisaavoq, taamaalillunilu atuarfinni ilinniartitsisut procentiinut apparsaataalluni, tassa ullumikkut piviusumik ilinniartitsisunik pisariaqartitsinermut sanilliullugu.

Peqatigitillugu atuarfinni tiimit ilinniartitsisutigit, atualertussanut ilinniartitsisutigit tiimilæreritigullu matussuserneqartartuut aamma isiginiarneqartariaqarput, tamakkuummata atuarfimmi ataatsimoortumik suliffiusimasunut sunniuteqaqataasut. Taamaammat matuma ataani sumiiffimmi atorfeqartitsinissamik pisariaqartitsinerit aallaaviupput, tassa atorfillit isumaqatigiissutit sorliit atorlugit atorfeqarneri tunngavigalugit.

Atorfeqartitsinissamik pisariaqartitsineq tassaalluni atuarfiup pisortaata atuarfimmi sulisussanik pisariaqartitsineq aallaavigalugit ataatsimoortumik takussutissiaa, tassa piviusumik tiimissat naammatsinniarlugit. Taamaattumik atuarfimmi tiimit tunngavigalugit atorfiit 18-t inuttaqartinneqan-gippata ima naliliisoqartarluni, piviusut tunngavigalugit ilinniartitsisut 10-t amigaataasut, sinne-ruttummi qaangiuttoornertigit matuneqartarmata, matussusigassaammatami, tassa ilinniartitsisut nalinginnaasumik amigaataanerisa kingunerannik atorfiit inuttalerneqarsinnaanngimmata.

**Maniitsumi nunaqarfinnilu atuarfiit**

Atuarfik	Tjeneste- manditut ilinniartitsisut	Isumaqatigiissut atorlugu ilinni- artitsisut	Ukiuni aalajanger- simasuni atorfiit	Perorsaasut atualersussa- nik ilinniartitsisut	Tiimi- læreret	Atorfillit katillugit	Atorfeqartitsinissa- mik pisariaqartitsi- neq (miss.)	Pisariaqartits- inermut sanil- liullugu pro- centi*
Kilaaseqqap Atuarfia	14	5	13	8	17	57	57	100%
Napasup Atuarfia	1	1	0	0	0	2	2	100%
Kangaamiut Atuarfia	1	1	3	2	4	11	11	100%
Atammuiup Atuarfia	1	0	2	0	2	5	6,5	76,9%
<b>Sulisut katillugit</b>	<b>17</b>	<b>7</b>	<b>18</b>	<b>10</b>	<b>23</b>	<b>75</b>	<b>76,5</b>	<b>98%</b>

x = Misissuinerup saqqumiunnissaanut kisitsisit pissarsiarineqarsinnaasimannigillat

\*\* = Sulisut amerlassusiat sulisussat amerlassusiinut sanilliullugu tassaalluni atuarfimmi ilinniartitsisut atorfillit amerlassusiat, tamatumani tiimilæreret perorsaasutullu ilinniarsimallutik atualertussanik ilinniartitsisut ilanngullugit, minnerinnarni atorfeqaraluit.

Sisimiuni nunaqarfinnilu atuarfiit

Atuarfik	Tjenestemanditut ilinniartitsisut	Isumaqatigiissut atorlugu ilinniartitsisut	Perorsaat atualersussanik ilinniartitsisut	Tiimi-læreret	Atorfillit katillugit	Atorfeqartitsinissamik pisariaqartitsineq (miss.)	Pisariaqartitsinermut sanilliullugu procenti*
Nalunnguarfiup Atuarfia	22	20	6	7	55	61	90,2%
Minnngortuunnguup Atuarfia	14	12	3	8	37	47	78,2%
Tusilartut atuarfiat	3	2	2	2	9	9	100%
Itillip Atuarfia	0	3	0	1	4	4	100%**
Sarfannguup Atuarfia	0	0	0	2	2	4	50%***
Qinnnguata Atuarfia	x (5)	x (5)	X	x (1)	11	11	100%****
<b>Sulisut katillugit</b>	44	42	11	21	118	136	86,8%

x = Misissuinerup saqqumiunnissaanut kisitsisit pissarsiarineqarsinnaasimangillat

\* = Sulisut amerlassusiat sulisussat amerlassusiinut sanilliullugu tassaalluni atuarfimi ilinniartitsisut atorfillit amerlassusiat, tamatumani tiimilæreret pædagogitullu ilinniarsimallutik atuarlertussanik ilinniartitsisut ilanngullugit, minnerinnarni atorneraluit.

\*\* = Itillip Atuarfia isumaqatigiissuteqartoqarnikuvoq, piviusut tunngavigalugit ilinniartitsiut taakku sulisussat amerlassusissaat matussutissaqartissagaat.

\*\*\* = Sarfannguup Atuarfiani kisitsisit isiginiarneqassapput tullittut aallaavigalugit, tassa atuarfimi 2008-mi oktobarimiilli atuarfik pisortaqarsimangilaq ilinniagalimmillu ilinniartitsisoqarsimanani. Taamaammatt kisitsit piviusoq immaqa 0-imiit 50 procentimoorluni, atuarfimmilu pisortannortussap pisariaqartitsineq atuuttunut sanilliullugu allatut nalilissagaluarpagu.

Atuarfinniitsinissamik pi-sariaqartitsineq atugaq pisortaanikup naliliineraneerpoq.

\*\*\*\* = Piffissap naanerani Qinnnguata Atuarfiani sulisut suleqatigiikkarlugit amerlassusii tiguneqanngillat. Sulisulli katillugit amerlassusiat paasissutissiisutaalluni.

Aningaasaqarnikkut allaffissornikkullu kingunerisinnaasai

Atorfeqartitsiniarnermi annaaneqarsinnaasut eqqartukkani ilanngunneqanngillat imaluunniit sulisunit annaaneqarsinnaasut, soorlu ukiuni aalajangersimasuni atorfillit taamaatissinnaaneri eqqarsaatigalugit.

*Ilinniartitsisumut ukiuni aalajangersimasuni atorfilimmut allatullu atorfilimmut aningaasartuutit assigiinngissutaat*

Ilinniartitsisumut agguaqatigiisillugu akissarsialluunnit tunngavigigaluaaraanni, taava immikkut ilinniartitsisut ukiuni aalajangersimasuni atorfeqarnerini tapit tullittut atuuttussaapput, IMAK-ip isumaqatigiissutaa naapertorlugu atorfinissimaguni ”Aftale om ansættelse på særlige åremålsvilkår”:

Suliuunaarnermi ukiumut tigusassat, ima naatsorneqassallutik

qaammammut 1651,52 kr. \* 12 mdr.

19.818,24

Ukiumut feriarsinnaatitaaneq

30.873,00

Ilaqutariinnik misissuineq tunngavigalugu, tassa agguaqatigiisitsinikkut inersimasut pingasut inoqutigiinnut tapiissutisinnasunut ataatsinut (timmisartumut bilitsit 11-nik ukiulinniit inersimasunoortut) 2009-milu inoqutigiinnut taama atugalinnut tapit piviusut naatsorsuutigalugit.

Tapisiat katillugit (miss.) ilinniartitsisumut ataatsimut IMAK-ip isumaqatigiissutaa naapertorlugu ukiuni aalajangersimasuni atorfilimmut

50.691,24

Kommunip isumaqatigiissutit naapertorlugit ilinniartitsisumut IMAK-ip feriefond-ia aqutugalugu feriarsinnaatitaasumut aningaasartuutai qaammammut 740,- ukiumulluunniit

8880,00

Kommunip tjenestemandit isumaqatigiissutaa naapertorlugu ilinniartitsisumut feriarsinnaatitaasumullu ukiumut aningaasartuutai 30.873,00 miss. (inoqutigiit siuliani pineqartutut amerlatigisut) imaluunniit ukiumut miss.

15.436,50

Taamaalillutik kommunip isumaqatigiissut tjestemanditulluunniit ilinniartitsisumut aningaasartuutai  
imaallutik 15.436,50 + 8880,- imaluunniit 12.158,25

Taamaattumik IMAK-ip ukiuni aalajangersimasuni atorfeqartitsinermi isumaqatigiissutaatigit  
aningaasartuuteqarneruneq 38.532,99 miss.  
imaluunniit 19.818,24 tapitigit + 18.714,75 (ukiuni aalajangersimasuni atorfilinnut fe-  
riarnermut tapiissutit allalu assigiinngissutaat, 30.873,00 – 12.158,25 = 18.714,75)

*Kommunimi ilinniartitsisutut atorfiit katillugit taakkunanngalu ukiuni aalajangersimasuni atorfe-  
qartitsinermi massakut aningaasartuutaanerusut*

Ikaarsaariarnermi ataatsimiititaliap 19.11.2008-mi ataatsimiinnerani oqaluuserisassami 03-mi  
ilanggussa 11-mi qupperneq 3 aamma 6 naapertorlugit, Qeqqata Kommuniam tamakkerlugu  
ilinniartitsisutut atorfiit 2008-09-mi katillugit 239.83-upput.

Taakkuninnga 17-it Maniitsumi nunaqarfiinilu IMAK-ip isumaqatigiissutaa naapertorlugu ukiuni  
aalajangersimasuni pisortarlu ataaseq ASG-ip isumaqatigiissutaa naapertorlugu atorfiluullutik.  
Pisortamut atatillugu kisitsisit ilisimaneqanngimmata, matumani IMAK naapertorlugu inuit 18-it  
naatsorsuutigineqarlutik, saqqumiussassalli naggataani sukumiisuunngitsumik missiliuusiornermi  
kisitsit amigaataasoq eqqarsaatigalugu iluarseeriartoqarluni.

Taakkununnga 18-iusunut kommunip tapisigit katillugit akiliutiginerusarpai 694.000,- miss.  
Tassa ukiuni aalajangersimasuni ilinniartitsisunik 18-inik atorfeqartitsinermi aningaa-  
sartuutaanerusut tunngavigalugit \* 38.532,99 koruunit

*Ilinniartitsisut tamarmik IMAK-ip isumaqatigiissutaa naapertorlugu ukiuni aalajangersimasuni  
atorfeqartinneqassappata*

Ilinniartitsisut sinneruttut 221,83-it, naliliinermi kommunimi ilinniartitsisutut atorfinnit katillugit  
239,83-iusuniit, aamma ukiuni aalajangersimasuni atorfinitsinneqassagaluarpata, taava ullumikkumut  
sanilliullugu aningaasartuutaanerusussat minnerpaamik (minnerpaamik, tassa pisortatut tapit  
ilanggunneqanngimmata, taanna qaffasinnerummat) 8.548.000,-

Taamaalilluni atorfissatut akuerisaasut 239,83-it tamakkerlugit ukiuni aalajangersimasuni atorfittut  
inuttalerneqarpata 9.241.000,-

Kommunimili ilinniartitsisunik amigaateqartoqarnera sumiiffimmilu qaangiuttoornertigit matussu-  
siisarneq pissutigalugit piviusumik tamakkerlugit inuttalersinnaassanngimmagit, taava katillugit  
aningaasartuutissanut tunngaviusoq tassaalissalluni ilinniartitsisut katillugit amerlassusiat (ilinniar-  
titsisutut ilinniagallit sulisorisat amerlassusii ukiuni aalajangersimasuni atorfillit taamatullu atuarfiit  
pisortaasa ilinniartitsisutut atorfiit inuttaqanngitsut pillugit naliliineri ilanggullugit),  
imaluunniit 147,5 ilinniartitsisut = 5.684.000,-

Tamatumani pisortat naatsorsuutigisamiit aningaasartuutaannginneruneri iluarsiissutigereerlugu.  
Pisortat qaammammut aningaasarsiat ataatsit ukiumut tapiitut pissarsiarisarpaat, taakkulu saniatigit  
qaammammut akissarsiat qaavatigit 20-niit 25 procentii tapisiatut ilanggullugit.

*Ukiuni aalajangersimasuni atorfeqartitsineq atornagu*

Ukiuni aalajangersimasuni atorfeqartitsisarneq isumaqatigiissutit atuuttut naanerini atornerukkaluarpat, ukiumut massakut atuuttunut sanilliullugu Maniitsumi ukiuni aalajangersimasuni atorfeqartitsisarnikkut aningaasartuutitigut sipaarutaassagaluarput - 694.000,-

*Allaffeqarfiup iluarsiiisutissatut siunnersuutaa*

Iluarsiinissami periarfissaasinnaalluni, kommunip ukiuni aalajangersimasuni atorfeqartitsisinnaa-nermi periarfissat killeqartumik tigungmiinnassagai, atuarfiit ataasiakkaat immikkut pisariaqartit-sinerat eqqarsaatigalugu.

Taamaammatt ullumikkut Maniitsumi ukiuni aalajangersimasuni atorfeqartitaasut amerlassusiat ullumikkut aningaasartuutaanerisut atuinnarneqarpoq 694.000,- miss.

Tamatuma sanitigut Sisimiut nunaqarfiisalu ukiuni aalajangersimasuni atorfeqartitsinikkut pisariaqartitaat naliliiffigineqarluni, Maniitsumi nunaqarfiinilu (Atammik: 2, Kangaamiut: 3, Napasoq: 0) pisariaqartitsinermut naapertuuttut

Tamatumani immaqa ukiuni aalajangersimasuni ilinniartitsisut atorfiit 8-t pineqarlutik (Kangerlussuaq: 4, Itilleq 2, Sarfannguit: 2),  
imaluunniit katillugit  $8 * 38.532,99$ , imaluunniit 308.000,- miss.

Maniitsumi nunaqarfiinilu arfineq-pingasuni aningaasartuutissat ataatsimut katillugit 1.002.000,-

Tamaknununga ilanngutissallutik, naatsorsuinerit missiliutinik pisuummata, tassa inoqutigiit ataatsit pingasunik inuttaqartillugit, kommunimit akiliunneqarlutik feriartartut (tjenestemanditut kiisalu ukiuni aalajangersimasuni atorfillit), inoqutigiinnulli tapiiffigineqarsinnaasutigut kisitsisit annerulaarsinnaapput, taamaammallu eqqarsaatigineqarsinnaalluni, ataatsimut katillugit angala-nermi akeq annerusoq tapiutigalugu pisortamullu tapit ilanngullugit aningaasartuutaanerisut 1.250.000,- miss.

Taama naatsorsuineri Sisimiut illoqarfiani atuarfiit ilanngunneqassappata, Maniitsullu illoqarfiani atorfinitsisineri periutsit procentii atorneqarlutik, tassa massakkumut ilinniartitsisut katillugit 40,6 procentii ukiuni aalajangersimasuni atorfilisut, taava IMAK-ip isumaqatigiissutaa naapertor-lugu Sisimiut illoqarfiani aningaasartuutaanerulissallutik

1.141.000,- miss.

imaluunniit ilinniartitsisut 29,6-it (ilinn. atorfiit 73-it 40,6%) \* 38.532,99 koruunit

Ataatsimut katillugit minnerpaamik aningaasartuutaanerulissallutik, tassa kommunip atuarfiini ukiuni aalajangersimasuni atorfeqartitsisarneq atorneqassappat, naatsorsuutigineqarlutik 2.391.000,-

Allaffeqarfik naliliivoq

Qeqqata Kommuniata kommunimi tamani pitsaasumik assigiimmillu ilinniartitaanikkut periarfissaqartitsinissaq qulakkeerniartariaqarppaa, tamannalu anguneqassappat sumiiffimmi pissutsit isiginiartariaqarlutik.

Ukiuni aalajangersimasuni atorfinitsisarnerit sumiiffinni sulisut pikkorissut pilerisaarnerini pigiin-narnissaannilu atorneqarsinnaavoq, sulisoqarnikkut taamaattutigut unamminartoqarfiusuni.

IMAK-ip isumaqatigiissutaa atuuttoq aqqutigalugu ukiuni aalajangersimasuni atorfeqartitsisarnerit sulisoqarnikkut sulisullu tigummiinnarnissaannut sakkutut atoraanni, taava isumaqarnarpoq, Maniitsumi atuarfiit pisortaasa allaaserisaattut pitsaasumik ineriartortitsineq tigummineqaannarsinnaassasoq.

Illuatungaatigulli, ilinniartitsisoqatit ukiuni aalajangersimasuni atorfinnissamik periarfissaqanngitsut naammagittaannarsinnaannginnerat eqqarsaatigisariaqarluni. Taakkua, taakkunanilu ilaallutik ilinniartitsisut atorfeqareersut, atuarfinni toqqissisimannginnermik pilersitsisinnaapput, tamatuma-lu malitsigisaanik ilinniartitsisut soraalarersinnaallutik. Ukiuni aalajangersimasuni atorfeqartitsisar-nermi sulisut ilaasa assigiimmik ilinniagaqarnermi iluaqutissartaqarnerusumik ilinniartitsisut atorfeqartinneqartunit minnerutinneqarnermik misigisinnaanerat illuatungiliuttuosorinarluni.

Pissutsit tamakku takutippaallusooq, ukiuni aalajangersimasuni atorfinitsiteriaatsip sulisoqarnermi politikkeqarnermi mianersorluinnartumik ilanngunneqarsinnaanera, tassa kommuni ataatsimut isigalugu kiffartuussinikkut naligiimmik periuseqarnissamik qulakkeeriniarnermi atugassatut, meeqqat atuarfiini ilinniagalinnik ilinniartitsisoqarnissaq aallaavigalugu. Tamanna aamma ima paasineqassaaq, ukiuni aalajangersimasuni atorfinitsiteriaaseq nalinginnaasumik atorneqartariaqanngitsoq, kisiannili atorfinitsitsiniarnermi sulisunillu ilinniagalinnik tigumminniarnermi sakkussatut.

Peqatigitilluguli kommunimut tamarmut atuuttariaqarluni, sumiiffimmi periarfissat atuarfiillu pitsaassusiisigut nittarsaassinerup kinguneranik ilinniartitsisut pilerilersinnaalersissallugit, ukuni aalajangersimasuni atorfilusariaqanngitsut. Allatut oqaatigalugu aningaasat kisiisa isiginagit iliuuseqarnertigut pilerilersitsisoqarsinnaavoq.

Tunngavissaq taama allaasoq tassaasinnaalluni atugassarititaasut init pitsaanerusut, taamaalilluni atuarfinni ilinniartitsinerit atugassarititaasut aamma pitsaanerusut. Tamanna Kangerlussuarmi misillitagaqarfiuvoq, tassa atuarfimmi pissutsit pitsaanerulernerisa kinguneranik ilinniartitsisoqarniarneq aamma pitsaanerularluni, taamatullu ilinniartitsisut akornanni ataavarnerulertumik.

Taamaattumik naliliiffigineqarpoq, ukiuni aalajangersimasuni atorfeqartitsinissami aningaasartuutaanerusussatut naatsorsuineq 2.391.000,- missaaniittoq, soorlu matuma siuliini immikkoortumi ”*Allaffeqarfiup iluarsisutissatut siunnersuutaa*”-tut taaneqartup, 100 procentimik *atorneqarnissaa pisariaqarsorinarani*, tassa ilaatigut kommunip atuarfiinik pitsaanerusumik nittarsaassineq, ininillu pitsaanerusunik atu-gassaqartitsinerup pilerinarnerulersitsineq kingunerisinnaammagu, taamatullu ilinniartitsisut nali-nginnaasumik sivisunerusumik pigiinnarsinnaanerat.

Taamaattumik iluaqutaassaaq, siunissami illoqarfinni nunaqarfinnilu tamani ukiuni aalajangersimasuni atorfeqartitsisinnaanissap isumaqatigiinniutaasinnaanissaata ammatinnissaa, tassa atuarfimmi ilinniartitsisut katillugit pisariaqartitatigut procentiata takutippagu – ilinniartitsisut, atualertussanik ilinniartitsisut tiimilærerillu naatsorsuutigalugit – kommunimi ataatsimoortumik procentissamik minnerulissappat.

Allaffeqarfiup innersuussutaa

Aningaasaqarnermut ataatsimiititaliamut akuereqqullugu innersuussutigineqassaaq, taamatullu iluarsiissutaasinnaasut marluk arlaat kommunalbestyrelsimut innersuussutigineqassasoq:

atuafeqarfinni immikkut ukiunut aalajangersimasunut atugassarititaasut aqutigalugit atorfinitsitsisarnerit isumaqatigiissutit naanersigut Qeqqata Kommuniani atorunnaarneqassasut

imaluunniit

atuarfinni ataasiakkaani ilinniartitsisutut ilinniarsimasut sulisut katillugit 80 procenti angugippassuk isumaqatigiissutit atuuttut naapertorlugit ukiunut aalajangersimasunut atorfeqarsinnaatitsineq periarfissaassasoq, tassa pisariaqartitat 80 procentiisa sinnernissaasa tungaannut.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 10-ani 2009-mi ataatsimiinnermini suliaq suliarivaa. Åremålsansættelsemik isumaqatigiissutit naappata atorunnaassapput. Pisariaqartitsineq aallaavigalugu taamaallaat nunaqarfinni åremålsansættelseisooqarsinnaavoq.

Kommunalbestyrelsimut suliaq anngutsinnagu Ilinniartitaanermut ataatsimiititaliaq tusarniaaffigineqassaaq.

Ilinniartitaanermut Kulturimut Sunngiffimmullu ataatsimiititaliami suliap suliarinera

Ilinniartitaanermut Kulturimut Sunngiffimmullu ataatsimiititaliap februaarip 18-ani 2009-mi ataatsimiinnermini suliaq suliarivaa.

Aningaasaqarnermut ataatsimiititaliap aalajangigaa akuersissutigineqarpoq.

**Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

Ukiunut aalajangersimasunut atorfeqarnermut isumaqatigiissutit naappata atorunnaassasut. Pisariaqartitsineq aallaavigalugu taamaallaat nunaqarfinni ukiunut aalajangersimasunut atorfinitsitsisoqarsinnaasoq.

**Aalajangiineq**

Demokratit suliaq kinguardeqqaat illuatungeq tusarniaaffigineqarnissaa pisariaqartimmassuk, sipaarutaasussallu annikeqimmata.

10-t isumaqataapput (Siumut aamma Atassut)

5-t akerliupput (IA aamma demokraatit)

Innersuussutigineqartoq akuersissutigineqarpoq.

**Ilanngussat**

Ilanngussaqaanngilaq

**Imm. 22 Ataatsimiititalianut siulersuisunullu ilaasortanik sinniisussanillu qinersineq pillugu paasisutissiissut**

*Journalnr. 01.03/01.04*

Inatsisartut inatsisaanni nr. 20-mi, 3. november 1994-imeersumi, § 27 malillugu ataatsimiititalianut il.il. marlunnik amerlanerusunilluunniit ilaasortaasussalinnut qinersinermi, ataatsimiititaliat ataasiakkaarlugit taasisut amerlassusii tunngavigalugit agguaassineqassaaq.

Ataatsimiititalianut il.il. borgmesterip pinngitsoorani ilaasortaaffigisassaanut ilaasortaasussanik qinersinermi, qinerseqatigiit amerlassusii tunngavigalugit agguaanermi, borgmesteri qinerseqatigisaanut agguaanermi ilanngullugu naatsorsuineqassaaq (§27 imm. 2).

Qinerseqatigiinnermi qanoq amerlassuseqarneq tunngavigalugu agguaaneq malittarisassat (§27 imm. 4) malillugit d'Hondts-ip agguaariaasia toqqammavigineqassaaq:

Kommunalbestyrelsimut ilaasortat qinerseqatigiittussanut agguarneqassapput, qinersinermilu aalajangersimasumi qinerseqatigiinniit siulittaasumut qinerseqatigiinnertik nalunaarutigissallugu. Qinerseqatigiit amerlassusaat 1-mik, 2-mik, 3-mik il.il. avinneqartassapput. Tamatuma kingorna inernerisigut, qinerseqatigiit kimik toqqaasinnaanerisa tulleriiaarneri paasineqassapput. Inernerit 2 amerlanerusulluunniit naligiippata tulleriiaarneq makitsinikkut aalajangerneqassaaq.

Qinerseqatigiit sinniisuutitassaasa amerlassusissaat aalajangerneqareerpat, qinerseqatigiit kikkut inissarititaminnut sorlernut toqqarsimallugit piaartumik borgmesterimut nalunaarutigissavaat. Qinerseqatigiit arlaata sinniisoqartitsisinnaanertik atorumanngippassuk, inissaalersut qinerseqatigiinnut sinneruttunut siuliani agguaaneq malillugu agguaanneqassapput.

Ikaarsaariarnermi Ataatsimiititaliap apriliip 24-ani 2008-mi inissitsiterluni ataatsminiinnerani taaseqatigiitassallutik nalunaaruteqartut

- Siumut Atassullu ilaasortat katillugit qulit.
- Demokraatit Inuit Ataqtigiillu ilaasortat katillugit tallimat.

Ataatsimiititalianut siulersuisunullu ilaasortanik sinniisussanillu qinersineq marlunnik immikkoortortalerneqarpoq.

**Immikkoortoq A, oqaluuserisassani imm. xx-xx**

Ataatsimiititalianut il.il. toqqaaneq qinersisut amerlassusii tunngavigalugit agguaaneq naapertorlugu.

**Immikkoortoq B, oqaluuserisassani imm. xx-xx**

Ataatsimiititalianut il.il. toqqaaneq, qinersineq amerlanerusuteqarneq tunngavigalugu pissalluni.

## **Imm. 23 Qeqqata Kommuniani qatserisartoqarnermut ataatsimiititaliamut ilaasortassanik toqqaaneq**

### Tunuliaqutaq

Qeqqata Kommuniani qatserisartoqarnermut ataatsimiititaliamut ilaasortassanik toqqaasoqassaaq.

### Malruagassatigut tunngavissaq

Ikuallannaveersaartitsineq qatserinerlu pillugit Inatsisartut peqqussutaat nr. 6, 30. oktober 1992-imeersoq.

§ 2. Kommunip qatserisartoqarnerani kominunalbestyrelsi qullersaasumik siulersuisuussaaq. Nalinginnaasumik siulersuineq ingerlanneqassaaq kommunip qatserisartoqarnermut ataatsimiititaliaanit, taamaattoqli takuuk imm. 4.

*Imm. 2.* Qatserisartoqarnermut ataatsimiititaliaq arfinilinnik ilaasortaqqarpoq, taakkunannga sisamat kommunalbestyrelsimit toqqakkat. Taakkunannga pingasut kommunalbestyrelsimut ilaasortaassapput, ataaserlu kommunimi teknikkikkut ingerlatsivimmi atorfiluussalluni. Qatserisartoqarnermut ataatsimiititaliamut ilaasortaapputtaaq qatserisartoqarnermik nakkutilliisoq, brandinspektøri, ilaasortarlu ataaseq Kalaallit Nunaanni Politimesterimit toqqagaq.

*Imm. 3.* Qatserisartoqarnermut ataatsimiititaliap siulittaasussaa kommunalbestyrelsip toqqassavaa kommunalbestyrelsimut ilaasortat kommunalbestyrelsip toqqagaasa akornannit.

*Imm. 4.* Qinnuteqartoqarnerata kingorna naalakkersuisut akuersaarsinnaavaat siulersuineq kommunimi ataatsimiititaliamit allamit isumagineqassasoq.

### Pissutsit atuuttut

Maniitsup Kommuneani qatserisartoqarnermut ataatsimiititaliaqarnikuuvoq. Sisimiut Kommuneani Teknikkimut avatangiisinullu ataatsimiititaliaq Qatserisartoqarnermut ataatsimiititaliatut ingerlasmalluni.

Qeqqata Kommuniata Sillimaniarnermut aqutsisoqarfik apeqquteqarfigivaa, Qeqqata Kommuniarlariinnik Qatserisartoqarnermut nakkutilliisoqarsinnaanersoq, Sillimaniarnermulli aqutsisoqarfik mail-ikkut februaarip 11-ni 2009-mi akissuteqarnermini tamanna akuersaanngilaa.

### Aningaasaqarnikkut allaffissornikkullu kingunerisinnaasai

Teknikkimut avatangiisinullu ataatsimiititaliaq peqatigitillugu qatserisartoqarnermut ataatsimiititaliaaguni aningaasatigut sipaarutaassaaq. Ilaatigut immikkut toqqakkanik marlunnik ilaasortalimmik, tassa Teknikkimut avatangiisinullu ataatsimiititaliaq tallimanik ilaasortaqqarnermut qatserisartoqarnermulli ataatsimiititaliami ilaasortat pingasut kommunalbestyrelsimeertussaammata. Taamaalluni Teknikkimut avatangiisinullu ataatsimiititaliap ataatsimiineranut atatillugu ataatsimiissinnaassammat.

### Allaffeqarfiup naliliinera

Allaffeqarfik naliliivoq, Teknikkimut avatangiisinullu ataatsimiititaliami ilaasortat aamma Qatserisartoqarnermut ataatsimiititaliami politikkikkut ilaasortaataappata annertuumik ingerlatsinikkut sipaartoqarsinnaassasoq.



Allaffeqarfiulli illuatungaatigut nalilerpaa, Qeqqata Kommuniani qatserisartoqarnermut nakkutilliisoq, taamatullu ataatsimiititaliaq ataasinnaassappat tamanna torrallaanerussanngitsoq. Oqaluuserisassani immikkoortumut allamut innersuussuteqartoqassaaq.

Qatserisartoqarnermut nakkutilliisumut tunngasup iluamik inissinneqarnissaata tungaanut, Aningaasaqarnermut, Teknikkimut Avatangiisinullu pisortaq teknikkimut immikkoortortamit toqqagaasutut inissisimasariaqartoq, imaluunniit teknikkimut avatangiisinullu tunngasutigut allamik toqqaasoqarluni. Taamatuttaaq qatserisartoqarnermut nakkutilliisut marluullutik Qatserisartoqarnermut ataatsimiititaliaq ataatsimiinnerini peqataasariaqarput.

### **Innersuussut**

Allaffeqarfiup kommunalbestyrelsimut akuereqqullugu innersuussutigissavaa,

Teknikkimut Avatangiisinullu ataatsimiititaliami ilaasortat Qeqqata kommunalbestyrelsiata qatserisartoqarnermut ataatsimiititaliatut toqqarneqassasut.

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

Ilanngussaqangilaq

## **Immikkoortoq A**

Ataatsimiititalianut il.il. toqqaaneq qinersisut amerlassusii tunngavigalugit agguaneq naapertorlugu.

### **Imm. 24 Qeqqata Kommuniani qinersinermik siulersuisunut ilaasortanik qinersineq**

Qinersinermik siulersuisoqarnissaq peqqussutaavoq, kommunalbestyrelsinut nunaqarfinnilu aqutsisunut qinersineq pillugu inatsisartut inatsisaanni nr. 10-mi, 31. oktober 1996-imeersumi § 8, imm. 2 naapertorlugu pilersinneqassalluni.

Qinersinermik siulersuisunut ilaasortaasut tassaassapput borgmesteri kommunalbestyrelsimullu ilaasortat sisamat kommunalbestyrelsimit qinerneqartut. Qinersinermik siulersuisunut borgmesteri siulittaasuusaaq.

#### **Aalajangiineq**

Hermann Berthelsen

Alfred Olsen sinniisussaralugu Hans Frederik Olsen

Bitten Heilmann sinniisussaralugu Karl Lyberth

Morten Siegstad sinniisussaralugu Evelyn Frederiksen

Katrine L. Lennert sinniisussaralugu Mimi Karlsen

Bitten Heilmann anivoq aallariartorami.

#### **Ilanngussaq**

Ilanngussaqanngilaq

**Imm. 25 Qeqqata Kommuniani atuisartunut pisisartunullu ataatsimiititaliamut ilaasortanik qinersineq**

Ataatsimiititaliap pilersinnissaa peqqussutaavoq, atuisunut pisisartunullu siunnersuisoqatigiit, tunini-aasarneq, nalunaaqutsersuineq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaanni nr. 10-mi, 13. november 1986-imeersumi § 6 naapertorlugu pilersinneqassalluni.

Ilaasortaasussat marluk (2) kommunalbestyrelsimit toqqarneqassapput, taassumalu aappaa kommunalbestyrelsimut ilaasortaassalluni.

(KNAPK-mi immikkoortortaarfik, SIK-p immikkoortortaarfia, arnat peqatigiiffiat, tamarmik 1-mik ilaasortaataqassapput).

§ 6, imm. 3 naapertorlugu, ilaasortat ataasiakkaarlutik sinniisussaat toqqarneqassapput. Ilaasortaqaq ataaseq sinniisussarlu kommunalbestyrelsimit toqqarneqassapput.

**Aalajangiineq**

Søren Alaufesen sinniisussaralugu Evelyn Frederiksen

Anda Berthelsen sinniisussaa kingusinnerusukkut nalunaarutigineqassaaq. (Makitsinikkut)

Naalackersuisunut Inatsisartunut allakkatigut ilaasortat ajunngitsorsiaqartinneqarsinnaaneri saaffiginnissutigineqassaaq.

**Ilanngussaq**

Ilanngussaqangilaq

**Imm. 26 Sisimiuni Inuussutissarsiuutitigut Siunnersuisoqatigiinnut ilaasortanik qinersineq**

Ilaasortat marluk kommunalbestyrelsimi toqqarneqassapput.

**Aalajangiineq**

Kinguartinneqarpoq.

**Ilanngussaqaq**

Ilanngussaqaqanngilaq

**Imm. 27 Sisimiuni Inuussutissarsiuutitigut Piorsaanermik ataatsimiititaliamut ilaasortanik qinersineq**

Ilaasortat sisamat kommunalbestyrelsimi toqqarneqassapput, partiit aningaasaqarnermut ataatsimiititaliami ilaasortaataqartut sinniisoqartillugit.

**Aalajangiineq**

Kinguartinneqarpoq.

**Ilanngussaqaq**

Ilanngussaqaqanngilaq

**Imm. 28 Sisimiuni Kulturikkut illorsuup Taseraliup siulersuisuinut ilaasortanik qinersineq**

Ilaasortat marluk kommunalbestyrelsimi toqqarneqassapput.

**Aalajangiineq**

Hermann Berthelsen

Agathe Storch (Makitsinikkut)

**Ilanngussaqaq**

Ilanngussaqaqanngilaq

**Imm. 29 Sisimiuni Timersortarfiup siulersuisuinut ilaasortanik qinersineq**

Ilaasortat marluk kommunalbestyrelsimi toqqarneqassapput.

**Aalajangiineq**

Isaias Lennert

Hvidtfeldt Schmidt (Makitsinikkut)

**Ilanngussa**

Ilanngussaqaanngilaq

**Imm. 30 Sisimiuni Katersugaasiviup siulersuisuinut ilaasortanik qinersineq**

Ilaasortat marluk sinniisussallu marluk kommunalbestyrelsimi toqqarneqassapput.

**Aalajangiineq**

Peter Lennert sinniisussaralugu Gerth Lundblad

Aanannuaq Aronsen sinniisussaralugu Isaias Lennert (Makitsinikkut)

**Ilanngussa**

Ilanngussaqaanngilaq

**Imm. 31 Sisimiuni paaqqinnittarfinnut inissitsiterisartunut ilaasortanik qinersineq**

Ilaasortat marluk kommunalbestyrelsimi toqqarneqassapput, taakkunanga ataaseq isumaginninnermi ataatsimiititaliamut ilaasortaassalluni.

**Aalajangiineq**

Alfred Olsen

Seth Markussen

**Ilanngussa**

Ilanngussaqaanngilaq

**Imm. 32 Maniitsup Timersortarfiata siulersuisuinut ilaasortanik qinersineq**

Maniitsup Timersortarfia imminut aningaasatigut ingerlattuvoq, taannalu siulersuisoqarpoq tallimanik ilaasortaqaartumik.

Kommunalbestyreysi toqqaassaaq siulersuisunut ilaasortassanik marlunnik.

Inatsisitigut tunngaviusoq: Timersortarfiit imminnut aningaasatigut ingerlattut pillugit Namminersornerullutik Oqartussat kaajallaasitaat

**Aalajangiineq**

Karl Lyberth

Bitten Heilmann (Makitsinikkut)

**Ilanngussaq**

Ilanngussaqanngilaq

**Imm. 33 Maniitsup Katersortarfiata siulersuisuinut ilaasortanik qinersineq**

Katersortarfiup peqatigiiffiata siunertaraa ataavartumik isersimaartarfilimmik naammaginartumik ataatsimoorfissaqarsinnaaneq oqalugiartitsinermik, ataatsimiiffiunermik, filmertitsinermik, nalliuttorsiornermik naapeqatigiinnernik kiisalu peqatigiiffinnut aningaasarsiorfittut ingerlatsinissaq. Katersortarfik aquneqarpoq siulersuisunik tallimanik ilaasortalimmik, taakkunungalu kommunalbestyrelsip aallartitai marluk ilaalersimapput oqaaseqarsinnaatitaallutillu taaseqataasinnaasut.

**Aalajangiineq**

Kingusinnerusukkut Siumut Atassullu marlunnik toqqaassapput.

**Ilanngussaq**

Ilanngussaqanngilaq

**Imm. 34 Maniitsup Katersugaasiviata siulersuisuinut ilaasortanik qinersineq**

Katersugaasiveqarneq toqqorsiveqarnerlu pillugit Inatsisartut Peqqussutaat nr. 4 ullormi 18. maj 1990-imeersoq malillugu kommunalbestyreysi ilaasortami akornannit inuit pingasut toqqartussaavai, taakkualu sinniisussaasut.

**Aalajangiineq**

Karl Lyberth

Bitten Heilmann

Mimi Karlsen (IA)

**Ilanngussaq**

Ilanngussaqanngilaq

## **Immikkoortoq B**

Qinersinerni amerlanerussuteqarnermik tunngaveqartuni, qineqqusaartoq ilaasortani peqataasuni amerlunerussuteqartunit taaneqartoq, qinigaassaaq. Taamatut amerlanerussuteqarneq anguneqanngippat, qineqqusaartut amerlanerussuteqartut marluk qinerneqassapput. Qinerseqqinnermi amerlaqatigiittoqarpat, makitsinikkut aalajangiisoqassaaq (§ 28, imm. 1).

### **Imm. 35 "Sisorartarfik Sisimiut"-nut kommunalbestyrelsimut ilaasortamik qinersineq**

Ilaasortaqaq ataaseq kommunalbestyrelsimut toqarneqassaaq, malittarisassani § 3 naapertorlugu.

#### **Aalajangiineq**

Svend Åge Olsen

#### **Ilanngussaq**

Ilanngussaqanngilaq

### **Imm. 36 Sisimiuni Innuttaasut Illuata siulersuisuinut ilaasortamik qinersineq**

Ilaasortaqaq ataaseq kommunalbestyrelsip toqqassavaa.

#### **Aalajangiineq**

Thor Kristoffersen (8 isumaqataapput) Siumut Atassullu  
Villads Jensen (5-t isumaqataapput) IA aamma Demokraatit

Thor Kristoffersen qinigaavoq.

#### **Ilanngussaq**

Ilanngussaqanngilaq

### **Imm. 37 Sisimiuni Knud Rasmussenip Højskoleata siulersuisuinut ilaasortamik qinersineq**

Ilaasortaqaq ataaseq kommunalbestyrelsimut toqqarneqassaaq.

#### **Aalajangiineq**

Samuel Akaaraq Olsen tamanit toqqarneqarpoq.

#### **Ilanngussaq**

Ilanngussaqanngilaq

**Imm. 38 Intersolar 2009-mut atatillugu Teknikkimut Avatangiisinullu Ataatsimiititaliap angalanissaanik siunnersuut**

*Journalnr. 03.13.00*

Tunuliaqutaq

2009-mi maajip 27-anit 29-ata tungaanut Munchen-imi seqernup nukinga pillugu takutitsinissamut Intersolar-imut Teknikkimut Avatangiisinullu Ataatsimiititaliap angalanissaanik siunnersuuteqarluni, Teknikkimut Avatangiisinullu Ataatsimiititaliami ilaasortap Morten Seigstad-ip 2009-mi januaarip 19-ianeersutigut allagaqarpoq.

Maleruagassatigut tunngavissaq

Kommunimi ataatsimiititaliat angalanissaannut aningaasat aningaasaqarnermut ataatsimiititaliap akisussaaffiiniittuni konto 10-tigut immikkoortinneqarput.

Pissutsit atuuttut

Qeqqata Kommuuniani ataatsimiititaliat angalanissaannut aningaasanik immikkoortitsisoqarnikuunngilaq, taamaallaalli kommunalbestyrelsip nalinginnaasumik angalanissaanut aningaasanik immikkoortitsisoqarnikuulluni.

Taamaattumik aningaasat immikkoortinneqarsimasut taakku 2009-mi sumut atorneqarnissaanik eqqarsaatigineqarnersut pillugu Teknikkimut Avatangiisinullu ataatsimiititaliaq borgmesterimut saaffiginnissuteqartariaqarpoq.

Aningaasaqarnikkut allaffissornikkullu kingunerisinnaasai

Seqerngup nukinga pillugu Tyskland-imi takutitsinissamut assigisaanulluunniit angalanissami, peqataasussat amerlassusissaat apeqqutaalluni 70.000 kr.-init 100.000 kr.-illu akornanni akeqassanganneqarpoq.

Allaffeqarfiup naliliinera

Paasisassarsiorluni angalanertigut ataatsimiititaliat/kommunalbestyrelsi isummanik nutaanik pissarsiniartarnissaasa pingaaruteqarneranut allaffeqarfik isumaqataavoq. Tamatuma saniatigut angalanerit taamaattut qinigaaffiup aallartisimalernerani pisarnissaat pingaaruteqarpoq, tassuunakkut angalasiimanerit isummat nutaat pissarsiarineqarsimasut politikikkut suliniarnermi atorneqarsinnaaniassammata.

Taamaakkaluartorli allaffeqarfiup nalilerpaa, paasisassarsiorluni angalasoqassagaluarpasut sumut angalagaanni pissarsilluartoqarnerusinnaanera pillugu ataatsimiititaliap eqqartuinissaa pingaaruteqartoq. Pingaartumik Teknikkimut avatangiisinullu ataatsimiititaliap akisussaaffii eqqarsaatigalugit nunanit issittunit allanit ilisimasanik pissarsiniarnissaa kissaatiginassagaluarpasut.

Allaffeqarfiup innersuussutaa

Teknikkimut Avatangiisinullu Ataatsimiititaliamut innersuussutigineqarpoq,

**Intersolar 2009-mut angalanissamik Morten Seigstad-ip siunnersuutaa oqallisigineqassasoq**

2009-mi paasisassarsiorluni angalanissamut, ilaatigut paasisassarsiorluni aalajangersimasumik angalanissamik kissaateqarluni, Teknikkimut avatangiisinullu ataatsimiititaliap siulittaasua borgmesterimut periarfissanik paasiniaalluni saaffiginnissuteqarnissaa akuersissutigineqassasoq



Teknikimut Avatangiisinullu ataatsimiititaliami suliap suliarinera

Teknikkimut Avatangiisinullu ataatsimiititaliap februaarip 3-ani 2009-mi ataatsimiinnermini suliaq suliarivaa.

Ataatsimiititaliap aalajangerpaa, ataatsimiititaliamut soqutiginarsinnaasut pillugit ataatsimiititaliap angalasinnaanissaa pillugu kommunalbestyrelsi saaffigineqassasoq.

**Innersuussut**

Teknikkimut Avatangiisinullu ataatsimiititaliap Kommunalbestyrelsimut innersuussutigaa, ataatsimiititaliap paasisassarsiorluni angalanissaanut periarfissai eqqartorneqassasut.

**Aalajangiineq**

Ataatsimiititaliat paasisassarsiorlutik angalaniarunik siunertaq anguniagaq aningaasartassaalu ilanngullugit Aningaasaqarnermut ataatsimiititaliamut qinnuteqartoqarsinnaasooq ammaffigineqassaaq.

**Ilanngussaq**

1. Morten Siegstad-ip Teknikkimut Avatangiisinullu Ataatsimiititaliamut 2009-mi januaarip 19-ianeersutigut allagai.

### **Imm. 39 Qeqqata Kommuniani illoqarfiit ikinngutigisat**

*Journalnr. 00.07.01*

#### Tunuliaqutaq

Maniitsup Sisimiullu kommunii tamarnik immikkut illoqarfinnik ikinnguteqarnikuupput. Illoqarfittut ikinnguteqarnermi isumaqatigiissutit ukiunik sisamaniit 17-it angullugit pisoqaassuseqarput, taamaammat nutaanik siunissamilu illoqarfinnik sorlernik qanorlu amerlatigisunik isumaqatigiissuteqarnissaq pisariaqarluni. Qeqqata Kommuniatut ikaarsaariarneq illoqarfinnik ikinnguteqarnermi eqqarsariaqqinnissamut peqatigitillugu periarfissaavoq.

#### Maleruagassatigut tunngavissat

Illoqarfittut ikinnguteqarnermi isumaqatigiissutit pioreersut kiisalu ikinngutigiilernissaamik isumaqatigiissutissatut siunnersuutit Albertslund-ip (1991-miit), Skagen-ip (1998-imiit), Iqaluit (2001-miit), Qaanaap (2003-miit) Tjukotka-p (ukiua allassimangitsoq).

#### Pissutsit atuuttut

Sisimiut Maniitsullu kommunii tulliuttut illoqarfittut ikinngutigineqarput:

#### *Sisimiut*

Albertslund (DK)

Skagen (DK)

Klaksvik (FO)

Qaanaq (KN)

Iqaluit (Nunavut)

#### *Maniitsup*

Esbjerg (DK)

Fjordabygd (IS)

Tamakku saniatigut Burlington-imiit Vermont-imi USA-miittumi suleqatigiinnissamik Burlington-illu illoqarfittut ikinngutiginnissamik apeqquteqaat pigineqarpoq, tassa illoqarfiup ilinniartitaaneq, takornariaqarneq imminullu nammassinnaaneq pingaartitarimmagit.

Siusinnerusukkut Sisimiut Kommuneat eqqarsaatigalugu aamma Tjukotka-mik isumaqatigiissutissaq naammassineqanngitsoq pigineqarpoq.

Siusinnerusukkut Sisimiut Maniitsullu illoqarfittut ikinngutiminnik suleqateqarneri assigiinngitso-rujussuarnik aallaavilimmik ingerlanneqarsimapput, taamatullumi isumaqatigiissutitigut assigiinngitsuullutik. Suleqatigiinnerillu tikeraaqatigiittanerillu ukiorpasuaruani atuussimasunik atuutinngit-sunillu isumaqatigiissutinik toqqammaveqarsimammata, nutaanik isumaqatigiissusiornissaq pisari-aqarpoq, Qeqqata Kommuniata siunissami anguniagaanut peqatigitillugulu naleqqussagaasunik.

Kommunit aqqissuuteqqinnerisa atuutilernerisalu kingorna, Sermersooq, Kujalleq Qaasuitsullu Kommunii nalunaarput, illoqarfittut ikinnguteqarnerit iluarsiiffinissaa suli iluamik sammineqanngitsoq, taamaattumillu Kalaallit Nunaanni qanitatsinniit misilittakkanik pissarsisinnaanata.

Kommunit aaqqissuuteqqinneqarneri eqqarsaatigalugit Danmark-imut isiginiaraanni, assiliaq assigiinngitsorujussuorinarpoq. Kommunit ilaasa isumaqatigiissutitoqqatik kommunimut nutaamut nuuinnaarsimavaat (ilaatigut Aalborg-imi 33-it aamma Vordingborg-imi 17-it) allalli kommunit (ilaatigut Lolland aamma Faxe) suleqatigiinnerit ikinnerusunut pitsaanerusunngorlugillu iluarsii- gisimallugit imaluunniit illoqarfimmik ikinnguteqarnerit atorunaartivissimallugit.

Pingaannersiuilluni isigigaanni Danmark-imi ingerlaqgeriarnertigut ikilisaanerit pisimapput, nunalu tamakkerlugu ullumikkut illoqarfittut ikinngutigiinnerit 507-upput siusinersukkut 900-simagaluit, procentinngorlugu 44 procentinik appariaateqarluni.

#### Aningaasaqarnikkut allaffissornikkullu kingunerisinnaasai

Kommuunerujussuarmut illoqafiit arfineq-marluk ikinngutiginerisa ingerlateqqinnissaat aningaasa- qarnikkut kinguneqartussaannilaq.

Illoqarfinnilli ikinnguteqarnerup amerlassusiisa ilaneqarnissaat angalanikkut allaffissornikkullu aningaasartuutitigut annertuseriaateqassalluni, tassa illoqarfinnik tillimanik marlunnillu suleqati- giinnerit isiginiassagaanni. Taama isiginiarneq suleqatigiinnertigut ataasiakkaatigut qanoq angusa- qarnissamik eqqarsaatersuutitut sanilliunneqassaaq. Tassami isumaqatigiissutitut ataasiakkaanut aningaasartuutit ilaatigut sulisunik paarlaaseqatigiinnerigut, atuarfiit pillugit isumaqatigiissutitigut, kulturikkut pisussatigut assigisaatigullu aaqqissuussinertigut iluaqutissartaqarsinnaammata.

#### Allaffeqarfiup naliliinera

Isumaqatigiissutit ikilinerisigut ilassinninnikkut angalanikkullu aningaasartuutitigut sipaarutqarto- qarsinnaagunarpoq, taamali annikillilerinerit illuatungaatigut kommunip avammut attaveqarniarne- ratigut sunniuteqarsinnaallutik.

Taamaalilluni isumaqatigiissuteqarneq atuarfeqarnermut tunngasuutinneqarsinnaavoq, pisumiit pisumut taamaallaat atorneqartarluni, isumaqatigiissutillu atorunnaarnissaa pisariaqarsorinarani. Isumaqatigiissutit allat imartunerupput taamaalillutillu kulturikkut, aningaasaqarnikkut allaffissor- nikkullu sunniuteqarsinnaanerullutik.

Taperserluguli innersuussutigineqassaaq, illoqarfittut ikinngutit katillugit ikilisinneqarnissaat, taamaalillunilu suleqatigiissutissatigut tulliuttutitigut piffissamik nukinnillu atuiniarnerunissaq:

- Fjardabygd (IS)* – alumiiniumik aatiteriffeqarfilik
- Klaksvik (FO)* – nukissiorfeqarnikkut imminullu nammassinnaanermik suleqatigiiffiusoq
- Iqaluit (CA)* – amerika-mi avannarlermi Inunnik kulturikkut inuiaqatigiinnillu ineriartortitsi- nermik suleqatigiinnissami periarfissaqarfiusoq.
- Esbjerg (DK)* – inuutissarsiutitigut suleqatigiinnikkut pingaaruteqartuusooq
- Albertslund (DK)* – atuarfeqarnikkut kulturimullu tunngasutigut annertuutitigut psoqarfiusoq

Taama aaqqissuussinikkut Amerika-p Avannaani, Atlanterhave-p sineriaani kiisalu Danmark-imi suleqatigiinnertigut periarfissaqalissaaq. Imalu isumaqarnarluni, kommunip kulturimut tunngasut annertunerusumik misilittagaqarfibilissagai ajornaannerusumillu tamatumani illoqarfinnik ineriartortitsinikkut periarfissat ammaatissallugit.

**Innersuussut**

Siusinnerusukkut suleqatigiissutaasimasut siunnersuutaasimasullu tunngavigalugit Qeqqata Kommuniani kommunalbestyrelsimut innersuussutigineqassaaq

Kommunip siunissami illoqarfittut ikinngutissaatut kissaatigisaasa amerlassusissaat aalajangersaavigeq**qullugu**.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Illoqarfittut ikinngutissatut siunnersuutit pioreersullu takussutissartaat.

**Imm. 40 10-40-50 aqputigalugu attartortitsisarnermi akuerinnikkallartarnerit pillugit tunngaviusumik isummerneq**

*Journaler. 06.15.10*

Tunuliaqutaq

Qeqqata Kommuniani kommunitoqaasimasut aqputigalugit 10-40-50 aqputigalugu illuliornissat akuersissutigisarpai, tamatumani Namminersornerullutik Oqartussat pisuni pingasuni politikikkut allatut isummersimalluni, tassa periusissat malillugit allaffissornikkut nalilersuinerit allannerusumik.

Suliat tunngaviusussaammata kommunillu 10-40-50 aqputigalugu attartortitsinissamik akuersisarnerini tunngavissiusussaammata, taakku aningaasaqarnermut ataatsimiititaliamut kommunalbestyrelsimullu saqqumiunneqassapput.

Maleruagassatigut tunngavissat

Illuliortiternernut aningaasalersuineq (10-40-50-mik aqqiineq) pillugu Inatsisartut peqqussutaat siulleq nr. 4, 30. oktober 1998-imeersoq, Inatsisartut peqqussutaatigut nr. 1, 21. maj 2002-meersukut allangortinneqarpoq, taamatullu aamma Inatsisartut peqqussutaatigut nr. 5, 15. april 2003-meersukut allangorteqqinneqarluni kiisalu Illuliortiternernut aningaasalersuineq pillugu Inatsisartut inatsisaannik nr. 1, 7. maj 2007-imeersukut taarserneqavilluni.

Peqqussutit assigiinngitsut pineqartut eqqarsaatigalugit, **piginnittut nikinnerini** pillugit tulluuttut aalajangersagaapput:

Inatsisartut peqqussutaanni nr. 1, 21. maj 2002-meersumi ilaatigut takuneqarsinnaalluni:

**5. § 5-mi imm. 5-itut** ikkunneqassaaq:

"Imm. 5. Taarsigassarsiat akilerneqartassanngillat, sanaartukkap naammassineranut atasumik piginnittut nikikkaangata"

Inatsisartut peqqussutaanni nr. 5, 15. april 2003-meersumi ilaatigut takuneqarsinnaalluni:

**2. § 5, imm. 3** ima oqaasertaqassaaq:

"Imm. 3. Taarsigassarsisitsisoq allatut aalajangiinngippat piginnittut nikinnerini taarsigassarsiat taarserneqartassapput,

Inatsisartut peqqusstaanni nr. 1, 7. maj 2007-meersumi ullumikkut atuuttutmi ilaatigut tulluuttumi takuneqarsinnaavoq

**§ 8. § 4, imm. 1** naapertorlugu taarsigassarsiaritit piginnittut nikinneranni akiligassanngortinneqassanngillat.

Inatsisartut peqqussutaanni nr. 1, 7. maj 2007-meersumi **tunniussinissamut angissusiliinermullu** atatillugu takuneqarsinnaalluni:

**§ 22. Imm. 2.** Taarsigassarsiat inaarutaasumik annertussusissaat sanaartornermut naatsorsuutit inaarutaasumik akuerisat tunngavigalugit naatsorsorneqassapput.

Inatsisartut peqqussutaanni nr. 1, 7. maj 2007-meersumi attartukkanik **angissusiliinermut** atatillugutakuneqarsinnaalluni:

**§ 25. §§ 4-mi aamma 10-mi** aalajangersakkat taarsigassarsinissamik neriorsuutitut, peqqussutit atuutilinnginnerani tunniunneqarsimasunut atuutissanngilaq.

Inatsisartut peqqussutaanni nr. 1, 21. maj 2002-meersumi takuneqarsinnaavoq:

2. § 2 imatut oqaasertaqassasoq:

"§ 2. § 1, imm. 1 naapertorlugu illuliorititernermut taarsigassarsitsisoqarsinnaavoq illup qanoq angitiginera apeqqutaatinnagu annertunerpaamik illup tunngavissaata 105 kvadratmeterianut, aammalu imm. 3 aamma 4 naapertorlugit sananeqarnerani aningaasartuutitut tamarmiusunut amerlanerpaamik kvadratmeterimut 13.500 kr.-inut.

#### Pissutsit atuuttut

Suliami **1-mi** Sisimiuni entreprenøre juunip 2-ani 2006-imi 10-40-50 aqqutigalugu 22-nik inissiali-orniarnernanut atatillugu attartortinnissaa akuersaarneqarsimavoq. Januaarip 18-ni 2007-imi entreprenørip kissaatigisimavaa, 22-nik inissialiornissamini attartortitaanissaminik akuersaarnermi inissianit pineqartunit inissiat 16-it akuersissutaanerat piginneqatgiiffimmut allamut tunniussinnaassagini, tassa entreprenørip sanaartornissaminik isumaqatigiissut piginneqatigiiffimmut tassunga tunisimagamiuk.

Taamanikkut Sisimiut Kommuneata piginnittut aatsaat sanaartukkap naammassineranut atatillugu piginnittut nikissinnaanerat pisinnaammat piginnittut itigartitsissutigivaa. Peqatigitillugulu Sisimiut Kommuneata inissianut pineqartunut 16-inut attartornissamik qinnuteqartoqarnissaa kissaatigalugu. Entreprenørilla decembarip 9-ani 2008-mi kommunip piginneqatigiiffimmut pineqartumut allamut akuersissut tunniussimanera apeqqutigalugu.

Qeqqata Kommuniata Namminersornerullutik Oqartussat tamatumani qanoq isumaqarnerat paasi-niarsimavaa.

Namminersornerullutik Oqartussat februarip 3-ani 2009-mi tulliuttutut akissuteqarput, "Namminersornerullutik Oqartussat Akiani inissianut 16-inut (22-usunit) akuersissut maajimili 2007-imi allamut tunniussimagaat".

Suliami **2-mi** Sisimiuni entreprenøri 10-40-50 aqqutigalugu arfineq-pingasunik inissialiorniarnernanut atatillugu attartornissaa akuersaarneqarsimavoq, sanaartornerulli naammassinerani naatsorsuuti-nik tunniussisimanani. Entreprenørip inissiat tunisimagai entreprenørip inatsisilerituuata nalunaa-rutigivaa, taamaattumillu naatsorsuusiornissani kissaatiginnikkaa. Inatsisileritoorlu isumaqarluni tamanna inatsisinut naapertuuttoq.

Qeqqata Kommuniata Namminersornerullutik Oqartussat tamatumani qanoq isumaqarnerat paasi-niarsimavaa.

Namminersornerullutik Oqartussat februarip 3-ani 2009-mi tulliuttutut akissuteqarput, "Illuutitut Upalungaarsimanermullu Aqutsisoqarfik isumaqartoq, naatsorsuutit tunniussisoqangikkaluaq attartugassat tunniunneqarsinnaasut, tunisinermi akigititaq tamatumunnga taarsiullugu pigineqarpat".

Suliami **3-mi** Maniitsumi aappariit 2006-imi 10-40-50 aqqutigalugu illuliorniarnernanut atatillugu 179.117 koruuninik attartornissaat akuersaarneqarsimavoq. Inaarutaasumik naatsorsuutit takutip-paat, 283.500 koruuninik attartorsimasinnaagaluit.

Qeqqata Kommuniata Namminersornerullutik Oqartussat tamatumani qanoq isumaqarnerat paasi-niarsimavaa.

Namminersornerullutik Oqartussat februaarip 4-ni 2009-mi tulluuttut akissuteqarput, ”Qinnuteqar-toq nutaamik illuliornissaminut illulluunniit iluarsartuunnissaanut qinnuteqarpat, attartorsinnaasati-gullu periarfissat tamakkiisumik atorneqarsimangippata, qinnuteqaallu tunngavigalugu attartornis-saanik akuerineqarsimalluni, kingusinnerusukkullu illuliaq iluarsartuussinerluunniit naatsorsuutigi-samik akisunerulersimappat attartugassamilu qaffannissat qinnutigippagu, Namminersornerullutik Oqartussat attartukkat qaffasinnerpaafissamut qaffannissat tunngaviusumik akuerigajuttarpaa.”.

#### Aningaasaqarnikkut allaffissornikkullu kingunerisinnaasai

Suliaq 3 kisimi Qeqqata Kommunanut aningaasaqarnikkut sunniuteqassaaq.

Ilaatigut attartugassatut akuersaagaasimasut annerpaaffissallu assigiinngissutaat 104.383 koruuniu-voq. Maniitsumili 10-40-50 aqputigalugu aningaasaliissutaasimasutigut matussutissaqarluni.

Ilaatigut siunissami imaattoqalissaaq, Qeqqata Kommunia attartorsinnaasat annerpaaffissaat aallaa-vigalugu qinnuteqaataasut aallaaviginagit missingersuusiortoqartalertariaqassasoq.

#### Allaffeqarfiup naliliinera

Allaffeqarfik isumaqarpoq, Qeqqata Kommuniata Namminersornerullutik Oqartussat 10-40-50 aqputigalugu piginneqatigiilluni illuliortiternerni aalajangiinerat malittariaqaraa. Innuttaasut pisortaniit assigiimmik sullinneqartariaqarput, Qeqqatalu Kommuniata kommunalbestyrelsip innuttaasunik kiffartuussinerup pitsaanerulernissaa siunertaralugu.

Aammattaaq allaffeqarfik isumaqarpoq, illuliortiternermut aningaasaliissuteqartarnerup eqaanneru-sumik ingerlariuseqarnissaa pissusissamisussasoq. Tamatumuuna innuttaasut namminneq pigisas-saminnik illuliortiternissaanut kajumissaataassaaq, kiisalu nalinginnaasumik illuliortiterneq taama-tullu 10-40-50 aqputigalugu namminerisamik illuliortiterneq teknikkimut avatangiisinullu ataatsi-miititaliap tulleriaarinermini pingaartillugit inissisimatillugit.

#### Allaffeqarfiup innersuussutai

Allaffeqarfiup siunnersuutigissavaa, aningaasaqarnermut ataatsimiititaliap kommunalbestyrelsimut akuereqqullugit innersuussutigissagai,

Qeqqata Kommuniata 10-40-50 aqputigalugu attartukkat piginnittut nikinnerini inuinnat akornini nikinneqarsinnaatissagaat, tassa Inatsisartut peqqussutaat massakut atuuttoq sioqqullugu attartuk-kat akiligassanngortinngikkaluarlugit (suliaq 1)

Qeqqata Kommuniata 10-40-50 aqputigalugu attartugassatut akuersaakkat tunisinermi akeq tunnga-vigalugu sanaartornermi naatsorsuutit kisiisa tunngaviginagit tunniunneqarsinnaatissagai (suliaq 2)

Qeqqata Kommuniata aallaavittut 10-40-50 aqputigalugu attartugassat qaffasinneraat tunniuttas-sagaa, annikinnerusumilluunniit attartornissaaq qinnuteqaataasimagaluarpat (suliaq 3)

#### Aningaasaqarnermut ataatsimiititaliap suliamik suliaqarnera

Aningaasaqarnermut ataatsimiititaliap februaarip 10-ani 2009-mi ataatsimiinnerani oqaasiinnakkut tusarniaavigineqarpoq, tamatumani borgmesteri allaffeqarfiup allaganngorlugu innersuussutiginia-gaanut akuersissuteqarsinnaanissaanik pisinnaatinneqarluni.

### **Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissa-vai,

Qeqqata Kommuniata 10-40-50 aqutigalugu attartukkat piginnittut nikinnerini inuinnaat akornini nikinneqarsinnaatiss**sagaat**, tassa Inatsisartut peqqussutaat massakkut atuuttoq sioqqullugu attartukkat akiligassanngortinngikkaluarlugit (suliaq 1)

Qeqqata Kommuniata 10-40-50 aqutigalugu attartugassatut akuersaakkat tunisinermi akeq tunngavigalugu sanaartornermi naatsorsuutit kisiisa tunngaviginagit tunniunneqarsinnaatiss**sagai** (suliaq 2)

Qeqqata Kommuniata aallaavittut 10-40-50 aqutigalugu attartugassat qaffasinneraat tunniuttas**sagaa**, annikinnerusumilluunniit attartornissaq qinnuteqaataasimagaluarpat (suliaq 3)

### **Aalajangiineq**

Innersuussutineqartoq akuersissutigineqarpoq.

### **Ilanngussaq**

Ilanngussaqanngilaq



**Imm. 41 Qeqqata Kommuniani ilaqutariinnut illut ataasiakkaat affarleriillu tuniniarneri, taamatullu kommunip ilaqutariinnut arlalinnut inissiaataasa namminerisamik inissiatut tiguneqartarneri**

*Journalnr. 09.08*

Tunuliaqutaq

Kommunit marluusut Qeqqata Kommunianut kattunnerannut atatillugu, kommunip ilaqutariinnut illuutaasa tuniniarneri ingerlatiinnarneqassanersoq, taamatullu illuutit tamakku qimanneqarnerinut atatillugu akisunerpaamik akileerusuttunut tunineqartassanersut isummerfigineqartariaqarpoq.

Tamatuma saniatigut A/S Inissiaatileqatigiiffik INI attartortikkani B-1364 Umiivitsiaq, 3911 Sisimiut najugalimmit saaffigineqarsimalluni, tassa inissiaq attartukkani nammineq pigisatut inissiaatigilerusullugu saaffiginnissutaa, taamaattumillu aamma B-1364, Umiivitsiami, 3911 Sisimiut inissiat namminerisamik inissiaatinngorlugit tunineqassanersut Qeqqata Kommuniani kommunalbestyrelsis isummerfigisariaqarlugu.

Maleruagassatigut tunngavissaq

Namminersornerullutik Oqartussat kommunillu inissiaataannik attartortittakkanik inissiatut imaluunniit illutut nammineq pigisatut tiguisarneq pillugu Inatsisartut peqqussutaat nr. 12, 19. november 2007-imeersoq.

Peqqussut taamaallaat inissianut attartortikkanut atuuttuvoq, tamakku namminerisamik inissiaatit illuutitulluunniit tiguneqarnissaat kommunalbestyrelsis aalajangiiffigisimappagu. Kommunip inissiaatai attartortittakkat namminerisatut tiguneqarsinnaapput, tassa inissiaqarfik inissianik ataaseq sinnerlugu inimik attartortitsiffiuppat kiisalu illutullu illumik ataatsimik attartortitsiffiulluni.

Maleruagassat naapertorlugit, kommunimip inissianik attartortitsinerani inissiaq illuluunniit attartukkani namminerisatut tiguniarlugu qinnutigisinnaavaa. Qinnuteqaat Namminersornerullutik Oqartussanut kommunalbestyrelsimulluunniit nassiunneqassaaq, tamatumani pineqartup akiligassat sinnerisa akilersorsinnaanerit pillugu aningaaserivimmiit oqaaseqaat qilersuisuunngitsoq ilanngullugu.

Inissiamik illumilluunniit attartukkamik tigusinissamik qinnuteqaat akuerineqarpat, kommunip qinnuteqartumut tulliuttut nassiutissavai:

- 1) Qinnuteqartup inissiamik attartortittakkamik najukkaminik namminerisatut tiguisinnaaneranut allakkatigut neqeroorut.
- 2) Inissiap nammineq pigisap sananeqarneranut nassuiaatinut paasissutissat.
- 3) Illup nammineq pigisap niuernermit nalinganut paasissutissat.
- 4) Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tiguserup kingorna illumut nammineq pigisamut attuumassuteqartutut nalilerneqartut pillugit paasissutissat.

Tigusinissamik kommunip allakkatigut neqerooruteqarnerata kingorna kingusinnerpaamik qaammatit pingasut qaangiutsinnagit akuerineqarsimassaaq.

Inissiap attartukkap tigunissaanik qinnuteqaat akuerineqariarpat, kommunip inissiaatit attartortitat namminerisallu immikkoortitissavai, taamatullu qinnuteqartoq piginnittut peqatigiiffiornerani kiisalu piginnittut peqatigiiffita maleruagassiornerani ikiorlugu. Inissiat attartortittakkat qanoq immikkoortiternissaannut Naalakkersuisut najoqqutassamik maleruagassiorsinnaapput, tamatumani nalunaarsuinerit immikkullu piginnittumut piumasarisat ilanngullugit.

Attartortittakkanik inissiaatit nammineq pigisanut immikkoortiterneqareeriarpata, tulliuttut kommunip qinnuteqartumut nassiutissavai:

- Piginnittut peqatigiiffiat pillugu paasissutissat aamma malittarisassat assilineri.
- Tunisinissamut tamakkiisumut pilersaarussiaq, inissiami nammineq pigisami agguaqatigiisitsinissamut kisitsisitalik.
- Inissiap nammineq pigisap sananeqarneranut nassuiaatinut paasissutissat.
- Inissiap nammineq pigisap niuernermi nalinganut paasissutissat.
- Najugaqarfimmi imaluunniit ingerlatsinermut aserfallatsaaliuinemullu immikkoortortami, inis-siap attartortittakkap attuumassuteqarfigisaani ukiumi pineqartumi ingerlatsinermut missinger-suutit.
- Najugaqarfimmi imaluunniit ingerlatsinermut aserfallatsaaliuinemullu immikkoortortami, inis-siap attartortittakkap attuumassuteqarfigisaani naatsorsuutit akuerisat kingulliit.
- Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tiguserup kingorna inissianut nammineq pigisanut attuumassuteqartussatut nalilerneqartut pillugit paasissutissat.

Inissiaqarfik nammineq pigisanut immikkoortiterneqareeriarpat, tulliuttut kommunip inissiaqarfimmi attartortunut sinneruttunut nassiutissavai:

- 1) Inissiaq attartugartik nammineq pigisamittut tigusinnaagaat.
- 2) Piginneqatigiit peqatigiiffiat pillugu paasissutissat maleruagassarissallu assilinerat.

Attartortup attartukkaminik nammineq pigisamittut tigusinissaminik periarfissamik atuerusunngit-sup, periarfissarissavai:

- 1) Inissiaqarfimmi attartortutut najugaqaannarnissani.
- 2) Illoqarfimmi pineqartumi inissiamik allamik attartorsinnaasaanik neqeroorfigineqarneq, tamatumani inissiamik attartorsinnaanermik peqqussut periarfissaqartitsippat.

Inimut attartukkamut attartornermik ingerlatsiinnartussap akiliutissaa, taama attartornermi akiliutissap nalinginnaasumik naatsorsorneqartarneranut malittarisassat naapertorlugit aalajangiiffineqarsaaq. Piginneqatigiit peqatigiiffiata eqqissimasumik torersumillu najugaqarnissaaq pillugit namminerisaminnik inissiaanut immikkortitanut maleruagassai attartornermik ingerlatsiinnartussap pinngitsoorani maleruassavai. Inimik attartortup namminerisatut piginnittunngorsinnaaneq pillugu periarfissanik ilisimatinneqarsimasup, qanoq ilisukkulluunniit periarfissaq taanna atorsinnaavaa, tassa inimik allamik attartornissaminik neqeroorutaasimasumik akuersisimangikkuni.

Inissiani namminerisatut pigisatut immikkoortinneqarsimasuni, kommunip pigisaanik inimik attartorneq taamaatinneqarpat, taannalu inissiatut attartortitsisarneq pillugu peqqussut naapertorlugu attartortinneqangippat, attartortittagaq pineqartoq kommunip tamanut ammasumik tuniniarsinnaavaa. Aningaasartuutit pisinermut tunngassutillit tamaasa pisisup akiligassarissavai.

Inip attartortittakap tuninerani akeq, tassa namminerisatut inissiaatigilernissaa illuutigilernissaa luunniit kissaatigineqarpat, nalinginnaasumik tunisinermi akigitat naapertorlugit aalajangerneqassaaq. Inissiani attartortittakkani attartortut, init pingasut amerlanerilluunniit pineqartillugit, tuninerani procentinngorlugu akikillisaaffigineqassapput, tamatumani qanoq sivistigisumik attartortuusimaneq tunngavigalugu. Taama akikillisaaneq procentinngorlugit aaqqinneqaraluarluni akit tulliuuttut qummut qaangersinnaanngilai:

- ataatsimik marlunnillu initallit: 225.000 koruunit.
- Pingasunik initallit: 335.000 koruunit.
- Sisamanik initallit: 445.000 koruunit.
- Tallimanik initallit: 555.000 koruunit.
- Arfinilinnik amerlanerusunilluunniit initallit: 665.000 koruunit.

Attartortitsisup attartortittagaani qanoq sivistigisumik attartortuusimaneq tunngavigalugu naatsorsorneqassaaq. Tamatumani ininik assigiinngitsunik attartorsimaneq inillu attartukkat sumiiffimmi ataatsimiissimanersut apeqqutaatinneqassanngilaq. Inimik immikkoortiterinermi tigusinissamilu aningaasartuutissat tamanut akiliutissat, tamatumani naliliinerit, siunnersuinerit, inatsisilerituumut akiliutit naqitsinermullu akiliutit ilanngullugit, tunisinermi akigititamut 50.000 koruunit tapiliunneqassapput.

Inissiamut namminerisamat aningaasat nalingisa nikerarnerannut, tassa tunisinermi akikilliliissutip angeqataa, qularnaveeqqusiissut kommunip nalunaarsuivimmu ikkutissava. Kommunip aningaasat nalingisa nikerarnerannut qularnaveeqqusiissutitut 50.000 koruuninik appasinnerit nalunaarsuiffimmut ikkuttassanngilai. Aningaasat nalingisa nikerarnerannut qularnaveeqqusiissutit tulleriaarinermi Namminersornerullutik Oqartussanit kommunimiilluunniit attartukkanit tullinngorlutik inissitaassapput. Aningaasat nalingisa nikerarnerannut qularnaveeqqusiissutit ukiunut qulinut akilersugassatut aaqqitaassapput, ukiut tamaasa quleraarterutaat akilerneqartassalluni, akilersuinerlu naammasseriarpap nalunaarsuutinit peerneqassallutik. Akiitsut appariartuaarneri ullormit tigusinermit aallartissaaq. Aningaasat nalingisa nikerarnerannut qularnaveeqqusiissutit allamik piginnittoqarlernera-tigut akilerneqartussanngussapput, tamatumani toquqqut qimagunnermi, averusernermi avinnermilu piginnittunngornerit pinnagit.

Naalakkersuisut aningaasat nalingisa nikerarnerannut qularnaveeqqusiissutit isumakkeerinnissutaasinnaanerinut malittarisassiuussisinnaapput.

Attartortup inimik illumilluunniit attartukkaminik piginnittunngorneranut atatillugu, attartortoq tunisinermi akigitat 40 procentii angullugit kommunimiit attartornissani piumasarisinnaavaa. Tunisinermi akip sinneranut kommuni aningaasaliissuteqarsinnaanngilaq. Attartukkat ukiunut 20-nut erniaqanngitsumik akiliutitaqanngitsumillu attartugaassapput, tamatumalu kingorna taarsigassarsianik akilersueriaaseq (annuitedslån) atorlugu ukiuni 15-ini akilersugassassallutik, ukiumut Natio-nalbankip erniarititaa procentinik pingasunik ilallugu ernialersugassanik.

#### Pissutsit atuuttut

Sisimiut Kommuneata kommunalbestyrelsiani septembarip 24-ni 2002-mi tunngaviummik aalajangiineratigut kiisalu aningaasaqarnermut ataatsimiititaliaata septembarip 10-ani 2004-mi aalajangiineratigut, ilaqutariinnut ataasiakkaanut illut affarleriillu attartorneqarunnaartullu attartortuunermit piginnittuunermit periuseq naapertorlugu akisunerpaamik neqeroorutilimmut tuniniar-neri aallartinneqarnikuupput.

Maniitsup Kommunea 2006-imi aalajangiivoq, ilaqutariinnut illut attartortuunermiit piginnittuunermut periuseq naapertorugu akisunerpaamik neqeroorutilimmut tuniniarneri aallartinneqarnikuupput.

Kommunit marluusut Qeqqata Kommunianut kattunnerannut atatillugu, taama ingerlatsineq ingerlatiinnarneqassanersoq isummerfigisariaqalernikuuvoq.

A/S Inissiaatileqatigiiffik INI attartortikkani B-1364 Umiivitsiaq, 3911 Sisimiut najugalimmit saaffiginnissummik tigusaqarsimavoq, tassa inissiaq attartukkani nammineq pigisatut inissiaatigilerusullugu saaffiginnissutaa, taamaattumillu aamma Qeqqata Kommuniani kommunalbestyrelsip B-1364, Umiivitsiami, 3911 Sisimiut inissiat namminerisamik inissiatinngorlugit tunineqassanersut isummerfigisariaqarlugu.

#### Aningaasaqarnikkut allaffissornikkullu kingunerisinnaasai

Illugisap attartorneraniit pigilerneranut allanngortitsinerup Qeqqata Kommuniani allaffissornikkut kingunerissavai, kommunalbestyrelsimut saqqummiussassamik suliaqarneq, taamatullu pisisussa-mik allakkatigut attaveqarneq kiisalu allakkatigut tulluuttutigut imalimmik neqeroorusiornissaq

- Inissiap nammineq pigisap sananeqarneranut nassuiaatinut paasissutissat.
- Illup nammineq pigisap niuernermininganut paasissutissat.
- Akiligassat imaluunniit piginnittunut immikkut ittumik piumasarisat nalunaarsorneqarsimasinnaasut, tiguserup kingorna illumut nammineq pigisamut attuumassuteqartutut nalilerneqartut pillugit paasissutissat.

#### Pinngitsoorani piumasaqaatit

- Inissiap sananeqarneranut nassuiaat.
- Tunisinermi akip naatsorsornera.
- Akiitsunut tunngasut nalunaarsorneri.
- Piginnittunngornermi allagartap suliarinera.

Inissiat attartorneraniit pigilerneranut allanngortitsinerup Qeqqata Kommuniani allaffissornikkut kingunerissavai, kommunalbestyrelsimut saqqummiussassamik suliaqarneq, taamatullu pisisus-samik allakkatigut attaveqarneq kiisalu allakkatigut tulluuttutigut imalimmik neqeroorusiornissaq Tunisinissamut tunngatillugu siunnersuutip suliarinerani, tulluuttut ilanngunneqassapput

- Inissiap sananeqarneranut nassuiaat, nutarterneqassappallu akissaa.
- Aningaasartuutitut ataatsimoortunut agguaatissaq, atuisunut tunisinermi.
- Tunisinermik akimut paasissutissat: nalinginnaasumik akigititaq aningaasartuutit ilanngullugit najugaqarsimanermilu akikilliliissut ilanngaatilugulu.
- Piginneqatigiinnermut paasissutissat, maleruagassat, akiitsunut tunngasut, piginnittumut immikkut piumasarisat.
- Ukiumut pineqartumut ingerlatsinikkut najugaqarfimmumut inissiaqarfiusumut missingersuutit.
- Inissiaqarfimmumut najugaqarfiusumut naatsorsuutit akuerisaasut kingulliit, tassa nammineq pigisatut inissiaqarfiusup.

Pinngitsoorani piumasaqaatit

- Inissiap sananeqarneranut nassuiaat.
- Najugaqarfiup nammineq inissiaatinut immikkoortiternera.
- Tunisinermi akip naatsorsornera.
- Piginneqatigiiffiup pilersinneqarnera.
- Maleruagassat suliarineri.
- Akiitsunut tunngasut nalunaarusiorneri.
- Akiitsunut tunngasut nalunaarsorneri.
- Piginnittuunermut allagartap suliarinera.

Inimik immikkoortiterinermi tigusinissamilu aningaasartuutissat tamanut akiliutissatut, tamatumani naliliinerit, siunnersuinerit, inatsisilerituumut akiliutit naqitsinermullu akiliutit ilanngullugit, tunisinermi akigititamut 50.000 koruunit tapiliunneqassapput. A/S Inissaatileqatigiiffiup INI-p soqutigisarivaa pisussaaffigalugulu tunisinissamut akigitinniakkap piumasaqaatillu sularinissaat.

Qeqqata Kommuniata INI-llu akunnerminni akiliutit qanoq avinneqarnissaat isumaqatigiissutigisavaat, tassa qanoq ingerlanneqarnissaanut qanorlu akilersinneqarnissaanut tunngasut aalajangersarneqariarpata. Allaffissorneq eqqarsaatigalugu piginneqatigiiffik Qeqqata Kommunianiit sinniisooqartitaasussaassaaq, najugaqarfimmilu sinneruttunut attartortunut nakkutilliissuunissaaq aammattaaq isumaqatigiissutaassalluni.

Allatseqarfiup aningaasaqarnermullu allatseqarfiup oqaaseqaataat  
Immikkut oqaaseqaatitassaqaanngilaq.

Allaffeqarfiup naliliinera

Allaffeqarfik naliliivoq, ilaqutariinnut ataasiakkaanut illuutit affarleriillu tuniniarneri ingerlaannartariaqartoq, illuutillu najugaqarfijunnaartut akisunerpaamik neqeroorutilinnut tunineqartassasut. Taama aaqqissuussinerup ingerlatiinnarneratigut, pigisat nalillit iluaqutiginagit uninngatiinnarneri-niit siunertanut allanut iluaqutaasumik atorneqarsinnaaneri kingunerissavaa, taamaaliornerrullu kingunerissalluguttaaq piserusuttut ileqqaarnerulernissaat, taamaaliornikkullu illunik eqaannerusumik nalinginnaanerumillu tunitsivissaqarneq pilersinneqassaaq, tamatuma malitsigisaanik suliffeqarfiit, illunik tuniniaaviit, illusinermilu attartortitsisarfiit il.il. aamma amerlissallutik.

B-1364, Umivitsiamiit, 3911 Sisimiut najukkamik attartukkamiit nammineq piginnittuulerusunner-mit saaffiginnissut tigusi-masaq aallaavigalugu allaffeqarfik naliliivoq, najugaqarfik pineqartoq misiligutaannartut akuerineqassasooq, taamaaliornikkut inissiat nammineq pigisassatut tuninerisigut iliuutsit, iluaqutissartai akornutaasinnaasullu uppernarsiniarlugit, tassa tamatumani tunngaviumik tamakkiisumillu aalajangiiniarnissap pilinnginnerani.

Aningaasaqarnermut ataatsimiititaliami suliap suliarinera

Aningaasaqarnermut ataatsimiititaliap februaarip 10-ani 2009-mi ataatsimiinnermini suliaq suliarivaa.

### **Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

- Ilaqutariinnut ataasiakkaanut illut affarleriillu tuniniarneqartarneri massakkumutut ingerlatiinnarneqassasoq, illullu najugaqarfijunnaartut neqerooruteqartumut akisunerpaamut tunineqartassasut.
- Kommunalbestyrelsimut akuereqqullugu innersuussutigineqassasoq, B-1364 Umivitsiaq, 3911 Sisimiut attartorlugu najugaqarfiusoq namminerisatut pigisassatut akuerineqassasoq, taamalu akuersineq misiligutaannaagallassasoq.

### **Aalajangiineq**

Innersuussutigineqartoq akuersissutigineqarpoq.

### **Ilanngussat**

1. A/S Inissiaatileqatigiiffik INI-p inissiamut B-1364-mut, Umivitsiaq, 3911 Sisimiut tunngatillugu nalunaarsuusaa.

**Imm. 42 Ataatsimiititaliat siulittaasuisa akissarsiaat**

*Journalnr. 03.08.03*

Tunuliaqutaq

Kommunalbestyrelsimut ilaasortap Karl Davidsen-ip januaarip 1-aniit 2009-mi ukiup naanissaata tungaanut sulinnigiffeqarnissaata akuerineqarnerata kingorna, Teknikkimut Avatangiisinullu ataatsimiititaliap januaarip 6-ini 2009-mi ataatsimiinerani siulittaasussamik nutaamik toqqaasoqarpoq, tamatumani Karl Lyberth siulittaasussatut toqqaqaalluni. Karl Lyberth-i ataatsimiititalianut marlunnut siulittaasuulermat, kommunalbestyrelsip ataatsimiititaliani siulittaasut akissarsiaasa agguataarnissaat aalajangiiffisussanngorpaa.

Maleruagassatigut tunngavissat

Kommunit aqunneqarnerat pillugu (aqutsinermi inatsit) Inatsisartut inatsisaat nr. 14 decembarip 5-ini 2008-meersup §§ 55, 65 aamma 66 taamatullu kommunini suliassaqaarfiit aaqqissuuteqqinneqarnerat pillugu (aaqqissuusseqqinnermi inatsit) Inatsisartut inatsisaat nr. 14 novembarip 19-ni 2007-imeersup § 29 kiisalu borgmesterinik borgmesterillu tulliinik kiisalu kommunalbestyrelsinut nunaqarfinnilu aqutsisunut ilaasortanik il.il. akissarsiaqartitsineq pillugu (akissarsiaqartitsinermik nalunaarut) Namminersornerullutik Oqartussat nalunaarutaat nr. 29 decembarip 18-ni 2008-meersoq.

Nalunaarutip nr. 29 decembarip 18-ni 2008-imeersumi takuneqarsinnaavoq:

**§ 1.** Borgmesterip akissarsiasai kommunalbestyrelsimut taassuma atuuffianut aalajangersarneqasapput.

*Imm. 2.* Ukiumut tullermut missingersuusionermut atatillugu borgmesterit tulliisa, kommunalbestyrelsinut nunaqarfinnilu aqutsisunut ilaasortat, ataatsimiititaliani siulittaasut nunaqarfinnilu aqutsisuni siulittaasut akissarsiaasa annertussusissaat kommunalbestyrelsip aalajangersassavaa.

**§ 2.** Borgmesteri ukiumut akissarsiaqartinneqassaaq annerpaamik Kalaallit Nunaanni ilinniagartuut kattuffiata Akademikernes Sammenslutning i Grønlandip (AS-G) isumaqatigiissuteqarfiini tjenestemandinut akissarsiat pillugit isumaqatigiissutit qaqugukkulluunniit atuuttut naapertorlugit akissaateqarfiit 38-iannut, nalinginnaasumik tapiissutit ilanngullugit, naapertuuttumik kisiannili nalinginnaasumik akissaateqarfiit nikerarnerinut tapiissutit ilanngunnagit, aamma tapiissutit tamaasa eqqarsaatigalugit 1.4. 1991 akit naapertorlugit ukiumut tunngaviusumik kr. 130.600-unik immikkut tapiissutitalimmut, aamma ukiumut tunngaviusumik kr. 174.130-nik immikkut tapiissutitalimmut, kiisalu aamma suli ukiumut tunngaviusumik kr. 12.100-unik immikkut tapiissutitalimmut, naapertuuttumik sulinnigiffeqartarnerlu pillugu inatsit naapertorlugu immikkut sulinnigiffeqarnerisuteqartit-sisoqassalluni.

*Imm. 2.* Borgmesterip akissarsiai tunniunneqartassapput Kalaallit Nunaanni ilinniagartuut kattuffiata Akademikernes Sammenslutning i Grønlandip (AS-G) isumaqatigiissuteqarfiini tjenestemandit qaammammusiallit akissarsiaasa tunniunneqartarnerattut.

*Imm. 3.* Borgmesterit Naalakkersuisut akuersisimatinnagit borgmesteritut akissarsiamik saniatigut nalunaarut manna malillugu kommunimi suliarititanut allanut akissarsiaqarsinnaanngillat.

**§ 5.** Kommunalbestyrelsip kommunalbestyrelsimut ilaasortat aalajangersimasumik akissarsiaqartissavai amerlanerpaamik akissarsiap § 2, imm. 1-mi taaneqartup arfinilinnngorlugu avinneranik ataatsimik.

*Imm. 2.* Akissarsiat tunniunneqartassapput kommunalbestyrelsimut ilaasortanut tamanut akissarsiasat amerlanerpaaffissaasa agguarneri assigniimmik annertussuseqartillugit.

§ 7. Ataatsimiititaliani siulittaasunut ilassutitut aningaasarsianut kommunip aningaasartuutai tamarmiusut ukiumut amerlanerpaamik akissarsiap § 2, imm. 1-imi taaneqartup affarisinnaavai.

Pissutsit atuuttut

Nalunaarut nutaaq naapertorlugu akissarsiaritineqartussat naatsorsornerat imaappoq:

	Qaammammuk/kr	Ukiumut/ kr
Borgmesteri	67.855,45	814.265,40
Kommunalbestyrelsimi ilaasortat borgmesterip akissarsiaata arfinileraarterutaat	11.309,24	135.710,90
Nunaqarfimmi aqutsisunut ilaasorta q borgmesterip akissarsiaata 1/12-ia	5.654,62	67.855,45
Ataatsimiititaliat siulittaasui annerpaamik borgmesterip akissarsiaata affai/6	5.654,62	67.855,45
Nunaqarfimmi aqutsisut siulittaasuat borgmesterip akissarsiaata 1/12-ia	5.654,62	67.855,45
Borgmesterip tullia siulleq borgmesterip akissarsiaata 15 %	10.178,32	122.139,81

Aningaasaqarnikkut allaffissornikkullu kingunerisinnaasai

Kommunalbestyrelsimut ilaasortat ataasiakkaat akissarsiaat, ataatsimiititaliat siulittaasuisa amerlassusiisa allannguutaannik attorneqassanngillat. Ataatsimiititaliali siulittaasuinut tapiliussap anner-tussusissa kommunalbestyrelsip aalajangiineranik tunngaveqartussaalluni.

Ataatsimiititaliat qanoq amerlassuseqarnissaat inatsisitigut aalajangersagaanngilaq, ataatsimiititalialluunniit siulittaasuisa siulittaasuuffigisinnaasat amerlassusiligaanatik. Inatsisitigut taamaallaat akissarsiaasat qaffasinnerpaaffiligaapput, tassa siulittaasunut tapigitinneqarsinnaasut ukiumut qanoq annertutiginnaaneri eqqarsaatigalugit.

Taamaalilluni akissarsiaqartitsineq pillugu nalunaarutip § 7-iani takuneqarsinnaavoq, ataatsimiititaliat siulittaasuinut annerpaamik borgmesterip akissarsiaata affai tapiliunneqarsinnaasut. Matumanilu ataatsimiititaliat siulittaasuinut annerpaamik 407.132,70 koruunit agguanneqarsinnaallutik. Qeqqata Kommuniani aningaasaqarnermut ataatsimiititaliaq ilanngullugu ataatsimiititaliat arfineq-marluk pilersinneqarnikuupput. Aqutsinermut inatsisip § 24-ani imm. 2 naapertorlugu borgmesteri aningaasaqarnermut ataatsimiititaliami pinngitsoorani siulittaasuusussaavoq, akissarsiaqartitsinermilu nalunaarutip § 2-ani imm. 3-a naapertorlugu ” Borgmesterit Naalakkersuisut akuersisimatinnagit borgmesteritut akissarsiamik saniatigut nalunaarut manna malillugu kommunimi suliarititanut allanut akissarsiaqarsinnaanngillat.” Tamatuma kinguneranik, ataatsimiititaliat siulittaasui arfinilinnorput, taakkulu tapiliussatut akissarsiaasannorput 407.132,70 koruunit agguataartussanngorlugit.

Siusinnerusukkut kommunalbestyrelsimi ilaasortap ataatsimiititaliat marluk siulittaasuuffigigai akissarsiaqarfigalugillu nalaanneqarnikuunngimmat, kommunalbestyrelsip tullittooq aalajangiiffigisariaqarppaa, tassalu ataatsimiititalianut marlunnut siulittaasuusoq arlariinnik akissarsiaqassanersoq, imaluunniit tapiliussamik ataasiinnarmik pissarsiaqartinneqassanersoq.

Allatseqarfiup aningaasaqarnermullu allatseqarfiup oqaaseqaataat

Immikkut oqaaseqaatitassaqaanngilaq.



Allaffeqarfiup naliliinera

Allaffeqarfiup pisoq ima naliliiffigivaa, tapiliussat akisussaaffiit naapertortariaqaraat, taamaammallu allaffeqarfik isumaqarluni, aallaavittut ataatsimiititaliami ataatsimi siulittaasuuffeqarnek tapiliussaq ataaseq pissarsiarineqartassasoq, taamatullu ataatsimiititaliat marluk siulittaasuuffigigaanni marloriaammik tapeqartitsisoqartariaqarluni, tassami ataatsimiititaliami siulittaasuuneq akisussaaf-filiimmat tamannalu tapeqaataasariaqarlunittaaq.

Allaffeqarfiup innersuussutaa

Aningaasaqarnermut ataatsimiititaliamut innersuussutigineqassaaq, kommunalbestyrelsimut akuereqqullugu innersuussutigineqassasoq, ataatsimiititaliami ataatsimik siulittaasuuffeqarnek ataatsi-mik tapeqarfiussasoq, taamatullu ataatsimiititaliani arlariinni siulittaasuugaanni tamanna ataatsi-miititaliap siulittaasuanut arlariinnik tapeqaataasariaqarluni.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februarip 10-ani 2009-mi ataatsimiinnermini allaffeqarfiup innersuussutaa taasinikkut akuersissutigivaa.

Isumaqaataasut: 3 (Hermann Berthelsen, Bitten Heilmann, Søren Alaufesen)

Akerliusut: 0

Taaseqataannigitsut 1 (Katrine Larsen Lennert)

Karl Lyberth suliamut attuumassuteqarnini pillugu peqataannigilaq.

**Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa, ataatsimiititaliami ataatsimik siulittaasuuffeqarnek ataatsimik tapeqarfiussasoq, taamatullu ataatsimiititaliani arlariinni siulittaasuugaanni tamanna ataatsimiititaliap siulittaasuanut arlariinnik tapeqaataasariaqarluni.

**Aalajangiineq**

IA siunnersutigineqarpoq: ataatsimiititaliap siulittaasuanut 1½. Sinneruttoq ½ -i avinneqassaaq Ilaqutarinnermi Ataatsimiititaliap siulittaasuanut sinneralu ataatsimiititaliap siulittaasuunut.

Taasineq:

4 akuerseqataasut (IA)

6 Akerliusut (Søren Alaufesen, Hermann Berthelsen, Evelyn Frederiksen, Alfred Olsen, Efraim Olsen aamma Hans-Frederiksen Olsen)

3 taaseqataannigitsut (Godmand Rasmussen, Palle Christiansen, Morten Siegstad)

Aningaasaqarnermut Ataatsimiititaliap innersuussutaanut taasineq:

8 akuersisut (Siumut aamma Atassut)

4 akkerliusut (IA)

1 taaseqataannigitsut (Palle Christiansen)

Aningaasaqarnermut Ataatsimiititaliap Innersuussutaa akuersissutigineqarpoq.

**Ilanngussaq**

Ilanngussaqannigilaq

### **Imm. 43 Qeqqata Kommuniani ammasarfiit**

*Journalnr. 02.16*

#### Tunuliaqutaq

Sisimiut Komuneat kiisalu Maniitsup Kommunea kattutinngikkallaramik assigiinngitsunik ammasarfeqarnikuupput. Kattunermut atatillugu Qeqqata Kommuniani kommunip allaffeqarfii assigiimmik ammasarfeqalissapput.

#### Maleruagassatigut tunngavissaq

Kommunit aqunneqarnerat pillugu Inatsisartut inatsisaat nr. 14 decembarip 5-ini 2008-meersoq, § 25. Aningaassaqarnermut ataatsimiititaliap suliassai tassaapput:

”1) Kommunip iluani suliassaqarfinni tamani aningaasaqarnikkut allaffissornikkullu ingerlatsinermi nakkutilliisuuneq.”

#### Pissutsit atuuttut

Massakkumut illoqarfiiit nunaqarfiillu ammasarfitoqqatik ingerlatiinnarpaat:  
Kommunip allaffiisa ammasarfii (ataasinngornermiit tallimanngornermut)

#### Maniitsaq

Maniitsumi kommunip allaffia orniguttunut telefonikkullu ammasarpoq 10-14, (kisianni matut ammasarput 8-16)

Isumaginnittoqarfik sisamanngornekkut matoqqasarpoq (siusinnerusukkut karsi sisamanngornekkut matoqqasarsimagalarpoq)

#### Atammik aamma Napasoq

Taakkunani kommunip allaffii ammasarput 9-12 / 12.30-14.30 (½ time matoqqallutik 12.00–12.30)

#### Kangaamiut

Ammasarpoq 9.00 – 14.00

Kangaamiuni isumaginnittoqarfik 10.00 – 14.00

#### Sisimiut

Sisimiuni kommunip allaffia orniguttunut telefonikkullu ammasarpoq 9-15.

Piareersarfik suliffissarsiuussisarfillu orniguttunut telefonikkullu ammasarpoq 10-14

Piareersarfik, suliffissarsiuussisarfik Isumaginnittoqarfillu pingasunngornekkut matoqqasarput.

Saaffiginnittarfik pingasunngornekkut nal. 14 matusarpoq.

#### Allaffiit immikkut telefoninut ammasarfillit (telefonitider)

- Sulisoqarnermut allaffik 10-14
- Akissarsialeriffik 10-14
- Piareersarfik suliffissarsiuussisarfillu 10-14
- Isumaginnittoqarfimmi sagsbehandlerit 9-10
- Isumaginnittoqarfimmi piffissamik inniminniineq 10-13 (ullormut pingasunngorneq pinnagu inuk ataaseq telefonimik tigooqqaasuulluni)

#### Itilleq, Kangerlussuaq Sarfannguarlu

Taakkunani kommunip allaffii orniguttunut telefonikkullu ammasarput 9-15.

Kommunit allat ammasarfii imaapput:

Kommuneqarfik Sermersooq (ammasarfiit 1.4.2009-mi allanngorteqqinneqassapput)

Ataasinngornermiit pingasunngornermut nal. 10-15, nammineq saaffiginnilluni

Sisamanngornermi 12-17, nammineq saaffiginnilluni

Tallimanngornermi 10-12, nammineq saaffiginnilluni

Oqarasuaateqarfik ataasinngornikkut, marlungornikkut, pingasunngornikkut kiisalu tallimanngornikkut ammasarpoq 8-16. Sisamanngornikkut 8-17.

Isumaginnittoqarfimmi sullissisumut piffissamik inniminniineq 8-10

Kommune Kujalleq

Ataasinngornermiit tallimanngornermut 10-14

Qaasuitsup Kommunia

Ataasinngornermiit tallimanngornermut 9-15

Ataatsimoortumik pisortaqaqatigiinni qullersaqarfimmi ilaasortat immikkoortortanilu pisortat peqataaffigissaannik ammasarfiit oqallisigineqarput allaffeqarfimmilu sulisut akornanni tusarniaasoqarluni.

**Ammarsafiit – siunnersuutitut takkuttut:**

**Maniitsumi allatseqarfik nunaqarfinnilu allaffiit**

	<b>Saaffiginnittarfiit</b>	<b>Nunaqarfiit</b>
<b>Ornigulluni saaffiginninnermi ammasarfiit</b>	09.00 - 15.00	09.00 - 15.00
<b>Oqarasuaatip ammasarfii</b>	09.00 - 15.00	09.00 - 15.00
<b>Matoqqasarfiit</b>	Pingasunngorneq	q
<b>Matoqqasarfik – Ilaqutariinnut immikkoortortqarfik</b>	Sisamanngorneq	Sisamanngorneq

**Aningaasaqarnermut, Teknikkimut Avatangiisinullu Pisortaq**

	<b>Saaffiginnittarfiit</b>	<b>Nunaqarfiit</b>
<b>Ammasarfiit nammineq saaffiginnilluni</b>	10.00 - 15.00	10.00 - 15.00
<b>Ammasarfiit oqarasuaatikkut</b>	09.00 - 15.00	09.00 - 15.00
<b>Sisamanngornikkut</b>	10.00 - 17.00	10.00 - 17.00
<b>Matoqqasarfik</b>	Pingasunngorneq	q
Saaffiginnittarfiit / karsi / pisariaqarpallu allatseqarfiit matoqqassanngillat		
Sulisoqarnermut allaffeqarfik, akissarsialeriffik, naatsorsuuseriffillu pisariaqarpat ammasarfii		
sivikinnerusinnaapput		
Ilaqutariinnermut imm. immikkullu suliallit oqarasuaatikkut saaffiginnissutit piffissami 9-10 tiguniartarpaat		

**Sisimiuni Teknikkimut Avatangiisinullu immikkoortortaqarfik**

	<b>Saaffiginnittarfiit</b>	<b>Nunaqarfiit</b>
<b>Ornigulluni saaffiginninnermi ammasarfiit</b>	10.00 - 14.00	10.00 - 14.00
<b>Oqarasuaatip ammasarfii</b>	10.00 - 14.00	10.00 - 14.00
<b>Sisamanngorneq</b>	14.00 - 18.00	14.00 - 18.00
<b>Matoqqarsarfik</b>	Pingasunngorneq	q

**Sisimiuni Saaffiginnittarfiit akissarsialeriffillu**

	<b>Saaffiginnittarfiit</b>	<b>Nunaqarfiit</b>
<b>Ornigulluni saaffiginninnermi ammasarfiit</b>	10.00 - 14.00	10.00 - 14.00
<b>Oqarasuaatip ammasarfii</b>	10.00 - 14.00	10.00 - 14.00

**Sisamangorneq**

**Matoqqarsarfik**

Pingasunnorneq

Pingasunnorneq

**Maniitsumi ilaqtariinnermut immikkoortortaarfik**

	<b>Saaffiginnittarfiit</b>	<b>Nunaqarfiit</b>
<b>Ornigulluni saaffiginninnermi ammasarfiit</b>	09.00 - 15.00	09.00 - 15.00
<b>Oqarasuaatip ammasarfii</b>	09.00 - 10.00	09.00 - 10.00
<b>Sisamangorneq</b>		
<b>Matoqqarsarfik</b>	Pingasunnorneq	Pingasunnorneq

**Sisimiuni ilaqtariinnermut immikkoortortaarfik**

	<b>Saaffiginnittarfiit</b>	<b>Nunaqarfiit</b>
<b>Ornigulluni saaffiginninnermi ammasarfiit</b>	10.00 - 14.00	10.00 - 14.00
<b>Oqarasuaatip ammasarfii</b>	10.00 - 14.00	10.00 - 14.00
<b>Sisamangorneq</b>	Pingasunnorneq	Pingasunnorneq
<b>Sullissisumut oqarasuaat</b>	09.00 - 10.00	09.00 - 10.00
<b>Nammineq saaffiginnilluni oqarasuaatikku saaffiginnittarfiit</b>	10.00 - 13.00	10.00 - 13.00

**Sisimiuni qullersaqarfiup allatseqarfia**

	<b>Saaffiginnittarfiit</b>	<b>Nunaqarfiit</b>
<b>Ornigulluni saaffiginninnermi ammasarfiit</b>	10.00 - 14.00	10.00 - 14.00
<b>Oqarasuaatip ammasarfii</b>	10.00 - 14.00	10.00 - 14.00
<b>Sisimiuni matoqqarsarfik (OF)</b>	Pingasunnorneq	Pingasunnorneq
<b>Maniitsumi matoqqarsarfik (OF)</b>	Pingasunnorneq	Pingasunnorneq

Ataatsimoortumik pisortaqatigiit januaarip 22-ini 2009-mi ataatsimeeqatigiinneranni oqallisigineqarpoq, aningaasaqarnermullu ataatsimiititaliami oqallisigineqarnissaa aalajangiiffigineqarnissaalu innersuusutigineqarluni:

- Ammasarfiit, siunnersuut 1: 09.00 – 15.00
- Ammasarfiit, siunnersuut 2: 10.00 – 14.00
- Sisamangornikkut sivilunerusumik nal. 17.00-ip iml. 18.00-ip tungaanut ammasarnissaq
- Pingasunnornikkut Ilaqtariinnermut imm. pisariaqarpallu allat matoqqasarnissaat

Aningaasaqarnikkut allaffissornikkullu kingunerisinnaasai

Ammasarfiit ataqtigiisinnerisigut eqaannerusumillu aaqqiiviginerisigut, taama Qeqqata Kommuniani ammasarfinnik aaqqiinissaq aningaasaqarnikkut allaffissornikkullu sunniuteqassanngilaq.

Allaffeqarfiup nailinera

Ullumikkut oqarasuaatit ammasarfiisa assigiinnginneri, tassalu Sisimiuni nal. 9-miit 10-mut 1 tiimimik taamatullu 14-miit 15-imut 1 tiimimik sivilunerusumik ammasarnerit kingunerisaannik, Sisimiut illoqarfianni oqarasuaateqarfik ulapaarfusorujussuusarpoq. Taamaamat Sisimiut illoqarfianni oqarasuaateqarfik naliliivoq, Qeqqata Kommuniani oqarasuaatikku ammasarfik assigiilluni tassaasariaqartoq nal. 9:00-imiit 15:00-imut, tamatumuuna siarnguttarnerit siammarnaruniarlugit, tassa 10:00-miit 14:00-imut ammasarfiussappat, oqarasuaatinik nuutsisarfiit marluusut ulapaarfiunerusassammata.

Allaffeqarfiup aningaasaqarnermut ataatsimiititaliaq qinnuigissavaa, ammasarfiit 9:00-imiit 15:00-imut sivikillisinneqassagaluarpata 10:00-imiit 14:00-imut, sisamanngornikkulli sivisunerusumik 10:00-imiit 17:00-imut 18:00-lluunniit ammasarfeqarluni, tamanna kiffartuussinikkut ajorseriartitsissanersoq naliliiffigeqqullugu. Imaluunniit Sisimiunitut ammasarfik 9:00-imiit 15:00-imut atuinneqassanersoq.

#### Allaffeqarfiup innersuussutaa

Qeqqata Kommuniani ammasarfiit qanoq ittuunissaat aningaasaqarnermut ataatsimiititaliap akuersissutigissagai innersuussutigineqassaaq

- Siunnersuut 1) Ammasarfiit: 9-miit 15-imut, oqarasuaatikkut ornigulluniluunniit saaffiginninnikkut

imaluunniit

- Siunnersuut 2) Ammasarfiit: 10-miit 14-imut, oqarasuaatikkut ornigulluniluunniit saaffiginninnikkut

Aammalu imaassanersoq

- Ilaqtariinnermut Immikkoortortaqarfik pingasunngornikkut matoqqasassasoq
- Sisamanngornikkut sivisunerusumik nal. 17.00 tungaanut ammasoqartassasoq

#### Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10-ani 2009-mi ataatsimiinnermini suliaq sularivaa.

#### **Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

- Siunnersuut 2) Ammasarfiit: 10-miit 14-imut, oqarasuaatikkut ornigulluniluunniit saaffiginninnikkut.
- Allaffissuit illoqarfinni nunaqarfinnilu tamani pingasunngornikkut matoqqasassapput.
- Sisamanngornikkut sivisunerusumik nal. 17.00 tungaanut ammasoqartassasoq.
- Kommunip karsia ammajuaannassaaq (allaffiit ammanerisa nalaani aamma pingasunngornermi).
- Pisariaqartitsisoqartillugu nukinginnartoqartillugulu saaffiginnittuaannartoqarsinnaavoq.

#### **Aalajangiineq**

Innersuussutigineqartoq akuersissutigineqarpoq.

#### **Ilanngussaq**

1. Ilanngussaqanngilaq

**Imm. 44 Qeqqata Kommuniani teknikkikkut siunnersorteqarneq**

*Journalnr. 10.25.04*

Tunuliaqutaq

Kommunet kattunnerinut atatillugu sanaartornermi suliassat, illoqarfimmi immikkoortunut pilersarusiorinissanut, kommunep pilersarusiorfigineqarneranut tapiliussaliornissani kiisalu minnerunngitsumik Qeqqata Kommunianut kommunep pilersarusiorifigineqarnissaanut atatillugu siunissami siunnersorteqarnissami isumaqatigiissusiornissami agguataarinissap eqqartorneqarnissaa pisariaqalersimavoq.

Taamaattumik innersuussut una Teknikkimut avatangiisinullu ataatsimiititaliamit aamma Aningaasaqarnermut ataatsimiititaliamit aalajangiiffigisassanngorlugi Teknikkimut avatangiisinullu immikkoortortap saqqummiuppaa

Maleruagassatigut tunngavissat

Kalaallit Nunaanni pisortat suliffeqarfiutaanni teknikkikkut siunnersorteqartarnermi akiliuteqartarnissamik isumaqatigiissut.

Pissutsit atuuttut

Maniitsumi Masanti A/S suleqatigineqarpoq. Sisimiuni Sanati A/S, Rambøll A/S aamma Kitaa A/S suleqatigineqarput. Kangerlussuarmi Baumann Rådgivende Ingeniør suleqatigineqarpoq.

Baumann eqqaassanngikkaanni siunnersortit pineqartut tamarik Kalaallit Nunaata sineriaani, pingaartumik Nuummi immikkoortortaqaqarput. Taamaasilluni Kalaallit Nunaanni illoqarfimmi siunnersortit assigiinngitsut atorineqarsinnaassallutik. Rambøll nunat tamalaat akornanni suliffeqarfissuurtut ilaatigut nunani avannarlerni suleqateqarpoq.

Qeqqata Kommuniata avatanni Inuplan Nuummi qullersaqarfeqarpoq, Niras Nuummi immikkortortaqaqarpoq, Niels Bennetzen-ilu Ilulissani Danmark-imilu immikkoortortaqaqarluni.

Sisimiut Kommuneani sanaartornermut tunngatillugu siunnersorteqarnissami isumaqatigiissutit pingaartumik kommunemi siunnersortit akornanni agguataarneqarsimapput. Illoqarfiup pilersarusiorfigineqartarneranut atatillugu suliassat ilaat Niras-imut suliaqarsutigineqartarsimapput, illoqarfimmili pissutsinik ilisimasaqarluni sulisoq suliffimmut allamut nuunna patsisaalluni ukiuni kingullerni COWI A/S-imut suliaqarsutigineqartalersimallutik.

Maniitsup Kommuniani Masanti A/S illoqarfimmi kisiartaalluni siunnersortaasarsimavoq, taamaattumillu kommunemut siunnersortaanissami suliassat annersaat isumagisimallugit.

Aningaasaqarnikkut allaffissornikkullu kingunerisinnaasai

Pisortat suliassaataannut atatillugu teknikkikkut siunnersortinut tamanut maleruagassat naapertorlugit akiliuteqartarnissamik isumaqatigiissutit tamarmik suliarineqartassapput, taamaattumillu assigiimmik inissisimallutik.

Suliffeqarfinni eqqaaneqartuni pisinnaassutsit pitsaassutsillu assigiinngillat, suliakkiissutigineqartunullu suliffeqarfimmullu pisariaqartumik pisinnaassutsinut annertusineqarsinnaallutik. Tamanna ilaatigut nutaamik atorfinitsitsinikkut imaluunniit suliffeqarfiit siunissami illoqarfinnik sullikkusutaminnut immikkut ilisimasaqalernerisigut annertusineqarsinnaalluni.

Sanaartornermi suliassat nalinginnaasut naammassineqarnissaat eqqarsaatigalugit, illoqarfimmi siunnersortit atorneqartarnissaat assigiinngitsutigut iluaqutissartaqarneruvoq. Ilaatigut naapissinnaanikkut iluaqutaassinnaalluni, ilaatigullu illoqarfimmi siunnersortit illoqarfimmut ilisimsaqarnerisigut iluaqutaassalluni. Ilaatigut illoqarfimmiunut pitsaanerpaamik angusaqarnissaq illoqarfimmiut suliniutigisarpaat, ilaatigullu kommunemut suliassaqartitsisarlungu akileraarutigut isertitaqarfiusarluni.

Kommunet kattunnerisigut nunataq annertunerulerpoq, tassuunakkullu suliassanut atatillugu illoqarfinni siunnersortit unamminerulersinnaassallutik. Tassuunakkut sionratigut kommunet siunnersortinik toqqaasarsimanerat eqqarsaatigalugu kommunerujussuarmi toqqaagassat amerlineri pitsaaqutit ilagaat.

Taamaakkaluartoq maluginiartariaqarpoq, illoqarfimmi nakkutilliinissami suliassat eqqarsaatigalugit illoqarfimmi siunnersortit toqqarneqartariaqartassammata. Suliassanut illoqarfiup avataanit siunnersorteqassagaanni, angalanermi aningaasartuutissat annertuallaassapput. Suliffeqarfik nakkutilliisusaaq aamma pilersaarusiornermik suliaraqarani, pilersaarut suliffeqarfimmit allamit aamma sularineqarsinnaalluarpoq. Tamatuma kingunerisaanik nakkutilliisitsineq immaqa akisunerulaarlarsinnaassaaq, tassuunakkulli nakkutilliisup pilersaarusiornermik nammineq kukkussutigisimasinnaasaminik sanaartortitsisumut isertuussinnginnissaa, tamakkiisumillu tunniusimanissaa sanaartortitsiup ilisimagissavaa.

#### Allaffeqarfiup naliliinera

Taamaattumik innersuussutigineqassaaq, Qeqqata Kommuniani siunnersortit sularisimasaminnut atatillugu paasissutissanik ilalerlugu kiisalu siunissami sularineqarumaartussanik suliffeqarfik pitsaassutsimik akigitatigullu qulakkeerinnittumik suliqaarsinnaanerminnik paasissutissartalerlugu, Qeqqata Kommuniani suliassaajumaartussanut soqutiginninnerminnik uppernarsaaqqullugit allakkatigut saaffigineqassat.

Kommunip pilersaarusiorfigineqarnerinut/illoqarfimmi immikkoortunut pilersaarusiortarnernut atatillugu Qeqqata Kommuniani Kalaallit Nunaannilumi tassuunatigut siunnersortinik annertuumik pisinnaatitaaffeqartunik atuisoqartarsimanngilaq. Taamaattumik innersuussutigineqassaaq, Kommunip pilersaarusiorfigineqarnerinut/illoqarfimmi immikkoortunut pilersaarusiortarnernut atatillugu Qeqqata Kommuniani siunnersortit kisimik allakkatigut saaffigineqaratik aamma qulaani eqqaaneqartut allaffigineqassat.

Siunnersortinit paasissutissat pigineqaleriapata, Teknikkimut Avatangiisinullu Immikkoortortap misissuataarialugit, Qeqqata Kommuniani pitsaassutsimik, akigitatigut qanimullu suleqateqarnissamik aallaaveqartumik siunissami sularineqarumaartussat inissititerinermik pilersaarutitalerlugit takussusiussavai.

Teknikkimut Avatangiisinullu immikkoortortap innersuussutaa

Teknikkimut Avatangiisinullu immikkoortortap, Teknikkimut Avatangiisinullu ataatsimiititaliamut taamatullu Aningaasaqarnermut ataatsimiititaliamut akuereqqullugit innersuussutigissavai,

Qeqqata Kommuniani sanaartornissami sulissani tamani illoqarfimmi siunnersortit pingaarnertut atorneqartassasut, taamaattumillu siunnersortit tamatumunnga soqutiginninnerminnik uppernarsaaqqullugit allakkatigut saaffigineqassasut.

Qeqqata Kommuniani kommunip pilersaarusiortfigineqarnissaanut/illoqarfimmi immikkoortunut pilersaarusiortoqarnissaanut illoqarfimmi siunnersortit Kalaallit Nunaannilu siunnersortit suliffeqarfiit annerusut siunnersuinissamat kikkut soqutiginninnissanersut misissorneqassasoq, taamaattumillu illoqarfimmi siunnersortit Kalaallit Nunaannilu siunnersortit suliffeqarfiit annerusut soqutiginninnermut paasiniarlugu allakkatigut saaffigineqassasut.

Siunnersortit pineqartunut soqutiginnissagunik suliarisimasaminnut atatillugu paasissutissanik ilalerlugu kiisalu siunissami suliarineqarumaartussanik suliffeqarfik pitsaassutsimik akigitatigullu, Kalaallit Nunaannilu aalaakkaasumik sulisoqarnissamik qulakkeerinninnermik paasissutissartalerlugu akissuteqaqquneqassasut

Teknikkimut Avatangiisinullu ataatsimiititaliami suliap sularinera

Teknikkimut Avatangiisinullu ataatsimiititaliap februaarip 3-ani 2008-mi ataatsimiinnermini immikkoortortap innersuussutai akuersissutigivai.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10-ani 2009-mi ataatsimiinnermini suliaq sularivaa.

**Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

Qeqqata Kommuniani sanaartornissami sulissani tamani illoqarfimmi siunnersortit pingaarnertut atorneqartassasut, taamaattumillu siunnersortit tamatumunnga soqutiginninnerminnik uppernarsaaqqullugit allakkatigut saaffigineqassasut.

Qeqqata Kommuniani kommunip pilersaarusiortfigineqarnissaanut/illoqarfimmi immikkoortunut pilersaarusiortoqarnissaanut illoqarfimmi siunnersortit Kalaallit Nunaannilu siunnersortit suliffeqarfiit annerusut siunnersuinissamat kikkut soqutiginninnissanersut misissorneqassasoq, taamaattumillu illoqarfimmi siunnersortit Kalaallit Nunaannilu siunnersortit suliffeqarfiit annerusut soqutiginninnermut paasiniarlugu allakkatigut saaffigineqassasut.

Siunnersortit pineqartunut soqutiginnissagunik suliarisimasaminnut atatillugu paasissutissanik ilalerlugu kiisalu siunissami suliarineqarumaartussanik suliffeqarfik pitsaassutsimik akigitatigullu, Kalaallit Nunaannilu aalaakkaasumik sulisoqarnissamik qulakkeerinninnermik paasissutissartalerlugu akissuteqaqquneqassasut



**Aalangiineq**

Nalilersorneqartassasoq kina siunnersuisutut toqqarneqassanersoq aammalu pilersaarusiortut imminnut nakkutigissanngitsut aalangerneqarpoq.

Innersuussutigineqartoq akuersissutigineqarpoq.

**Ilanngussa**

Ilanngussaqaanngilaq

**Imm. 45 I/S Mokana-mut suleqatigiinnissamik isumaqatigiissut**

*Journalnr. 27.01.04.04*

Tunuliaqutaq

Kalaallit Nunaannit eqqagassat ulorianarsinnaasut tigooqqarneqarnissaat pillugit, Kalaallit Nunaanni kommunitoqqat Aalborg-imi eqqakkanut suliffeqarfimmut I/S Mokana-mut suleqatigiinnissamik isumaqatigiissuteqarnikuupput. Isumaqatigiissutissat nutaat kommuninut nutaanut isumaqatigiissutigineqartussaapput.

Maleruagassatigut tunngavissat

Igitassanik eqqaasarneq pillugu Namminersornerullutik Oqartussat nalunaarutaat nr. 28, 17.September 1993-imeersoq.

Oliakunit akuutissanillu eqqagassat pillugit Namminersornerullutik Oqartussat nalunaarutaat nr. 29, 17. september 1993-imeersoq.

Pissutsit atuuttut

Kalaallit Nunaannit eqqagassat ulorianarsinnaasut tigooqqarneqarnissaat pillugu eqqakkanut suliffeqarfimmut I/S Mokana-mut Kalaannit Nunaannit kommunit 2001-imi isumaqatigiissusiorput. Kommunitoqqat atuukkunnaarnerisa kingunerisaanik isumaqatigiissutip nutarterneqarnissaa pisariaqarpoq.

Aningaasaqarnikkut allaffissornikkullu kingunerisinnaasai

Soqanngilaq.

Allaffeqarfiup naliliinera

Maniitsup Sisimiullu kommuniisa Mokana ajunngitsumik suleqatigisimavaat, ingerlatiinnarnissaalu innersuussutigineqarluni.

Teknikkimut Avatangiisinullu immikkoortortap innersuussutaa

Teknikkimut Avatangiisinullu immikkoortortap Teknikkimut Avatangiisinullu Ataatsimiititaliamut siunnersuutigaa, Qeqqata Kommuniata I/S Mokana nutaamik suleqatigiinnissamik isumaqatigiissuteqarfigissagaa.

Teknikkimut Avatangiisinullu ataatsimiititaliap suliamik sularinninnera

Teknikkimut Avatangiisinullu ataatsimiititaliap 2008-mi februaarip pingajuani ataatsimiinnermini, immikkoortortap innersuussutaa akuersissutigaa.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10-ani 2009-mi ataatsimiinnermini suliaq sularivaa.

**Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

Qeqqata Kommuniar I/S Mokana-mut nutaamik suleqatigiinnissamik isumaqatigiissuteqarfigissagaa

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Nutaamik suleqatigiinnissamik isumaqatigiissutissamut siunnersuut 2008-mi septembarip 16-ianeersoq.

**Imm. 46 Taxanut akigititat**

*Journalnr. 70.03.16*

Tunuliaqutaq

Sisimiuni taxanut akigititat aallaavigalugit Maniitsumi akigititat appasinnerunerat patsisigalugu Maniitsumi taxaatillit akigititanik qaffaasoqarnissaanik kissaateqarput.

Maleruagassatigut tunngavissat

Maniitsup Kommuneani taxat atorlugit inunnik angallassineq il.il. pillugu politinit nalunaarut § 15. Akiliutissat annerpaaffissaat, aamma aalajangersumik isumaqtigiissut malillugu nal. akunneranut akiliutissap angissusissai, kommunalbestyrelsemit aalajangerneqassapput.

Pissutsit atuuttut

Ilangussami takuneqarsinnaasutut Maniitsumi taxanut akigititat appasinneruneratigut, maannakkut Maniitsumi Sisimiunilu taxanut akigititat assigiinngillat. Taamaattumik Sisimiuni taxanut akigititat assinginik Maniitsumi akeqartitsisoqalernissaanik, Maniitsumi taxaatillit kissaateqarput.

Aningaasaqarnikkut allaffissornikkullu kingunerisinnaasai

Maniitsumi taxanit akileraarutitigut isertitassat annikkaluarmik annertusisinaanissaat eqqaassangikkaanni kinguneqaatissaqanngilaq.

Allaffeqarfiup naliliinera

Taxanut akigititat illoqarfiit akornanni nalimmarsarneqartariaqarput. Maniitsumi taxaatillit kissaataat Sisimiuni maannakkut akigitinneqartunut qanittuararsuummata, Sisimiuni akigitinneqartunut nalimmasaasoqarnissaa pissusissamisuuginnarpoq. Sisimiuni atugaanngitsoq Takst 4 kissaatigineqartoq eqqarsaatigalugu, pisarissersuutaaginassagunarmat innersuussutigineqanngilaq.

Teknikkimut Avatangiisinullu immikkoortortap innersuussutaa

Teknikkimut Avatangiisinullu immikkoortortap Teknikkimut Avatangiisinullu Ataatsimiititaliamut siunnersuutigaa, Sisimiuni mannakkut taxanut akigitinneqartut assipalugalugit Maniitsumi taxanut akeqartitsisoqalissasoq.

Teknikkimut Avatangiisinullu ataatsimiititaliami suliap sularineqarnera

Teknikkimut Avatangiisinullu ataatsimiititaliap 2009-mi februaarip pingajuani ataatsimiinnermi immikkoortortap innersuussutaa akuersissutigaa.

Aningaasaqarnermut ataatsimiititaliami suliap sularinera

Aningaasaqarnermut ataatsimiititaliap februaarip 10-ani 2009-mi ataatsimiinnermini suliaq sularivaa.

**Innersuussut**

Aningaasaqarnermut ataatsimiititaliap kommunalbestyrelsimut akuereqqullugu innersuussutigissavaa,

Sisimiuni maannakkut akigitinneqartut assigalugit Maniitsumi taxanik angallassinermi akeqartitsisoqalissasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Sisimiuni taxanut akigitit Maniitsumillu kissaatigineqartoq 2009-mi januaaris sisamaaneersoq.

**Imm. 47 Oqaluuserisassatut siunnersuut – Atuakkanik atorniartarfiliortoqarnissaa**

*Journalnr. 53.00*

**Tunuliaqutaq**

Kommunalbestyrelsimut ilaasortap Morten Siegstadip januaarip 18-ani 2009-mi e-mailikkut, atuakkanik atorniartarfiliortoqarnissaa pillugu siunnersuutini kommunalbestyrelsimi oqaluuserisassatut nassiuppaa.

**Innersuussut**

Kommunalbestyrelsimut akuereqqullugu innersuussutigineqassaaq, suliap oqallisigereerneratigut Ilinniartitaanermut Kulturimut Sunngiffimmullu ataatsimiititaliamut ingerlateqqinneqassasoq.

**Aalajangiineq**

Innersuussutigineqartoq akuersissutigineqarpoq.

**Ilanngussaq**

1. Morten Siegstadip januaarip 18-ani 2009-mi e-mailerutaa

**Imm. 48 Oqaluuserisassatut siunnersuut – Atuarfinni inunnik isumaginninnermi siunnersortinik atorfinitsitsinissaq**

*Journalnr. 03.03*

Tunuliaqutaq

Kommunalbestyrelsimut ilaasortap Morten Siegstadip januaarip 18-ani 2009-mi e-mailikkut, Atuarfinni inunnik isumaginninnermi siunnersortinik atorfinitsitsinissaq pillugu siunnersuutini kommunalbestyrelsimi oqaluuserisassatut nassiuppaa.

**Innersuussut**

Kommunalbestyrelsimut akuereqqullugu innersuussutigineqassaaq, suliap oqallisigereerneratigut Ilinniartitaanermut Kulturimut Sunngiffimmullu ataatsimiititaliamut ingerlateqqinneqassasoq.

**Aalajangiineq**

Innersuussutigineqarpoq akuersissutigineqarpoq.

Agathe Fontain anivoq.

**Ilanngussaq**

1. Morten Siegstadip januaarip 18-ani 2009-mi e-mailerutaa

## **Imm. 49 Oqaluuserisassatut siunnersuut - Sisimiuni taxat amerlassusii**

*Journaler. 70.03.16*

### Tunuliaqutaq

Kommunalbestyrelsimut ilaasortaq Godmand Rasmussen januaarip 16-ni 2009-mi kommunalbestyrelsimut oqallisigisassatut allagaqarluni Sisimiuni taxat amerlassusiat apeqquuserpaa.

### Maleruagassatiut tungavissaq

Sisimiut Kommuneani taxat atorlugit inunnik angallasineq il.il. pillugu nalunaarut apriliip 11-ni 1980-imeersup § 14-ani imm. 1, kiisalu Maniitsup Kommuneani taxat atorlugit inunnik angallasineq il.il. pillugit politiinit nalunaarut marsip 2-ani 1979-imeersumi § 14-ani, imm. 1.

### Pissutsit atuuttut

Qeqqata Kommuniani inunnik angallasineq pillugu kommunip ileqqoreqqusassaa suliaralugu ingerlanneqarpoq, naatsorsuutigineqarlunilu Teknikkimut Avatangiisinullu ataatsimiititaliap marsimi apriliimilluunniit 2009-mi ataatsimiinnissaani saqqummiunneqassasoq. Tamatuma kingorna piler-saarutit naapertorlugit aningaasaqarnermut ataatsimiititaliamut suliasatut ingerlateqqinneqassaaq, kommunalbestyrelsillu aprilimi ataatsimiinnissaani inaarutaasumik akuerisassanngorlugu.

Massakkut taxat inunnik angallasissutit atornissaannut akuersissutit Maniitsumi 20-inut killiligaapput, Sisimiunilu 25-inut killiligaallutik kiisalu Kangerlussuarmi marlunnut killiligaallutik. Sisimiuni Kangerlussuarmilu akuersissutit tamakkerlugit atorneqartut, Maniitsumi 18-inik taxaqarpoq.

### **Innersuussut**

Innersuussutigineqassaaq, kommunalbestyrelsimi taxat amerlassusiat oqallisigineqassasoq, tamatumalu kingorna suliaq teknikkimut avatangiisinullu ataatsimiititaliamut suliasatut ingerlateqqillugu.

### **Aalajangiineq**

Innersuussutigineqartoq akuersissutigineqarpoq.

### **Ilanngussaq**

1. Godmand Rasmussen-ip januaarip 16-ni 2009-mi allagaa



**Imm. 50 Apeqquteqaat - Qeqqata Kommuniani qatserisartoqarneq**

*Journaler. 85.01.01*

Tunuliaqutaq

Kommunalbestyrelsimi ilaasortaq Morten Siegstad 2009-mi januaarip 13-iani allagaqarluni Qeqqata Kommuniani qatserisartoqarneq pillugu apeqquteqaateqarpoq.

Apeqqutit qatserisartoqarnermut pilersaarutinut tamanut, qatserisartoqarnermut ileqqoreqqusanut, qatserisartut ittuisa aaqqissuussaanermi inissisimanerannut akissarsiaanullu tunngasut, ilinniaqqinnissamut pilersaarutinut aamma qatserisartut ittuisa akeqanngitsumik biileqartinneqarsinnaanerinit imaqarput.

Maleruagassatigut tunngavissaq

Ikuallannaveersaartitsineq qatserinerlu pillugit Inatsisartut peqqussutaat nr. 6, 30. oktober 1992-imeersoq Ikuallannaveersaartitsineq qatserinerlu pillugit peqqussutaatigut nr. 8, 20. november 2006-imeersukkut allanngortinneqartoq.

Pissutsit atuuttut

Qeqqata Kommunianut aaqqissuussaanermut pilersaarut Ikaarsaariarnermi ataatsimiititaliap matoqqasumik 2008-mi oktobarip 17-iani ataatsimiinnermini akuersissutigaa. Aaqqissuussaanermut pilersaarutip ilaatigut imarivaa, illoqarfinni tamani immikkoortortani pisortat sullissinermut immikkoortuisa aaqqissuussaanerat qitiusumik ingerlanneqassasoq. Sisimiuni Maniitsumilu qatserisartut ittui Sisimiuni Maniitsumilu teknikkeqarnermut pisortamut toqqaannartumik attaveqartussaapput.

Tamatuma kingorna allaffeqarfiup Sillimaniarnermut Aqutsisoqarfik mailikkut erseqqissaaffigaa, qatserisartoqarneq pillugu inatsit atuuttoq tulluanngitsoq. Immikkoortuni kisimiilluni kommunip qullersaqarfia borgmesteri kommunillu pisortaanerup saniatigut inatsisiliorneq qatserisartoqarfimmi qitiusumik akisussaaffiliivoq.

Qeqqata Kommuniata kingullermik mailikkut 2009-mi februaarip 11-ani allagaqarluni akerliliissutaa Sillimaniarnermut Aqutsisoqarfiup itigartitsissutigigallarnikuuvaa. Sillimaniarnermulli aqutsisoqarfiup erseqqissaatigaa, inatsisiliornermut inaarutaasumik sunnuteqarsinnaanatik.

Qeqqata Kommuniani qatserisartoqarnermut ileqqoreqqusamut ataatsimik arlalinnilluunniit qatserisartut ittoqartoqassanersoq aamma soorunami qatserisartut ittuisa aaqqissuussaanikkut inissisimanissaat kiisalu siunissaq ungasinnerusoq isigalugu akissarsiaanut tunngassuteqartunut. aalajangiisorujussuuvoq

Maannakkut akissarsiaqartitsinermut tunngatillugu Qeqqata Kommuniani qatserisartut ittui marluusut Namminersornerullutik Oqartussat aamma sulinermik aqutsisut peqatigiiffiata SSK-p akornanni isumaqatigiissutit malillugit akissarsiaqartitaapput. Qatserisartut ittorisaasa marluussut akissarsiaqartinneqarnerani assigiinngissutaasoq tassatuaavoq qanoq sivisutigisumik sulisimanerat.

Kalaallit Nunaanni qatserisartut akissarsiaqartinneqarnerat pillugit Qatserisartoqarnermut malittarisassani 2002-mi apriliip 19-ianeersuni § 3 naapertorlugu, siunnersortitut akissarsiaqartitsisoqarsinnaavoq. Akissarsiarititaq kommuninut qaffasinnerusunngorlugu akeqartinneqarpoq, umiarsualivinni sinerissallu sinaani uuliaarluernernik pinaveersaartitnermi sillimaniarnissamut kommunit namminersorerullutillu oqartussat akornanni isumaqatigiissutaasumi. Sisimiut Maniitsorlu sillimaniarnermut tassunga ilaapput. Maniitsumi qatserisartut ittuat tullersortaalu taamak qaffasitsigisumik akissarsitinneqartarput. Akigitinneqartup nalinginnaasup qaffasinnerusullu nikingassutigaat ukiumut 3.000 koruunit.

Ilinniarneq eqqarsaatigalugu, qatserisartut ittui qatserisartunut Tunngaviusumik pikkorissarnernik, Pujorsiornermik, Maqitsissutinik nakkutiginninnermik aamma Ikiueqqaarnermik pikkorissartitsisarput kiisalu suliffeqarfiit sulisuinut, ilinniartitsisunut assigisaannullu nalinginnaasumik Ikuallattunik Tunngaviusumik Qamiterinermut pikkorissaasarpoq. Qatserisartut ittui marluusut tamarmik pisariaqartunik ilitsersuisutut ilinniagaqarnikuupput. Taamaalilluni angalanernut najugaqarnernullu aningaasartuuteqassaaq, taanna qitiusunngortinneqanngippat. Taamaattorli illoqarfinni marluusuni qatserisartut imminnut ilikkarsinnaanerannut periarfissiissagalarpoq. Tunngaviusumik pikkorissarneq 2 Nuummi ingerlanneqartarpoq, Funktionsuddannelse, Holdleder-samt Indsatslederuddannelse Danmarkimi ingerlanneqartarluni. Uani pilersaarutaavoq, pikkorissarnernut taakkununga nalunaartarnissaq qatserisartut ittuisa ataqatigiissaartassagaat, taamaalilluni pikkorissarnerup ingerlanneqarnerani imminnut tapersersoqatigiittoqartarniassammat aammalu qatserisartut akornanni ataqatigiinneq nukittunerulerniassammat. Qatserisartunut soqutiginnittunut piginnaasaqartunullu tamanut pikkorissarnissaq neqeroorutigineqartarpoq. Sumiiffinni qatserisartut ittuata kikkut ilinniaqqinnissamik neqeroorfigineqassanersut toqqartussaavaa.

Akeqanngitsumik biileqartitsineq eqqarsaatigalugu allaffeqarfiup isumarivaa, qatserisartut ittuat akileraarutitaqanngitsumik biileqartinneqarnissamut pisinnaatitaaffeqartoq. Tamaallaalli biili qatserutaasivimmiit qatserisartut ittuata angerlarsimaffiata tungaanut atorneqartarsinnaavoq. Akerlianik allamut atorneqassagunik akileraaruteqalissapput akiliisitaanermillu kinguneqarsinnaalluni. Allaffeqarfiup isumagaattaq, pisut qatserisartut ittuinut qatserisartullu ittuisa tullersortaannut immikkuullarissuusoq, ullut 14-iakkaarlugit akiuiniarnermi aqutsisutut akissarsiaqartinneqartartuni. Piffissami tassani biilinut qanittumiittuaannartussaapput, taamaalillutik sukkasuumik aallariataarsinnaaniassammata. Piffissani taakkunani akiuiniarnermi aqutsisuunerminni akileraartinneqartannginnissaat tulluartaussaaq. Allaffeqarfik ilisimatinneqarnera malillugu, qatserisartut ittuisa peqatigiiffiat tassunga aamma suliniuteqarpoq. Taamatut siunnersuummut allatseqarfik tapersersuissaaq.

#### Aningaasaqarnikkut allaffissornikkullu kingunerisinnaasai

Qatserisartut ittuannik ataasiinnanngortitsilluni qitiusunngorsaanissaq annertunerusumik angalanernut najugaqarnernullu aningaasartuuteqarnerulernissaa naatsorsuutigineqarpoq. Ilutigitillugulu illoqarfiup aappaani qatserisartut ittuat ulluinnarni akisussaaffimminik aqutsinerminillu annikillisaaffigineqartutut misigisimalissaaq. Aammattaq malitsigissavaa, Qeqqata Kommuniata aqqissuussaananeramik allanngortitsariaqarneq, sumiiffinni qatserisartut ittui teknikkeqarnermut avatangiisinullu pisortamut toqqaannartumik attaveqarunnaassammata.

Allaffeqarfiup naliliinera

Allaffeqarfiup nalilerpaa, qatserisartoqarnermut tunngasumi inatsisiliorneq Namminersornerullutik Oqartussat tullarsartariaqaraat, taamaalilluni kommunerujussuarnut piviusunut tulluarnerulersillugu, taakku ilaasa nalunangitsumik qitiusuunngitsumik aaqqissuussaaniisaq kissaatiginaviannngimmassuk.

Allaffeqarfiup nalilerpaa, tamanut pitsaanerpaassasoq, qaninnerusoq isigigalugu Namminersornerullutik Oqartussat qitiusumik malittarisassanik immikkut akuersissuteqarnissaat ungasinnerusorlu isigalugu kommunit aaqqissuussaanerisa qitiusuunngitsumik inatsisiliorortoqassasoq.

**Innersuussut**

Allaffeqarfiup kommunalbestyrelsimut akuersissutigeqqullugu innersuussutigaa,

Qeqqata Kommuniani marlunnik qatserisartut ittoqarluni qatserisartoqarnermut qitiusuunngitsumik aaqqissuussaannermut ilusilersuinissamik qaninnerusoq isigalugu immikkut akuersissuteqartoqarnissaanik kommunalbestyrelsip Namminersornerullutik Oqartussat qinnuvigissagaat

Kommunet pitsaanerpaamik aaqqissuussisinaanissaat, qatserisartunillu suleqatinneqarnissaq kommunet kissaatigippassuk, tamanna periarfissanngortinniarlugu siunissamut ungasinnerusumut Namminersornerullutik Oqartussat inatsisiliornissaannik kommunalbestyrelsi kissaateqassasoq

tamatuma kingorna kommunalbestyrelsip suliaq teknikkimut avatangiisinullu ataatsimiititaliamut ingerlateqqissagaa

**Aalajangiineq**

Ataatsimiititaliamut suliaq ingerlateqqissaaq.

Innersuussutigineqartoq akuersissutigineqarpoq.

**Ilanngussaq**

1. Morten Siegstad 2009-mi januaarip 13-iani allagaqaataa

**Imm. 51 Sivdleq-mut siulersuisunut ilaasortassamik qinersineq**

**Aalajangiineq**

Ejnar Lundblad (Siumut)

**Imm. 52 Tamalaat**

Innuttaasut Illuat pillugu ilinniartitaanermi immikkoortortaqarfimmi pisortaq nassuiaateqarpoq.

Ataatsimiinneq naammassivoq nal. 13.20